

宋

會

要

中興會要

鄉飲儀禮

高宗紹興十三年四月六日禮部言比部郎中林保奏
請乞將所具修定鄉飲酒矩範儀制乞遍下郡國本部
尋行下明州取索昨討論已行儀制與林保所具規式
參酌修具如右望錢版頒行從之主州以縣守縣南以
賓擇鄉里寄居年德高及侯州以通判縣以北至介長位
于西致仕者為之位于西北侯或簿位于東北介長位
南三賓于賓主介後又設郡僚之位東西相
鄉其餘仕與未仕者皆以齒序位於兩廊司正准服首
為相及贊禮儀者為之先一日設罇壘爵洗各如奠謁
之儀又於庠序之廊設主并介僕三賓之次又設席於
堂下凡鄉之仕與未仕者以齒序立又設席於庠門之

外自堂下各以序行立于庠門外之席質明主人率賓

以下先釋菜於先聖先師退各就次以俟肅肅賓賓

主以下各就次候鳴鼓相者引賓介以下序立於庠門

之外北面東上相者引主人出次僕從至庠門外連賓

及介少前主人立于門左西鄉賓介進立于門右東鄉

贊者立于中唱曰主人拜賓介以下答拜主人揖賓介

以下皆揖主人先入門左僕從揖介亦入門右介揖眾

賓皆入門右贊者先之相次之序賓主人與眾賓三

揖僕從門一揖殿廟一揖皆贊者唱之至堂下升階三避主

人先升阼階僕從立楹下賓趨升西階介從賓亦升自西

階並立楹下各南面司正亦升自西階立于西階之上

東鄉

教授升自東廡立於東階之上西向即燎分立兩廡

賓東西相鄉立於堂下

贊者唱曰賓主以下皆再拜祭酒拜訖相者引主人

詣罍洗所盥手洗爵詣尊所酌酒如釋奠儀復至作

階祭酒

也嘗酒

奠爵訖

主獻相者少立引主人再詣罍

洗所洗觶

飲賓

至河尊所酌酒實觶授執事者至賓席

前西北鄉立執事者分立

直觶者立主人之左

次引賓

自西階趨就席主人跪左執觶飲賓賓拜跪受飲酬

主人答拜拜先興執事者右薦脯醢賓受訖興主人退

就席立僕亦就席立賓酬相者引賓詣罍洗如主人

儀至主人席前東南鄉執觶飲主人主人拜跪受飲酬

脯醢賓答拜如主獻儀主人酬介相者引主人再詣

洗所洗解

解也介

酌酒如前儀至介席前次引介自西階

趨就席主人飲介如賓儀主人復退就席位介酬眾賓

相者引介詣洗所如賓儀

介洗三解也

至眾賓之長席前

相者引眾賓之長自西階趨就介席跪勸如賓儀眾賓

之長跪受立飲復位次引次賓一人至席前飲如前儀

退又引次賓一人至席前介飲亦如之並復位訖介至

堂下迎揖眾賓就席

主人就席從從次賓就席介從次

席次眾賓各就席並相者引之贊相及執事者各就席在堂上者升在西廡者各就位修爵無筭

賓主以下坐訖酒三行

介揖眾賓並禮生唱之沃洗

卒飲贊者詣主人席前唱曰請主人沃洗相者捧解詣

主人酌酒相者捧解詣洗所跪直洗者亦跪受立飲訖

各就位揚解贊者詣席前唱曰主人以下皆執笏次引
司正出位贊者曰請司正揚解次引司正取主人解詣
洗解至席前跪而揚解訖贊者請司正致詞司正乃言
曰古者於旅也語於是道古仰惟朝廷率由舊章敦崇
禮教今茲舉行鄉飲非專為飲食而已凡我長幼各相
勸勉忠於國孝於親內睦於閨門外比於鄉黨胥訓告
胥教誨毋或愆墮以忝所生贊者曰修爵訖司正復位
主人以下復坐 拜送相者引主人興復至阼階楫下
復賓介復至西階楫下立三賓亦至西階並南鄉教授
東階西鄉司正復立西階東鄉群僚復贊者唱曰主人
立兩無衆賓立千堂下東西相鄉立拜賓介以下再拜
拜既拜訴賓介與衆賓先自西趨

出主端立立自東出賓以下立于庠門外之右東鄉北

上主人立于門外之左西鄉從僎贊者立於中唱曰主人

再拜賓介以下皆再拜逡巡而退約束凡九事其一

無士行者不得齒于鄉飲之列其二置鄉飲年齒簿所以

生年月日其三輪請本鄉士大夫老成者與州學教授

同主其事其所立賓及僎介並與主人謀之隨宜潤澤

之其四合赴鄉飲人年七十以上者教授同掌鄉飲酒

官具書以禮敦請之五十以上及有官者以咨司列位

請之其餘士人各自具年甲報本學編排位次十九歲

以下並倚立曾得解者許坐父在坐則子倚立有官者

別席七十歲以上許免拜其五鄉飲所須飲食器具敦

請鄉之士大夫有功力者各備十位力可倍者倍之其
六行禮有期而有疾故不能者前期具狀免禮自不赴
者除其籍其七不係學籍及齒於鄉飲者不得稱進士
其八應赴鄉飲人有犯倨傲戲謔爭訟喧嘩等並依學
規行罰有正條者送所屬仍除其籍其九有該載不盡
及難舉事件並各從其鄉之便十七年正月二十七日
左迪功郎陳介言伏覩國家頒降鄉飲酒儀式諸州遵
行緣初無所行歲數之文望朝廷明降指揮令諸州三
歲科舉之年行之于庠序國子監參詳周禮州長春秋
會民則一歲再飲黨正大蜡正齒位一歲一飲鄉大夫
賓賢能則三歲一飲禮記鄉飲酒義曰鄉人士君子鄭

氏謂鄉人鄉大夫也士州長黨正也君子鄉大夫也鄉
大夫士飲國中賢者亦用此禮則鄉飲酒凡有四事行
之疎數不同如此漢晉而下間或行之唐正觀初頒其
書於天下欲每歲行之其後亦止行於貢士之歲既歷
代舉行歲數不同欲依請令郡縣於科舉之年行鄉飲
酒禮於庠序一次如願每歲行之者聽從其便從之
二十六年四月二十七日新通判撫州張洙言昨因臣
僚獻言士人應舉並須先赴鄉飲酒注籍給據方許赴
試欲以革冒賈者且鄉飲酒所以明長幼之序興禮遜
之風當其與科舉並行而不相悖欲望科舉保任並依
舊制雖不預鄉飲酒者皆許赴國子監看詳欲依所請

今後科舉依舊法其鄉飲酒禮願行於里社者聽從其
便仍不許官司干預從之

宋會要 優禮大臣

卷內條下有者復行注者與三千一百八十七又二萬四百五十四次條注同條下無者但注大典一萬四百五十四

太祖受禪降詔四方時天雄軍節度太尉中書令魏王符彥卿以累朝宿將優其禮而不名彥卿表乞呼名詔答不允太祖建隆二年九月江南李煜上表進貢陳叙襲位之意降詔答之但呼國主而不名周國朝侍江南之禮也初周世宗每貽書於李璟但呼國主而朝廷因之令煜襲位雖始降詔仍存國主之號乾德元年十二月江南李煜上表乞呼名詔曰王者禮請侯也異姓謂之叔舅詔書賜之不名載乎禮文見乎史冊顧惟涼德慨慕前王矧彼大邦宜加異數國主禮存事上義執勞謙請呼君前之名誠為忠順俯同臣下之制何辨等來難

議允俞彌深嘉歎所請不允開寶四年十一月江南李煜遣其弟從善以郊裡來朝貢煜仍上表乞降詔呼名從之先是李璟已來每上表自稱唐國主印文為唐國之印周世宗猶答之以書太祖受禪璟死煜立命改書為詔然尚以國主呼之至是煜聞廣南已下頗懼乃上表稱江南國主改印文為江南國印仍乞呼名九年九月吳越國主錢俶來朝特制賜劔履上殿詔書不名太平太平興國三年四月俶遣使上言乞後今俶所賜詔呼名詔曰卿油幢濟美鼎鉉銘功事傳賜履之榮實荷專征之寄先皇帝大詔虎旅問罪金陵賴卿忠勞遽茲戡定又東桓圭而入覲拜文陛以稱觴尊楚天朝勅

勞王室爰舉不名之典用旌盖世之勲忽爾雄飛遽形
推避矧惟茂典出自先朝顧余冲人纘承舊服方優崇
於元老敢廢墜於寵章所請且不允 九年六月十日
前保義軍節度使杜審進謝許受楚王已下拜禮 淳
化三年四月賜問太師趙普書不名辭曰皇帝問太
師頃以微疴懇求引退朕以君守二宅之重中書八柄
之劇慮其職務尚煩書畫爰改維師之秩用諧就第之
安解簿領之糾紛加藥石之治療公家之事不撓於襟
靈師臣之心並勞於寤寐必應閑適已邇康寧行聞有
夢與朕相見今遣使往彼撫問仍賜飼羊上樽具如別
錄太師其愛精神近醫藥彊飲食以副朕眷注之意焉

卷三十一 百八十七

二

宋制事實開寶元年貶雷德耀官初德耀判大理寺其
官屬與堂吏附會宰相擅增減刑名德耀憤惋面其事
併言趙普德耀市人第宅聚斂時時上怒曰鼎鑪縮有耳
汝不問趙普普社稷之臣乎以判大理寺而敢於言
大臣之經不惟養後日敢言之風亦可以無大臣專豫
之禍漢高帝問蕭何多買田宅之污則有械繫元歎之
辱此漢一戒所以言誅戮大臣之禍我太祖聞趙普德
耀市人第宅之事則有鼎鑪有耳之責此本朝所以有進
退大臣之體真宗大中祥符八年二月制皇兄楚王元
佐特加天策上將軍仍賜劍履上殿詔書不名九年
宰相王旦以疾求罷入謁滋福殿帝曰朕方以大事托

卿而卿疾如是乃命皇太子拜旦旦因進曰太子威德
必任陛下事 乾興元年二月皇叔涇王進封定王加
贊拜不名先是詔中書門下別定接見皇叔涇王儀禮
院言漢章帝詔沛濟南東平中山王贊拜皆勿名晉康
帝即位詔武陵王晞贊拜不名今參詳涇王朔望每殿
庭朝會及起居並依故事賜贊拜不名皇帝於內中見
王即依先帝見大長公主儀式從之至是又再帖入恩
制行下 天聖五年十二月制皇叔定皇賜詔書不名
八年十二月制皇叔鎮王賜劄履上殿詔書不名以
上國朝會宴 哲宗即位元豐八年三月二十六日詔皇
叔秦寧鎮海等軍節度使守司空開府儀同三司確王

顯保信保靜等軍節度使守司空開府儀同三司曹王
顯賜贊拜不名五日一朝見於內中如見大長公主之
儀四月二十六日王顯顯曹王顯上表辭詔不允哲

宗元符三年正月九日保平奉寧等軍節度使守司空
開府儀同三司申王秘改永興成德等軍節度使京兆
真定尹遷守太傅進封陳王賜贊拜不名 徽宗宣和
七年十二月二十六日詔越王燕王屬近行尊其賜入
朝不越贊拜不名 以上續國朝要 中興乾道會要無

此門太宗端拱元年七月秋大熱太宗以宰相趙普有
年詔許每日長春殿對罷便歸私第願養候涼赴中書
視事普頌首謝 淳化三年七月七日詔遣左正言張

東齋太師趙晉生辰器幣鞍馬就西京賜之國朝故事
非同平章事者無生辰國信之例帝以晉熟舊故特異
其禮。真宗大中祥符三年六月二十四日翰林院請
學士邢昺病篤真宗親臨問國朝故事非宗戚將相無
省病臨喪之行惟昺與郭贄以恩舊特恩此禮儒者榮
之。五年八月以左僕射張齊賢為特進守司空致仕
及中謝方拜而仆遽止之既命坐令益為三以寵之
及歸西京入辭帝憐其衰羸命不拜聽二子掖而升殿
天禧三年二月十四日彰德軍節度觀察留後馬知
節將赴知貝州特免其朝辭召對使坐掖而升殿。四
年五月新授左屯衛上將軍致仕王嗣宗求入面辭及

為拜跪稍難乞免舞蹈令其子扶掖升殿從之

仁宗

慶曆三年正月制宰臣呂夷簡進司空軍國重事候疾

損目三五日一入中書夷簡累以疾求罷朝廷異數留

之也至和元年十月詔樞密使德用高年入朝謁其特

免拜十二月知并州韓琦以疾乞太醫齊士明而翰

林醫官院言士明當診御脉不可遣仁宗立命內侍

竇昭扶齊士明往視之以示優寵也英宗治平元年五月進軍律琦

召琦等入謝琦等以方辭避不敢入帝固召之既視事

入復出御戎和殿以俟琦等遂入謝命坐賜茶優遇大

臣也英宗即位韓琦獻當國策主之宋上之

永昭禮成乃辭機政每三遣使諭留進詣亦已上列集

以二十五年
寄據真
一萬四千五
十萬

宸翰既之曰卿有大德於朕有大功於社稷方倚老成

共圖新政卿何能遠欲去任卿若不起朕將親往所公望

日遂出輔政如初台宰乞罷奪禮之禮未有此也也士

論不以爲然而以爲宜然蓋大臣有非常之業然後可

當非常之恩先以以上國朝會要神宗治平四年末次

元正月十七日詔皇伯東平郡王允弼皇叔襄陽郡王

允良古之王者禮近屬推恩以廣愛於天下有伯祖叔

祖居朝以藩屏于王室重惟先帝常所尊遇朕新結基

構思廣親親之道匪用優待何以旌別其只朝朔望以

表異數熙寧元年二月九日詔判河陽富弼移判汝

州從其請也因令朝入朝見訖赴任許肩輿至殿門令

其子扶掖入見仍免拜起。元豐三年三月二日詔以
光祿大夫行尚書工部侍郎同中書門下平章事監脩
國史吳充為行吏部尚書觀文殿大學士西太一宮使
仍詔大朝會許綴中書門下班依知大藩例支添給
六月十一日詔寶文閣學士右諫議大夫兼侍讀陳薦
久苦足疾除將來親祠明堂外諸祠攝事免一年。閏
九月二十三日賜御筵於都城門外餞送文彥博令中
書樞密院臣寮同赴上自為詩賜之仍命參知政事章
惇為之序詔曰卿在祖宗朝疊冠三事懷忠奮策迄有
大勲來覲外廷相成宗祀崇進公品往莅洛師錫燕賜
詩昭示殊禮仍敕近輔序而識之庶傳無窮著見賢業

其承朕志體服眷恩今賜卿詩序至可領也先是三年
九月四日召河東節度使守司徒兼侍中判大名府文
彥博陪祠是月二十六日制守太尉開府儀同三司太
原京兆尹判河南府潞國公亮河東永興軍節度管内
觀察處置等使彥博固辭兩鎮乃加食邑千戶食實封
四百戶 六年十月九日詔江夏郡王知太宗正忠惠
年高艱於趨拜應太廟祠事宜並免濟陽郡王曹佺將
來大禮上二帝徽號止令赴宿衛 哲宗元祐元年閏
二月三日詔新除觀文殿大學士判陳州蔡確如前宰
相儀四月二日命入內內侍省押班梁從吉齋詔賜守
太師致仕文彥博曰卿踐更二府弼亮三朝名聞四夷

功在天下注想元老渴見儀形宜疾其驅副我虛佇詔
書到日卿可肩輿赴關并男貽慶居中隨侍令河南府
津置行李六日詔守太師致仕文彥博赴關獨班起居
減拜肩輿至下馬處子弟一人扶掖出入儀制依見任
宰臣十五日詔賜文彥博曰朕紹承皇緒臨御寶圖涉
道未明周知攸濟乃瞻元老炳亮三朝功被生民名重
當世天錫眉壽既久而昌宜還師臣輔我大政已降制
授太師平章軍國重事可一月兩赴經筵六日一入朝
因至朝堂與執政商量事如遇有軍國機要事即不限
時日並令入預參決其餘公事只委僕射以下簽書發
遣俸賜依宰臣例十七日詔太師文彥博到關朝見日

止令四拜起居所有謝對衣等禮數並特免拜 十八
日宰臣司馬光特賜告治疾給俸如故十九日詔新除
尚書左僕射司馬光見為足瘡在假聞自今年四月不
請諸般請受可勿任吏仍錄此付光 二十一日守太
師文彥博特許用宰臣使相出使到闕例書判三十日
河東節度使守太師開府儀同三司致仕潞國公文彥
博進對命其子承議郎權發遣提舉三門白波輦運貽
慶扶掖上殿賜貽慶金紫章服 即民間見錄文潞公刊
北京有汪輔之者新除運判為人難急入謁潞公方坐
廳事聞謁判置按下不問久之乃出輔之已不履
既見公禮之甚謹曰家人頃令沐髮忘見運判勿訝輔

之沮甚傷例監司至之三日府必作會公政罷之移文
定日檢按府庫通判已次白公公不答是日遂晏內外
事並不差通起騎不可請稱輔之怒敗梁閣庫璫亦無
從檢按之審初潞公不治神室御批輔之所上奏付潞
公有曰侍中舊德故煩外護北門細務不必勞心輔之
小臣敢爾無禮將別有處置之語潞公得之不言一日
會監司曰老謬無治狀幸諸君寬之監司皆愧謝出御
批以示輔之輔之皇恐逃歸託按部以出未幾輔之罷
爲呼神宗眷遇大臣沮抑小人如此可謂之聖也文
昌雜錄元豐甲子二月五日本師段仁文公自西京造
朝脩謝對子無拱諮是日特開宴酒五行命御藥院內

侍梁從政時以大觴酌御樽酒以觴之且命從侍臣拭目以觀恩禮之隆遇焉即氏簡見錄神宗元豐四年呂北京留守文潞公陪祀南郊會吏官判司司徒侍中拜大尉罷侍中為開府儀同三司判河南府陞辭先是政參知政事王見臣之子同老以至和中潞公於劉相沉富韓公弼王參政堯臣共乞立英宗為皇嗣章單進呈明其父功帝留之禁中面問潞公公對與同老合乃加潞公兩鎮節使官其子寧道為承事郎潞公力辭兩鎮止受金邑劉沆贈太師中書令兼尚書令光國公子僅自祠部員外郎為天章閣待制王堯臣贈太師中書令賜諡文忠子國同老自祠部員外郎充祕閣校理富公

進司徒子昭京隆閣門祇候富公之客李德問公曰公
治平初進戶部尚書屢辭今進司徒一辭而拜何也公
曰治平初乃某自辭官也今自潞公以下皆遷某宣敢
堅辭妨他人也蓋潞公與荆公論政事不合出判北京
七年不召自几帝眷禮復厚矣五月七日詔尚書左僕
射司馬光足疾已平惟妨拜跪可不候參假放正謝光
造朝許肩輿三日一至都堂聚議或門下尚書省治事
光言臣近奉旨許肩輿至內東門外令男康扶掖至小
殿引對特免起居禮數愈重尤不敢當乞俟垂簾日於
延和殿引見并乞乘輜至下馬處遇拜扶掖候安日復
舊詔令乘輜至崇政殿垂簾日引對十二月詔奉議郎

祕書省正字司馬康以扶侍父延和殿進對賜緋章服
六月二十一日宰臣司馬光言請自今遇延和殿垂簾
日赴起居奏事從之仍以足瘡詔許乘轎起居特免拜
及令男康扶掖入殿文臨雖錄司馬公光拜門下侍郎
解避君親恩遣山樂院近侍告受吉身使日特垂簾促
令告謝押赴門下公即賜私第又遣入內都知張茂則
宣召供張國朝故事推掌殿或問遣御藥院近臣傳旨
都知崇朝未嘗遣之白受吉身使日特問延和又遣都
知宣召皆非舊例恩禮之隆今昔絕擬十一月二十九
日詔北使朝辭日太師文彥博免起居二年四月八
日詔太師平章軍國重事文彥博可自今後每十日一

赴朝參因至都堂議事仍一月一赴經筵以彥博累章乞致仕故有是命六月三日詔護國軍節度使濟陽郡王曹佺坤成節獻壽崇政殿特綴宰相班減拜八月二十一日詔新知鄧州資政殿大學士韓維知汝州維解機政出守而其兄絳言病悴請汝以便醫故有是命二十四日詔賜文彥博呂公著曰朕聞杖以優賢著之典禮耄老無下拜書於春秋魏太傅鍾繇以足疾乘車就坐自爾三公有疾以為故事而唐司徒馬燧亦以老病自力對於延英詔使無拜今吾耆老大臣四朝之舊德隆而望重任大而憂重者惟卿與公著而已實其耆龜之告宣責以筋力之禮今後入朝凡有拜禮宜並

特免卿其專有為之報畧無益之儀毋或固辭以稱朕
意二十八日文彥博上章辭不拜恩命詔曰朕優禮卿
傳達德處之尊以亟拜為可畧古之道也卿謹嚴朝廷
明君臣之分以不拜為未安禮之節也道並行而不悖
義有重而難移勉徇所陳不忘嘉歎所請宜允仍詔公
著以步復稍難自今每遇入朝特許令另一人入殿扶
掖先是詔彥博等毋拜既而固辭不允翰林學士蘇軾
言禮經八十拜君命一坐再坐所謂君命者傳命而拜
非朝見也然且不免周天子賜齊桓公胙命曰伯父臺
老無下拜公曰天威不遠連願咫尺下拜登受所謂無下
拜者無拜於堂下非不拜也然且不脫鍾繇以足疾來

車就坐疑若不拜然亦無明文右前乘車豈足為法而馬煖延英不拜蓋是臨時優禮無今後遂不拜之文祖宗舊例如呂端之流以老病進對亦止於臨時傳宣不拜今未彥博公著今後免拜旨揮自是朝廷優賢貴老度越古今無可議者但有司合守典禮兼恐彥博公著終不敢當不若允其所請若聖上優閑老臣眷眷不已遇其朝見間或傳宣不拜足以為非常之恩所有不允批答臣未敢撰從之故有是詔 二年正月二十九日詔鎮江軍節度使開府儀同三司守司空致仕韓絳辭日令男宗師扶掖入殿 四月五日詔司空同平章軍國事呂公著一月三赴經筵二日一朝因至都堂議軍

以上大典一萬
四百五十四同

國事遇入都堂議事勿限時出省常行文書免簽書及
附近東西府公廨聽執政就議事 徽宗政和五年三
月十四日手詔北覽元堂訓詁得故相韓琦文彥博至
和嘉祐定策之勲功在社稷久而彌彰追往念功惻然
永歎琦以其子贈至極品正循常格未加褒異彥博罪
籍未除舊官未復琦可封郡王彥博可除罪籍復舊官
悉與所得恩例付國史院記載其實 六年四月八日
詔何執中已除太傅致仕特許旦望赴朝參所有請給
應役使臣人從等所服帶打繳上下馬處等恩數可並
依舊 九月十六日詔鄭居中已除少傅威武軍節度
使佑神觀使克神霄玉清萬壽宮使進封崇國公所有

寄葉原本
告記朝見
作書諸廟
見今據大
典萬四百
五十四校改
寄葉本典
萬四百五
四作次應

應于恩教請給并羗虜使臣人吏諸色祇應人等並依
宰臣例施行朝堂立班在少宰之下從吉日令東上閣
門降告告記朝見上殿冬祀陪祠仍許令先次赴受誓成
以上續國會要 高宗紹興二十年十二月二十一日詔
閣門俟太師秦檜赴朝參日許令肩輿至合上下馬處
仍令二孫扶掖起居以上中興會要孝宗（興）紹三十二
年未改元十一月十四日左中奉大夫充敷文閣待制
辛次膺召赴行在引見進對以足疾詔毋拜二十九
日詔參知政事張燾朝謁許乘輜入出皇城門至宮門
丙上下馬處許帶火點踏子入出以燾病特降是詔十
二月三日詔參知政事張燾辛次膺許請朝謁帝朝等

假依時入局治事如有面對於午後令內殿引見 隆
興二年閏三月三日詔少保觀文殿大學士充醴泉觀
使福國公陳康伯內殿起居早上殿賜坐奏事訖更不
降階止便就坐賜茶下階免謝坐又詔陳康伯為病權
令乘肩輿入皇城至殿門外差知班扶赴殿內起居候
工殿即差舍人扶掖至榻前宋史陳康伯波再相至
閣下詔子安節齊文好謙掖以入減拜賜坐間日一會
朝許肩輿至殿門仍給掖非大事不署五日詔陳康伯
餘疾未平尚妨拜跪可隔日一朝每日赴都堂治事應
非取旨并常程事並權免簽押 二年十一月十日詔
參知政事周蔡為墜馬有傷免乘騎權令乘轎入內起居

赴朝參

以上

乾道

要

要

會

會

要

要

要

要

要

要

要

要

要

要

此二段接上
可並依舊
卷下

續上下馬處等恩數可並依舊
蔡京三上章乞致仕自今特許三日一造朝仍赴都堂
及輪往逐省治事 五月一日詔太師蔡京令遇朔望
許朝三日一知印當筆不赴朝日許府第書押不押敕
劉不書鈔六日尚書省言奉御筆太師蔡京自今特許
三日一造朝仍赴都堂及輪往逐省通治三省事以正
公相之任事畢從便歸第未嘗三日一朝除與不除擬

此三節補
入高宗信
興寧年上

故如不係朝日分遇車駕朝獻行幸筵宴慶賀聽御禮
拜表行香按視及虜使見辭并非次宴集之類合與不
合趁赴奉御筆令趁赴內申明假故一節閣門供對已
進呈合除假外詔實理三日起赴七年十一月六日
詔太師魯國公蔡京告老乞骸章數十上議難固違可
細務特免僉書五日一朝赴都堂治事宣和元年四
月九日太師魯國公臣蔡京言昨蒙寬假許朝五日止
省大事而臣年餘七十禮當謝事今三省錄黃盡旨入
進文字與六曹奏鈔敕命行下猶繫臣名銜著不押免
書字豈有身不任事事非已出繫名其上虛負天下之
責覲顏慚忤罔知所指奉御筆有繫書一節可從所請

復校銷

外餘並依前後累降詔旨無復別有陳請

九月廿六

日詔鄭唐中已除少傅威武軍節度使佐神觀使充神
霄奉清萬壽宮使進封崇國公所有恩于恩數請給并
奉破使車人使詣色祇應人等車衣宰臣例施行朝堂
立班在少宰之下從昔日令東上閣門降告訖朝見上
殿未祀唐祠仍許令老次赴受誓威二年六月八日
太師魯國公蔡京奏臣以衰病三上章陳乞致仕伏蒙
聖慈賜臣御筆至此迹於周公願臣何人敢當此禮緣
臣自被識拔承輔軒陛垂二十年辨釋謾諤脫於患禍
天地父母之施蓋無以過又使間朝五日疲老餘生遂
得休佚三省職事許不省治而恩禮頻煩有加無替聯

烟國戚子尚王姬賜予寵賚略無虛日輕舟小輦寫鑒
七幸婢妾僕皂皆被恩榮眷禮若此安敢言去偶緣比
來體虛心弱暑氣所傷七十謝事禮不可踰加以四年
已為貪冒况又病疾深不能自己臣不敢再上表章
謹令男攸持此劄子請對投進詔可依所乞守本官致
仕依舊神霄玉清萬壽宮使在京賜第居住其恩禮俸
給之屬及見破官吏人從等並依舊仍朝朔望六年閏
三月十一日詔太子詹事耿南仲拜疏艱難止令起赴
朔望起居十二月二十日制太師魯周公致仕蔡京可
落致仕領三省事五日一赴朝請至都堂治事

以上續
宋會要

優禮大臣

太祖受禪降詔四方時天雄軍節度太尉中書令魏王符彥卿以
累朝宿將優其禮而不名彥卿表乞呼名詔答不允大典卷一萬四千五百五十四
太祖建隆二年九月江南李煜上表進貢陳叙襲位之意降詔答
之但呼國主而不名因周朝侍江南之禮也初周世宗每貽書於
李璟但呼國主而朝廷因之令煜襲位雖始降詔仍存國主之號

大典卷一萬四千五百五十四

乾德元年十二月江南李煜上表乞呼名詔曰王者禮諸侯也異
姓謂之叔舅詔書賜之不名載乎禮文見乎史冊顧惟涼德慨慕
前王矧彼大邦宜加異數國主禮存事上義執勞謙請呼君前之
名誠為忠順俯同臣下之制何辨等衷難議允俞彌深嘉歎所請
不允上同

開寶四年十一月江南李煜遣其弟從善以郊禮來朝貢煜仍上
表乞降詔呼名從之先是李璟已來每上表自稱唐國主印文為

唐國之印周世宗猶答之以書太祖受禪環死煜立命改書為詔
然尚以國主呼之至是煜聞廣南已下頗懼乃上表稱江南國主
改印文為江南國印仍乞呼名上同

九年九月吳越國主錢俶來朝特制賜劍履上殿詔書不名上同

太宗太平興國三年四月俶遣使上言乞今後所賜詔呼名詔曰

卿油幢濟美鼎鉉功華傳賜履之榮實荷尊征之寄先皇帝大

詔虎旅問罪金陵賴卿忠勞遠茲戡定又秉桓圭而入覲拜文陛

以稱觴尊獎天朝勤勞王室爰舉不名之典用旌蓋世之勲忽爾

撫謙遠形推避矧惟茂典出自先朝顧余冲人纘承舊服方優崇

於元老敢廢陞於寵章所請宜不允上同

九年六月十日前保義軍節度使杜審進謝許受楚王下拜禮上同

清化三年四月賜問太師趙普墮書不名辭曰皇帝問太師頃以

微疴懇求引退朕以居守二宅之重中書八柄之劇慮其職務尚

煩耄耄更改維師之秩用攝就第之安解薄領之紕紛加鑒石之

療公家之事不撓於謀靈師臣之心益勞於寤寐必應閑適已遂

康寧行聞有疾與朕相見今遣使往彼撫問仍賜飼羊上博具如

別錄太師其愛精神近醫藥彊飲食以副朕眷注之意焉

宋附會宰相增減刑名德職官初德職判大理寺其官屬與

第宅判取大財賄上怒曰鼎鑊猶有耳汝不惟養彼日敢言之風亦可

以無大判大專權之禍於高帝大臣之禍我太祖聞趙普建市人

勳之辱此漢一代之所以有誅戮大臣之多買四宅之汚則普建市人

第宅之事則漢一代之所以有誅戮大臣之多買四宅之汚則普建市人

本朝所以有進退大臣之禮此同上

真宗大中祥符八年二月制皇兄楚王元佐特加天策上將軍仍

賜劍履上殿詔書不名上同

九年宰臣王旦以疾求罷入謁滋福殿帝曰朕方以大事托卿而

卿疾如是乃命皇太子拜旦旦因進曰太子盛德必任陛下事上同

乾興元年二月皇叔涇王儀禮院言漢章帝詔沛濟南東平中山王
下別定接見皇叔涇王儀禮院言漢章帝詔沛濟南東平中山王
贊拜皆勿名晉康帝即位詔武陵王晞贊拜不名今參詳涇王朔

望每殿庭朝會及起居並依故事賜贊拜不名皇帝於內中見王
即依先帝見大長公主儀式從之至是又再帖入恩制行下同上

天聖五年十二月制皇叔鎮定皇賜詔書不名同上

八年十二月制皇叔鎮鎮賜劍履上殿詔書不名以上同朝會

哲宗即位元豐八年三月二十六日詔皇叔泰寧鎮海等軍節度

使守司空開府儀同三司雍王顥保信保靜等軍節度使守司空

開府儀同三司曹王顥賜贊拜不名五日一朝見於內中如見大

長公主之儀四月二十六日雍王顥曹王

哲宗元符三年正月九日保平奉寧等節度使守司空開府儀同

三司中王秘改永興成德等軍節度使京兆真定遷守太傅進封

陳王賜贊拜不名同上

徽宗宣和七年十二月二十六日詔越王燕王屬近行尊其賜入

朝不超贊拜不名以上續國朝會要中興

太宗端拱元年七月秋大熟太宗以宰相趙普耆年詔許每日長

春殿對罷便歸私第願養候涼赴中書視事普頓首謝

上同

淳化三年七月七日詔遣左正言張秉齋太師趙普生辰器幣

馬就西京賜之國朝故事非同平章事者無生辰國信之例帝以

普元勲舊故特異其禮

上同

真宗大中祥符三年六月三十四日翰林侍讀學士邢昺病篤真

宗親臨問國朝故事非宗戚將相無省病臨喪之行惟昺與郭贊

以恩舊特用此禮儒者榮之

上同

五年八月以左僕射張齊賢為特進守司空致仕及中謝方拜而

仆遽止之既命坐令墊為三以寵之及歸西京入辭帝憐其哀羸

命不拜聽二子掖而升殿

上同

天禧三年二月十四日彰德軍節度觀察留後馬知節將赴知貝

州特免其朝辭召對便坐掖而升殿

上同

四年五月新授左屯衛上將軍致仕王嗣宗求入面辭及為拜跪

稍難乞免舞蹈令其子扶掖升殿從之

上同

仁宗慶歷三年正月制宰臣呂夷簡進司空軍國重事候疾損日

三五日一入中書夷簡累以疾求罷

上同

至和元年十月詔樞密使王德用高年入朝謁其特免拜

上同

十二月知并州韓琦以疾乞太醫齊士明而翰林醫官院言士明

當診御脉不可遣仁宗立命內侍實昭扶齊士明往視之以示優

寵也上同

英宗治平元年閏五月進宰臣韓琦等

官

一萬四千六百五十四字寄城大興英

宗御延和殿召琦等入謝琦等以方辭避不敢入帝因召之既視

事入復出御延和殿以候琦等遂入謝命坐賜優遇大臣也珍度

英宗明倫堂講學忠獻當周策立之宗工也永昭禮成焉罷機政再

遣使諭留韓忠獻當周策立之宗工也永昭禮成焉罷機政再

於社稷方倚老成共國新政初何嫌何疑並欲去位所若不起也

士論不仕公豈日遂出輔政然益大臣有非常之厚未有此也

神宗治平四年未改正月十七日詔皇伯東平郡王允弼皇叔襄

陽郡王允良古之王者禮近屬推恩以廣愛於天下有伯祖叔祖

居朝以藩屏於王室重惟先帝常所尊遇朕新紹基構思廣親親之道匪用優待何以旌別其只朝朔望以表異數上同熙寧元年二月九日詔判河陽富弼移判汝州從其請也因令朝見訖赴任許肩輿至殿門令其子扶掖入見仍免拜起上同元豐三年三月二日詔以光祿大夫行尚書工部侍郎同中書門下平章事監修國史吳充為行吏部尚書觀文殿大學士西太一宮使仍詔大朝會許綴中書門下班依知大藩例吏添給上同六月十一日詔實文閣學士右諫議大夫兼侍讀陳薦久苦足疾除將來親祠明堂外諸祠攝事免一年上同閏九月二十三日賜御筵於都城門外錢送文彥博令中書樞密院臣寮同赴上自為詩賜之仍命參知政事章惇為之序詔曰卿在祖宗朝蚤冠三事懷忠奮策迄有大勲來覲外廷相成宗祀崇進公品往蒞洛師錫燕賜詩昭示殊禮仍敕近輔序而識之庶傳無窮著見賢業其承朕志體服眷恩今賜卿詩序至可領也先是

三年九月四日召河東節度使守司徒兼侍中判大名府文彦博陪祠是月二十六日制守太尉開府儀同三司太原京兆尹判河南府潞國公充河東永興軍節度管内觀察處置等使彦博固辭兩鎮乃加食邑千戶食實封四百戶

六年十月九日詔江夏郡王知太宗正宗惠年高艱於趨拜應太廟祠事宜並免濟陽郡王曹侂將來大禮上二帝徽號止令赴宿

衛

哲宗元祐元年閏二月三日詔新除觀文殿大學士判陳州蔡確

如前宰相儀

同上

四月二日命入內侍省押班梁從古齋詔賜守太師致仕文彦博曰卿踐更二府弼亮三朝名聞四夷功在天下注想元老渴見

儀形宜疾其驅副我虛佇詔書到日卿可肩輿赴闕并男貽慶居

中隨侍令河南府津置行李

同上

六日詔守太師致仕文彦博赴闕獨班起居減拜肩輿至下馬處

寶涉

子第一人扶掖出入儀制依見任宰臣

上同

十五日詔賜文彥博曰朕紹承皇緒臨御寶圖涉道未明周知攸

濟乃瞻元老弼亮三朝功被生民名重當世天錫眉壽既父而昌

宜還師臣輔我大政已降制授太師平章軍國重事可一月兩赴

經筵六日一入朝因至朝堂與執政商量事如遇有軍國機要事

即不限時日並令入預參決其餘公事只委僕射以下簽書發遣

依賜依宰臣例

上同

十七日詔太師文彥博到闕朝見日止令四拜起居所有謝對衣

等禮數並特免拜

上同

十八日宰臣司馬光特賜告治疾給俸如故十九日詔新除尚書

左僕射司馬光見為足瘡在假聞自今年四月不諸諸般請受可

勿住支仍錄此付光

上同

二十一日守太師文彥博特許用宰臣使相出使到闕例書判三

十日河東節度使守太師開府儀同三司致仕潞國公文彥博進

對命其子承議郎權發遣提舉三門白波輦運貽慶扶掖上殿賜

貽慶金紫章服

賜

即氏間見鎮文路公賜北京有江輔之者新除運判為輔之辨已不入

錫路公方生聽公賜北京有江輔之者新除運判為輔之辨已不入

甚例監司至禮之甚謂曰家作會公故木罷之不移文運定日分封按府之庫通甚

判已破白公庫不答是日從家要也外事並公不虛治通鑄按府之庫通甚

之所上奏敢治狀禮將別有中處舊德之故煩則公護北門不無務神鑄按府之庫通甚

之小臣敢治狀禮將別有中處舊德之故煩則公護北門不無務神鑄按府之庫通甚

惟恐此罪無託按部以出居寬之幾輔監之嚴密鳴謝出御之門不無務神鑄按府之庫通甚

文人公和此罪無託按部以出居寬之幾輔監之嚴密鳴謝出御之門不無務神鑄按府之庫通甚

院內侍梁從造朝聖以謝對文昌雖輔監之嚴密鳴謝出御之門不無務神鑄按府之庫通甚

同三公陪祀之隆遇馬更官邵氏開兩垂錄元是豐之特子宗御之門不無務神鑄按府之庫通甚

和建中呈明公判河東會更官邵氏開兩垂錄元是豐之特子宗御之門不無務神鑄按府之庫通甚

草建中呈明公判河東會更官邵氏開兩垂錄元是豐之特子宗御之門不無務神鑄按府之庫通甚

公建中呈明公判河東會更官邵氏開兩垂錄元是豐之特子宗御之門不無務神鑄按府之庫通甚

治平初乃某自辭官也今自路公辭以今下皆遣使某宣敢望辭也他日人

也蓋路公與荆公論政事不合出判
北京七年不自北平春禮復學矣

同上

五月七日詔尙書左僕射司馬光足疾已平惟妨拜跪可不候奏
假放正謝免造朝許肩輿三日一至都堂聚議或門下尙書省治
事光言臣近奉旨許肩輿至內東門外令男康扶掖至小殿引對
特免起居禮數愈重尤不敢當乞候垂簾日於延和殿引見并乞
乘輜至下馬處遇拜扶掖候安日復舊詔令乘輜至崇政殿垂簾
日引對

同上

十二日詔奉議郎秘書省正字司馬康以扶持父延和殿進賜緋
章服

同上

六月二十一日宰臣司馬光言請自今遇延和殿垂簾日赴起居
奏事從之仍以足瘡詔許乘輜起居特免拜及令男康扶掖入殿

文昌雜錄司馬光拜門下侍郎辭避在確系遠街藥院近傳召受
知張茂則宣召供職國朝故事推宰相或問道和又遣都知宣召皆
都知果朝未嘗遣也召受告身更日特開延和又遣都知宣召皆
六

非舊例恩禮之
隆今者絕擬同上

十一月二十九日詔北使朝辭日太師文彦博免起居同上

二年四月八日詔太師平章軍國重事文彦博可自今後每月

一赴朝參因至都堂議事仍一月一赴經筵以彦博罷事訖故有是命同上

六月三日詔護國軍節度使濟陽郡王曹侂坤成節獻壽崇政殿

特綴宰相班減拜同上

八月二十一日詔新知鄧州資政殿大學士韓維知汝州維解機

政出守而其兄絳言其病悴請汝以便醫故有是命同上

二十四日詔賜文彦博呂公著曰朕聞几杖以復賢者之典禮查

老無下拜書於春秋魏太傅鍾繇以足疾乘車就坐自爾三公有

疾以為故事而唐司徒馬燧亦以老病自力對於延英詔使無拜

今吾耆老大臣四朝之舊德隆而望重任大而憂深者惟卿與公

著而已方資其耆邁之告宜責以筋力之禮今後入朝凡有拜禮

宜並特免卿其專有為之報畧無益之儀毋或固辭以稱朕意同上

二十八日文彦博上章辭不拜恩命詔曰朕優禮師傅達德齒之尊以丞拜為可畧古之道也鄉謹嚴朝廷明君臣之分以不拜為未安禮之節也道並行而不悖義有重而難移勉徇所陳不忘嘉歎所請宜允仍詔公著以步履稍難自今每遇入朝特許令另一人入殿扶掖先是詔彦博等安拜既而固辭不允翰林學士蘇軾言禮經八十拜君命一坐再至所謂君命者傳命而拜非朝見也然且不免周天子賜齊桓公胙命曰伯父耄老無下拜公曰天威不遠咫尺下拜登受所謂無下拜者無拜於堂下非不拜也然且不敢鍾縣以足疾乘車就坐疑若不拜然亦無明文君前乘車豈足為法而馬燧延英不拜蓋是臨時優禮無令後遂不拜之文祖宗舊例如呂端之流以老病進對亦止於臨時傳宣不拜今來彦博公著今後免拜旨揮自是朝是優賢貴老度越古今無可議者但有司合守典禮兼恐彦博公著終不敢當不若允其所請若聖上優閑老臣眷眷不已遇其朝見間或傳宣不拜足以為非常之

恩所有不充批答臣未敢撰從之故有是詔

上同

二年正月二十九日詔鎮江軍節度使開府儀同三司守司空致仕韓絳辭日令男宗師扶掖入殿

上同

四月五日詔司空同平章軍國事呂公著一月三赴經筵二日一朝因至都議軍國事遇入都堂議事勿限時出省常行文書免簽書及附近東西府公廨聽執政就議事

上同

徽宗政和五年三月十四日手詔比覽元豐訓詁得故相韓琦文彥博至和嘉祐定策之勲功在社稷久而彌彰追往念功惻然永歎琦以其子贈至極品止循常格未加褒異彥博罪籍未除舊官未復琦可封郡王彥博可除罪籍復舊官悉與所得恩例付國史院記載其實

上同

六年四月八日詔何執中已除太傅致仕特許旦望赴朝參所有請給應彼使臣人從等所服帶打鐵上下馬處等恩數可並依舊

上同

趁

二十七日詔太師蔡京三上章乞致仕自今特許三日一造朝仍

赴都堂及輪往逐省治事

大典卷一萬四千五百五十四

五月一日詔太師蔡京令遇朔望許朝三日一知印當筆不赴朝

日許府第書押不押敕劉不書鈔六日尚書省書奉御筆太師蔡

京

今許三日一造朝仍赴都堂及輪往逐省通治三省事以正

公相之任事畢從便歸第未審三日一朝除與不除假故如不係

朝日分遇車駕朝獻行幸筵宴慶賀聽御禮拜表行看按視及虜

使見辭并非次宴集之類合與不合起赴奉御筆合起赴內申明

假故一節閣門供對已進呈合除假外詔實理三日起赴上

九月十六日詔鄭居中已除少傅威武軍節度使佑神觀使充神

霄玉清萬壽宮使進封崇國公所有應干恩數請給并羗虜使臣

人吏諸色祇應人等並依宰臣例施行朝堂立班在少宰之下從

吉日令東上閣門降告訖朝見上殿

寄案原本告作吉訖作請朝

校十四冬祀陪祠仍許令先次赴受誓戒

以上續國會要大典卷一

七年十一月六日詔太師魯國公蔡京告老乞骸章數十上議難

固違可細務特免簽書五日一朝赴都堂治事大典卷一萬四千五百五十四

宣和元年四月九日太師魯國公臣蔡京言昨蒙寬假許朝五日

止省大事而臣年餘七十禮當謝事今三省錄黃畫旨又進文字

與文字六曹奏鈔敕命行下猶繫臣名銜著不押免書字豈有身

不任事事非已出繫名其上虛負天下之責硯頗慚忤固知所措

奉御筆有繫書一節可從所請外餘並依前倣累降詔旨無復別

有陳請同上

二年六月八日太師魯國公蔡京奏臣以衰病三上章陳乞致仕

伏蒙聖慈賜臣御筆至此迹於周公顧臣何人敢當此禮緣臣自

被識拔承輔軒陛垂二十年辨釋譏謗脫於患禍天地父母之施

蓋無以過又使間朝五日疲老餘生遂得休佚三省職事許不省

治而恩禮頻頒有加無替聯姻國戚子尚王姬賜予寵賚略無虛

日輕舟小輦鳴鑾七幸婢妾僕皂皆被恩榮眷禮若此安敢言去
偶緣北來體虛心弱暑氣所傷七十謝事禮不可踰加以四年已
為貪冒况又病疾寢深不能自己臣不敢再上表章謹令男攸持
此劄子請對投進詔可依所乞守本官致仕依舊神霄玉清萬壽
宮使在京賜第居住其恩禮俸給之屬及見破官吏人從等並依
舊仍朝朔望上

六年閏三月十一日詔太子詹事取南仲拜跪艱難止令趣赴朔
望起居上

十二月二十日制太師魯國公致仕蔡京可落致仕領三省事五
日一赴朝請至都堂治事以上續宋會要同上

高宗紹興二十年十二月二十一日詔閣門候太師秦檜赴朝參
日許令肩輿至合上下馬處仍令二孫扶掖起居以上中興會要大典卷三千

一百八十七又卷一萬四百五十四

孝宗紹興三十三年未改元十一月十四日左中奉大夫充敷文

閣待制辛次膺

寄案大典卷一萬四百五十四作次應

召赴行在引見進對以足疾

詔母拜上

二十九日詔參知政事張燾朝謁許乘轎入出皇城門至宮門內

上下馬處許帶火踏于入出

是以燾病特降是詔

十二月三日詔參知政事張燾辛次膺許請朝謁帝朝等假依時

入局治事如有面對於午後令內殿引見上

隆興二年閏三月三日詔少保觀文殿大學士充醴泉觀使福國

公陳康伯內殿起居畢上殿賜坐奏事訖更不降階止便就坐賜

茶下階免謝坐又詔陳康伯為病權令乘肩輿入皇城至殿門外

差知班扶掖赴殿內起居候上殿即差舍人扶掖至榻前宋史陳

君再相至闕下詔于安節等文好謀授以入咸拜賜上

生間日一會朝許肩輿至殿門仍給扶非大事不署

五日詔陳康伯餘疾未平尚妨拜跪可隔日一朝每日赴都堂治

事應非取旨并常程事並權免發押上

二年十一月十日詔參知政事周葵為墜馬有傷免乘騎權令乘

轎入內趁赴朝參以針黹道會要

宋會要稿祭

太祖太平興國五年十一月十日帝親征河東出京前一日遣右贊善大夫李幹潘慎修就出郊用少牢祭蚩尤禡牙又令著作佐郎李巨源就北郊望氣壇用香柳枝燈油乳粥酥蜜餅果祭北方天王真宗咸平四年七月十六日設太常禮院定禡祭儀付河北三路總管祭日所司除地為壇四方各五十步設兩道繞以青纒張幕置軍牙六森神位版版方七寸厚三分祭用剛日具常饌牲用太牢以羊豕代其幣軍牙以白六森以皂各長一丈八尺都總管為初獻以次將官為亞獻三獻皆戎服清齋一宿將校陪列禮畢焚其幣饗鼓以一皮禡牙文維年月日某官某乙敢以牲牢告于軍牙之神曰五材並用誰能去兵四夷不庭必將右武是故我國家鑿門命將投鉞出征驅桓桓之師整堂堂之陣或遇亂暴襲行天誅大庇生民撫寧方夏爰以剛日告于明神神其奮發威靈導迎吉氣使馳霆擊所向無前履險摧堅一月三捷助貔貅之冒勇勦豺狼之沓貪盡焚虜庭大空漠北飲馬瀚海勒石燕然役不踰時兵無血刃殲厥醜類惟神之功急急如律令祭六森文維年月日某官某乙謹以牲牢致祭于六森之神大四夷捐夏虞典所以明五刑十未啓行周禮所以申九伐

秦茲獫狁盜有燕陲為離大邦荐擾邊鄙使燿火不得傲警戰士勞於被
堅未焚老上之庭猶遣輪臺之戍帝赫斯怒命將出征虎賁敢勇於顏行
天威震曜於夷落來匈奴之運盡建戎旆以長驅是用昭告于國大神神
其假太乙之威靈奮長庚之芒角使星狼戾耀旄頭不明助漢將於九天
滅陰山之胡國渠魁斯獲懸首藁街醜類畢殲渠尸京觀乞靈徽福戎佇
神休尚饗高宗紹興三十一年十月二十六日太常寺言朝廷興師欲
依典故行禡祭用祝文述以金人敗盟朝廷不得已而興師冀獲陰助勦
除妖孽以達萬全之意以甲戌戌庚子剛日行禮獻官以大將軍招討使
充奉禮郎太祝太官令各一員以所在州縣官充從之

全唐文

宋會要降

太宗太平興國四年二月二日詔親征太原 五月四日帝自草詔賜劉繼元諭以速降必保終始富貴五日幸城南督諸將急攻之城欲壞帝恐屠其城因麾衆少退是夕夜漏上十刻劉繼元遣僞客省使李勲工衣納款來見請罪帝喜賜勲襲衣金帶銀器錦綵塗金鞍勒馬等即命通事舍人薛文寶齎詔書入城宣諭六日夜漏未盡幸太原城北連城盛陳兵衛張樂宴從官於城臺達明繼元率僞官屬等皆白衣紗帽俯伏待罪臺下遣閣門使宣詔釋罪賜繼元襲衣玉帶金銀鞍勒馬三匹

金器五百兩絲五百兩錦絲二千段銀器五千兩偽官
各賜衣服金銀帶器幣帝親勞之繼元叩頭言曰臣聞
車駕親臨即願束身歸罪致鑒輿暴露臣尚敢以孤壘
拒戰蓋亡命卒懼死劫臣不許降耳先是軍中有亡命
投繼元者繼元悉以隸親衛帝命籍之得八百人斬於
蘇下其降卒數萬人盡賜以衣服錢帛分隸諸軍 七
日文武從官詣行宮稱賀肆赦 五月二十九日授繼
元特進檢校太師右衛上將軍上柱國彭城郡公食邑
三千戶偽官二十四人悉命以官 時方在軍中故多不備禮

自禧祖至王
旦攝已義入
帝拜

宋會要典疏

僖祖諱眺漢京兆尹廣漢之後生于燕薊仕唐歷永清文安曲陽三縣令
建隆元年三月追尊曰文獻皇帝廟號僖祖孫漢翰林學士竇傑撰冊文
中書舍人危素撰大中祥符五年閏十月加謚曰文獻睿和冊文楊徽復

同中書門下平章事王欽若撰 順祖諱璘僖祖子歷蒲鎮從事兼御史
中丞建隆元年三月追尊曰惠元皇帝廟號順祖孫漢翰林學士竇傑撰
冊文中書舍人趙遵撰 大中祥符五年閏十月加謚順祖惠元睿明皇帝
冊文奉和此事陳撰 以上國朝會要續會要云冊文樞密使陳克復撰

翼祖諱敬順祖子歷營前涿三州刺史周顯德中贈左驍衛上將軍建隆
元年三月追尊曰簡恭皇帝廟號翼祖孫漢翰林學士竇傑撰冊文中書

舍人趙遵撰 大中祥符五年閏十月加謚簡恭睿德皇帝冊文奉和此事
王曾撰 宣祖諱弘殷翼祖子母曰簡穆皇后劉氏仕周為龍捷左廂都

指揮使岳州防禦使顯德三年七月二十六日崩贈武清軍節度使建隆
元年三月追尊曰昭武皇帝廟號宣祖孫漢翰林學士竇傑撰冊文中書

舍人危素撰 大中祥符五年閏十月加謚昭武睿聖皇帝冊文奉和此事
冊尊號續錄附 國朝之制皇帝登位應群臣章表但稱曰皇帝至南

國朝之制

以下他書
復出

卷一百一十七

郊巖既降御札即文武百官詣東上閣門三上或五上表請上尊號降詔
批答多謙抑不許如允所請即奉命大撰冊文及書冊寶其冊中書者遣
用珉玉簡長尺二寸闊一寸二分厚五分簡數從文之多少聯以金繩首
尾結帶前後四枚刻龍螭金若捧護之狀藉以錦罽覆以紅羅泥金夾把
冊匣長廣取容冊塗以朱漆金裝隱起突龍鳳金鏤粉錯匣上又以紅羅
綉盤龍蹙金把覆之承以金裝長狀金龍首金魚鉤藉匣以錦緣席錦褥
又紐紅絲為條以縈匣冊案塗朱漆覆以紅羅銷金衣其寶門下省造用
玉篆文廣四寸九分厚一寸二分填以金盤龍鉤繫以暈錦大綬赤小綬
連玉環玉檢高七寸廣二寸四分皆飾以金裏以紅錦加紅羅泥金夾把
納於小盒以金裝內設金牀暈錦褥飾以雜色玻璃碧鈿石珊瑚金精石
瑪瑙又盤二重皆裝以金覆以紅羅綉把載以腰輿又行馬并飾以金又
香鑪寶子香匙灰匙火筋燭臺燭刀皆以金為之其受冊多用祀禮畢日
御正殿行禮禮畢有司以冊書詣閣門奉進入內太祖建隆四年八月二
十四日宰臣范質率文武百僚詣東上閣門拜表請上尊號曰應天廣運
仁聖文武至德皇帝表三上詔答允乾德元年十一月十六日郊祀禮畢
有宿設於崇元殿諸衛各帥其屬勤所部屯門殿庭列仗衛文武群官宗

尊號一
太祖建隆
四年起

親客使等應合集者並就集朝堂次各服其服太尉以冊捧置于案吏部
侍郎一員押其母與四人對俸中書門下奏差五品六品清賓官免舉母
官先入立於殿西階下司徒以寶捧置於案禮部待郎一員押其母與四人對俸中書門下奏差五品六品清賓官免舉母
舉賓官先入立於殿西階下皆承之以匱覆之以帕俱詣殿門外之東太
尉之前太樂令帥工人入就位協律郎入就舉麾位諸侍衛之官各服其
服中書門下翰林學士兩省御史臺供奉官立於殿階下香案前左右如
常入閣之儀侍中版奏請中嚴近伏就陳於閣外符寶郎奉寶俱詣閣奉
迎如常儀帥贊者各入就位所司贊群官各服朝服諸親客使俱出次通
事舍人各分引就位其三品以上應北面位者各殿門外東西序立以俟
侍中版奏外辦所司承旨索扇扇上皇帝服袞冕御輿以出曲直華蓋侍
衛營蹕如常儀皇帝將出伏勳協律郎跪俛伏興舉麾鼓祝太樂令合奏
隆安之樂皇帝出自西房即御座南向坐扇開協律郎偃麾曼致樂止凡
樂皆協律郎舉麾鼓祝而後作偃麾曼致而後上下皆準此符寶郎奉寶
置於御座前如常儀禮官通事舍人分引太尉已下文武群官應北面位
者自殿門東西各就北面橫行位太常卿於冊案前導羣丹墀西階上少
東北向置冊案訖凡太尉行皆舉麾奏正安之樂至位立定偃麾樂上下

官準此太尉司徒太常卿吏部禮部侍郎各入本班立定其舉冊冊寶
官立以俟凡典禮有詞贊者皆承傳典禮曰再拜應在位者皆再拜舞臨
三稱萬歲又再拜起居訖又再拜訖分班東西序立禮官通事舍人前引
太常卿隨吏部侍郎押冊案以次序而行太尉從之凡太尉司徒行並禮
官通事舍人贊引下官準此禮部侍郎次押寶案而行司徒從之相次詣
西階至解劍揖位其請冊中書令請寶侍中贊冊其將至階下各跪左右
解劍先升七於前極間第一柱北東西相對立以俟太尉東向解劍脫舄
置於得訖冊案先升太尉從冊以升其冊函蓋先置於階下別贊案上其
寶案東向立俟中書令請冊將軍禮部侍郎押寶案升階侍郎押冊升進
至褥位當御座前訖太尉褥笏北面沐冊案稍前跪置訖執笏俛伏興少
退東向立中書令進當冊案前俛伏興跪稱攝中書令具官臣某請冊奏
訖褥笏冊文曰攝太尉守司徒兼侍中臣范質等謹再拜稽首上書曰
惟天為大惟堯則之又曰舜有天下無為而理是以故之言道德者莫先
於二帝一則曰聰明文思一則曰溫恭濟哲英聲茂實意無欲而自彰景
福洪休心無求而自至巍巍蕩蕩可得而言伏惟皇帝陛下高明博厚宣
慈惠和純粹之德全孝友之行著惟精惟一知微之彰向者龍尚處於潛

淵日未離於陽谷歷試之際志在扶危險阻艱難何往而不濟躍馬臨高
平之陣麾戈佐淮甸之征蹀血塵兵一月三捷勞旋歛至論功莫二伯手
天監厥福用集大命人祗惕應風雨咸若鼎運初建國步猶梗始則賊誘
犯順長戟之闕并人連禍冠戎北鄙於是行重進怙亂棄德崇
姦幅員千里生民被毒於是有廣陵之役千乘萬騎如霆詢彼仇方
震疊區宇翠華宵至堅城旦下連平二孽有同符契累朝以來出師徐果
未有若茲之奇速也頃者華風不統中國政微五嶺三江置諸蠻外殊文
異軌六紀于茲華啓聖謀驅穢寇亂荆湘底定南土晏然燕薊之戎汾晉
之孽燕巢幕上朝不謀夕邊事少閒理道無壅嚴恭寅畏一日萬機動於
已而泰於人儉於躬而豐於物明四目而高視達四聰而遠聽不侮鰥寡
恤天窮也信及豚魚遂物性也惜力念耕耘之苦推食閔介冑之勞法家
之流既峻且密乃詔大理重正刑名俾盡哀矜務從寬簡減盜竊之罪緩鹽
麴之禁好生之德通於神明若乃昧爽丕顯坐以待旦商湯之戒慎也側
身獨已長轡遠御漢文之化尊也循名責實信賞必罰建武之法制也果
敢決斷從善如流正觀之風烈也帝王之道於茲備矣太平之業於茲成
矣由是祇見清朝致其孝享園兵展禮對越上聖一獻而天帝降祉再獻

而神人以和三獻而萬祿攸報祥風拂袂休氣繞壇熙怡怡群心胥悅
國家大慶衆庶共之肆赦重恩俾民更始與天合道謂之應天大無不覆
謂之廣遠無不至謂之運轉施濟衆謂之仁智周萬物謂之聖化成天下
謂之大保大定功謂之武其德無濟謂之至德臣等不勝大願謹奉玉冊
玉寶上尊號曰應天廣運仁聖文武至德皇帝伏惟垂日月之明鑒億兆
之情凝旒端宸昭受鴻名如山嶽之固若松柏之堅乾健不息品物咸亨
承天之祐萬壽千齡臣等誠謹願頌首頌首謹言 請訖其冊函對
衆案者奉主案侍郎引詣便西階下東向立執笏俛伏興又搢笏捧冊於
褥東迴冊函北向進跪置於御座前訖執笏興中書令舉冊官俱降還侍
立位太尉降階納冊帶劍訖東向立以俟禮部侍郎次押寶案升其寶玉
蓋先置於階下別案上司徒隨案升進至褥位司徒搢笏北面跪捧寶案
稍前跪置訖執笏俛伏興少退立侍中進當寶案前俛伏跪攝侍中具官
臣某請寶奏訖搢笏其寶函對衆案者奉主案侍郎引退就西下東向立
請訖執笏俛伏興又搢笏捧寶於褥東迴寶函北向進跪置於御座前
冊之南訖執笏興侍中舉寶官俱降還侍立位太常卿降自西階俱復本
班司徒就解劍褥位納冊帶劍訖復東向位文武官橫行禮官通事舍人

贊引太尉司徒進詣香案前稱位立定典儀曰再拜在位官皆再拜禮官
通事舍人引太尉詣西階下東向解劔脫鵠弁進當御座前跪賀稱文武
百僚稱太尉具官臣某等稽首言其詞中書門下候賀訖俛伏興降自西
階納鵠帶劔詣階間位立定典儀曰再拜太尉及群官俱再拜舞蹈三稱
萬歲又再拜訖侍中升自東階進當御座前承旨退臨階西向稱有制典
儀曰再拜太尉及群官在位者俱再拜訖宣曰朕以鴻儀昭舉保命會昌
迪於群情祇膺顯號退消寡昧惴懼增深所冀知宣訖降還侍立位典儀
曰再拜太尉及群官在位者俱再拜舞蹈三稱萬歲又再拜訖太尉司徒
退就侍立位通事舍人分引應北面位官各分班東西立定侍中升自東
階進當御座前跪奏稱攝侍中具官臣某等言禮畢奏訖俛伏興降還侍
立位兩司承旨索扇扇上協律郎俛伏興舉麾鼓祝太樂令奏隆安之曲
皇帝降座御輿入自東房侍衛警蹕如來儀扇開樂止侍中版奏解嚴中
書侍郎帥奉案官升殿跪捧冊置於案次門下侍郎帥捧案官升殿跪捧
寶置於案訖禮官通事舍人贊引詣東上閣門狀進所司承旨放仗文武
百僚並再拜訖退如常儀是後受冊如儀六年八月十九日宰臣趙普等
拜表請加上尊號曰應天廣運聖文神武明道至德仁孝皇帝表三上詔

一
卷九

開寶元年十一月二十四日郊祀禮畢帝御乾元殿受冊

冊文

曰攝太尉左僕射兼門下侍郎同中書門下平章事昭文館大學士臣趙普等謹再拜稽首上言臣聞惟天生民莫棄區者司牧惟審作聖法高明者哲王稽汗簡之嘉猷顯凝旒之能事是以有虞納麓昭濬哲之重華文命導川大勤勞於神禹自時厥後率由舊章建錫誥大寶之尊粉飾太平之運滄海善下共稱百谷之王臨日無私更表大明之號在昔建隆御歷蒼壁嚴禋公王踴地以拜章華賁瞻天而稽顙順古道而冠章文武薦鴻名而法象乾坤雖檢玉繩金盞其美報而天功帝力未稱聖明載誦大思增上徽號伏惟應天廣運神聖文武聖德皇帝陛下拯圖御宇定鼎開基以睿謨英斷靖中原以厚德深仁寧萬一時震極四海會同詰旦視朝念九功之惟叙中宵不寐將百姓以為心誠明而有感則通側陋而無幽不燭天祚明德報之豈年蠻夷納貢於葉衡麟羽登歌於寢廟荐發中旨乃命有司考曲臺之舊儀展園丘之盛禮詔蹕而蒼龍在馭燭紫而風伯清塵遐服無不來文物無不備雷靈耀武畏天威而執敬不從日月垂文拱王祭而罔有後至樂六變而天神降禮三獻而地祇升膏炎而陰陽下民告類而昭事上帝巍巍王業蕩蕩皇風大哉如日月之明矣勅天之

尊號二
太宗諱炁

德若乃其智如神唐堯之美也克諧以孝虞舜之至也生長萬物之謂道
臨照四方之謂明合文武之英聲實神聖之至德參成具美用慶大和臣
等不勝大願謹奉玉冊玉寶上尊號曰應天廣運聖文神武明道至德仁
孝皇帝伏惟允億兆之懇受軒昊之名體坤厚之載物法乾元之利貞
二儀合德九曲重清自天祐之先塞皇明臣等誠懼誠願頌肯頌肯理
言 禮畢賜百僚食于明堂 開寶四年八月二十一日宰臣趙普等上
表請加尊號曰應天廣運興化成功聖文神武明道至德仁孝表三上不
允 九年正月二十六日皇弟晉王率群臣上表請加尊號曰應天廣運
一統太平聖文神武明道至德仁孝皇帝以汾晉未平燕薊未復不欲稱
一統太平詔答不允 二月五日晉王等復上表請加尊號曰應天廣運立
極居尊聖文神武明道至德仁孝表三上詔允所請候郊禋畢受冊及禮
成有司將奉寶冊行禮復詔止之 太宗諱炁宣祖第三子母曰昭憲皇
后杜氏晉天福四年己亥歲十月七日生於開封府浚儀縣崇德坊護聖
營官舍 開寶九年詔以昇日為乾明節淳化元年改壽寧節 初名匡乂建
隆元年改名光義為殿前都虞侯睦州防禦使八月遷泰寧軍節度使二
年七月加同中書門下平章事開封尹乾德二年六月加兼中書令開寶

六年七月封晉王九年十月二十日即位改令諱年三十六太平興國三年八月二十三日齊王廷美率宰臣文武百僚拜表請上尊號曰應運統天聖明文武皇帝表三上詔答允十一月十五日郊祀禮畢帝御乾元殿受冊冊文曰皇帝攝太尉齊王臣廷美等再拜稽首上言臣等聞太上立德不言而至德孔彰大道無名可久則鴻名自至亦猶聖人之來齊運至公以御璫國建立之功既高於萬代居尊之號合冠於百王近古以來徽章宛在伏惟皇帝陛下清寧誕聖融結寶華玉璽殊庭降天人之瑞表彤雲紫電總王者之祥符苞九德以在躬括五行而德秀爰自上天凝命下武膺期如瑞日之升中洪纖畢照若慶雲之在上品彙皆蘇諸侯繇是以駿奔萬國於焉而奮至乃崇文德乃昭武功當乙夜以觀書則權衡周孔乘秋風而敷戰則僕御韓彭我武於是惟揚皇威以之大震遂使北戎慕化疑玉塞以來庭東越知歸覲瑞階而獻地萬里之車書載混一家之正朔大同加以聖政惟新休嘉荐至九域播歸木之頌三農符望歲之心闕里諸生但佇泥金之禮康衢童子咸誼擊壤之謠太平之盛業斯隆大定之丕圖永固所以藩衛邦伯不謀而同辭文武庭臣相趨而動色咸以為乾剛坤厚比膏德以何階堯步舜趨望洪光而靡及况屬嚴禋之盛禮

適期茂對於國靈若非祖述皇猷範圍帝載纂鴻臚之懿統貢煥赫之尊
稱則何以顯日月之清明慶地天之交泰於是由中及外同當協恭扣紫
殿以虔祈拜彤庭而上請勤拳懇倒至於再三陛下猶歸德於天推而弗
有辭不獲已始曰俞哉夫光宅中區大荒諸夏副萬靈之忱戴允六合之
歸尊可不謂之應運乎握紀承乾披圖御極體北辰之列象正南面以垂
衣可不謂之統天乎聖者凡二儀之覆載明者法兩曜以照臨化成萬物
之謂文氏定八紘之謂武合以為號無得而踰臣等不勝大願謹奉玉冊
玉寶上尊號曰應運統天聖明文武皇帝伏惟陛下順高穹之休命揚景
耀之祥光明明在位永永當陽執選齡於軒昊施至化於成康如天不息
萬壽無疆臣廷美等誠懼誠忭頓首頓首謹言 六年十月八日宰臣趙
普等拜表請加上尊號曰應運統天睿文英武大聖至明廣孝皇帝表三
上詔答允 十一月十七日郊祀禮畢帝御乾元殿受冊 冊文曰攝太
尉守司徒兼侍中臣趙普等再拜稽首上言臣等開天本無私冠三才而
為號道惟不宰首四大以垂名矧乃皇王受圖天人合契應千載會昌之
運遂群生欣戴之心僕未極於尊稱諒有虧於古典況今皇猷允塞帝範
昭融當聖德之既升豈鴻名之可卻武場徽烈斯謂至公伏惟應運統天

聖明文武皇帝陛下太極儲英上天凝命茂日躋之聖德允協靈心順天
啓之休期玉承帝緒自嗣三靈之春祐寶符萬物之謳歌惟彼并門久孤
皇化前朝薄伐未遂於翦除先帝藝行尚存其芽孽及陛下瑤圖演慶革
輅親征太阿之靈劔纔麾大南之堅城遽拔三十年之狡穴自金平八百
載之洪基山嶺更盛四海之車書既混一家之正朔大同允謂宸功咸欽
帝力尚或憂勤庶政兢畏萬機當秘大殿延英則惟思納諫及靈臺觀象
則先議進賢百職允釐九功惟叙政得民歌治世浴慶中居巍巍萬古
無得而踰於是文武百僚談睿德於內方岳庶尹詠皇風於外至於觀齒
船背之老雕題辨髮之流裔願增新日之洪光報克天之廣覆若非輝今
越古加莫大之崇名編玉篆金獻居尊之懿號則何以顯君親之至德表
臣子之深誠中外同寅表章三上陛下儀天運德法地流謙稽乎允恭期
于克謹辭不獲已乃屈已以俞之夫經緯乾坤範圍軒輶臨百王之茂蹟
淹三代之英聲可不謂之睿文乎力殫并汾德柔吳越混寰區而敷大化
謁郊廟以獻成功可不謂之英武乎道合穹昊功侔造化邁重之濬哲執
唐帝之文思可不謂之大聖乎鑒并軒臺明道義易達四聰於廣聰覽萬
象於重瞳可不謂之至明乎尊祖所以配天備物於焉饗帝蒸蒸之德上

格於圓靈翼翼之心亟行其昭事可不謂之廣孝乎臣等不勝大願謹奉
玉冊玉寶上尊號曰應運統天睿文英武大聖至明廣孝皇帝伏惟陛下
順億兆之情享三五之名法天之大如日之明廣春臺而熙庶彙開壽域
以泰群生乾坤在有業業持盈千齡萬祀永保享貞臣普等誠懼誠願頓
首頓首謹言 九年九月十五日宰臣宋琪等上表請加尊號曰應運統
天睿文英武大聖至仁明德廣孝表三上詔答不允 端拱二年十二月
十三日詔曰朕嘗覽群書備觀前古居尊之號近代方行向者群后同辭
封章見請虔懇斯至避讓無勉從將順之心遂極尊崇之稱每一自念深
用憊然豈敢以謙德自私必將以古道為法其自前所加尊號悉宜省去
四方所上表惟稱皇帝凡百官臣寮當體朕意翌日宰臣呂蒙正等奏曰
陛下神功聖德輝映古今在於尊稱止可增益勿奉詔旨省去中外無不
驚駭帝曰至於皇帝二字亦不可兼稱此蓋起於秦始皇後代因之不改
朕比欲止稱王又以諸子封王無以自別朕志先定卿等無復言 十七
日復拜表上尊號曰法天崇道文武皇帝詔除文武二字外所請宜依淳
化元年正月一日帝御乾元殿具伏衛受朝賀宣制畢受冊 冊文曰攝
太尉中書侍郎兼戶部尚書同中書門下平章事監修國史臣呂蒙正等

再拜稽首上言臣等聞厥初生民置之司牧非上聖莫能膺景命非至德
無以臻大和然則考茂實而建尊稱順人心而答天貺皇帝之道典冊具
存以政以漁庖犧之名著矣為耜耨耒耨耨耨耨耨耨耨耨耨耨耨耨耨耨
多福不求而自至休嘉之應徽美之來不可得而辭也伏惟皇帝陛下剛
健中正聰明文思神用則極深而妍幾聖智則察微而知遠德合造化謀
先鬼神志本乎堯仁行基乎舜孝而自續臨大寶十有四年聖政克勤大
猷斯建惟小心而守位常恭已而臨朝敷布惠和滌蕩瑕穢恃險弗率者
懲之以威武於是乎有汾晉之蒐輸忠來附者勸之以恩禮於是乎真
吳之域服大裘而郊上帝履配之道昭矣藉千畝而祀先農化俗之勤至
隆典畢舉庶政咸修變夷戎狄罔不懷為獸魚鱉罔不若越裳慕義獮
獮畏威刑罰省而氣稷消德教彰而符瑞集然猶觀書一夜聽政未明萬機
靡倦於緝熙百職備精於訓乂治道大備寰區永安垂拱之教隆經緯之
功著非夫寬明博厚濟世溫恭震耀耿光武敷神化孰能若斯之盛歟乃
者爰自素秋稍愆時雨雖爽崇朝之潤未為多稼之災陛下寅畏而責躬
憂勞而戒膳恭默思道惻隱居尊精虔之意上通高明之應如響時律未
暮膏澤已周雖復返桑穀之秋祥退星辰之火舍方我聖威彼未足稱是

宜增懿號而舉徽章顯休符而昭盛德而陛下忽降明命省去鴻名略功業而弗居守慈愼而自損中外頌瞻彷徨失容雖懇疏屢陳而德音不易解奉前詔深憐群情食曰人祇之望不可違古今之典不可廢建麗鴻之號亦未足以形容體謙退之懷則願從於簡約於是稽首勤請至于三四陛下不得已而俞之夫履壽無私法乎天也清淨之治崇乎道也臣等不勝大願謹奉玉冊玉寶上尊號曰法天崇道皇帝伏惟陛下合建行之度與冲用之方至仁下宰丕基永昌速與乎四海高視乎百王混書軌垂衣裳撫戎休運萬壽無疆臣蒙正等誠懼誠願頓首頓首謹言時趨齊以疾告故冊文止以崇正為首 禮畢御大明殿群臣上壽

宋會要

淳化三年九月二十五日宰臣李昉等上表請加尊號曰法天崇道明聖仁孝文武表五上詔答不允帝謂近臣曰時和民安即朕所願溢美之號何足尚焉至道元年十二月二十二日宰臣呂端等上表請加尊號曰法天崇道上聖至仁復面奏陛下減損尊號歲月漸深今嚴禋在近內外臣庶請加徽號累承詔命未賜允從望上從天意下順人心萬方幸甚帝曰朕以近歲陰陽愆伏盜賊并衡今夏以來農田頗稔故卜來歲上辛親祀

泰壇預為蒼生祈豐年爾於朕躬無所冀也表五上總以面請終不允
至道三年三月二十九日崩于萬歲殿年五十九十月十八日薨永熙陵
在河南府永安縣謚曰神功聖德文武廟號太宗 謚議翰林學士永青宋
白撰冊文奉和政事李王撰哀冊文宰臣呂端撰大中祥符元年十一月
加大中至仁應道神功聖德文武大明廣孝 謚議宰臣王旦撰冊文奉和
此事趙安仁撰五年閏十月加今謚冊文樞密使同中書門下平章事王
欽若撰

宋會要 卷三

真宗諱恒太宗第三子母曰元德皇后李氏開寶元年戊辰歲十二月二
日生子開封府第三子道三年詔以其日為承天節初名德昌太平興國八
年十月授特進檢校太保同中書門下平章事封韓王改名元休端拱元
年二月加兼侍中江陵尹荆南湖南節度使進封襄王改名元侃淳化
五年九月加檢校太傅開封尹進封壽王至道元年八月立為皇太子改
今諱三年三月二十九日即位年三十咸平二年八月五日宰臣張齊賢
等拜表上尊號崇文廣武聖明神孝皇帝表五上詔答允十一月七日
郊祀禮畢帝御朝元殿受冊冊文曰攝太尉兵部尚書平章事張齊賢

等再拜稽首上言曰臣等聞承天序以臨民播神功而育物符命昭晰道
德敷聞非鴻名無以表其尊非顯號無以明乎大蓋王者法與蓋於天地
聖人運舒慘於生成上以答宗廟之靈下以副人神之望伏惟皇帝陛下
握圖御極觀妙宅中綏二聖之丕休兼列辟之通術制事以簡御眾以寬
天成歲功人尊日用奉宗祐盡尊尊之禮敘昭穆示親親之慈至於蠲
調之通懸削條章之靡密窮神設教便俗立防內訪公卿外咨徵牧書大
相慶畝有餘擢廷尉上言府無積臈乘秋講武築臺觀兵視學崇儒右文
宣化霏烟翳野協氣凝宵昭格之功與時俱茂耀臨之德惟天比隆此所
謂神明胥悅天人交應者也由是夷夏臣庶不謀而集成以為嘉運累洽
洪猷允塞宜受尊稱以符至公群慤翕然跪封五上輿情難奪帝俞乃俞
夫昭德塞違柔遠駸近成均講道宣宣禮賢七華訓戎五營練卒邊城弛
柝絕域銷烽大聖以協三靈大明以熙百度仁以克己復禮孝以奉先承
統該總徽美渙盈宇宙臣等不勝大願謹奉玉冊玉寶上尊號曰崇文廣
武聖明仁孝皇帝伏惟陛下下膺寶命於中夏答祺祥於上玄跨越文景恢
煌羲軒百祉斯永九齡克延無疆之慶億萬斯年臣等齊賢等誠歡誠慶頓
首頓首謹言

大中祥符元年六月二十九日宰臣王旦等拜表請加上尊

號曰崇文廣武儀天尊道寶應章感聖明仁孝皇帝未五上詔答允候封
禪還京日受冊十二月四日帝齋於長春殿五日御朝元殿受冊冊文
曰攝太尉工部尚書平章事臣王旦等再拜稽首上言臣等聞陟降止而
禪方澤所以勤崇垂鴻鑒金板而書玉牒所以飛聲騰實非蒼靈文感無
兆玉應非品夏宅心無以建顯號故齊聖合德凡有以發揮天意人欲不
可以推拒至於踐八九之遐迹康三五之徽稱擁百神之休為列辟之首
者何莫大於斯道也伏惟崇文廣武聖明仁孝皇帝陛下德寓天覆英威
霆斷宅中黃而握秘紀帟蘿圖而操絕瑞撫臨寰海十有二載清心而思
道正身以率下茂陶唐欽明之姿敦育虞忠利之教體禹之勤儉而未嘗
滿假法湯之寬仁而濟之勇智周武慈和而人神胥悅漢高路遠而小大
畢力期復講求令典咨度善言建大中於民極形敦叙於內治物色遺賢
體貌宗公重慎一成之文辯明三至之謗仁風悽暢王度清夷乃者邊侯
弗寧疆吏致告戎衣徂征武節焱厲揚威以靖亂修盟而繼好包束干戈
示不復用撫和荒遠如樂之諧此漢宣之功光祖宗也先國俯遇時恩周
極樂厯脩謁真獻慈弟覽松楸而動止閱脂澤而俊然此孝宗之孝通神
明也故得淵監儲祉祺祥昭荅齋居乙夜示肝膈之期露清旦垂圖書之

錫况純殊尤眷命深厚爰徇臣民之請乃修曠絕之禮協吉日啓代崇親
至上封謁款太一陳信辭於金策銘休功於翠崖嘉帝王之盛節為天下
之壯觀誠千載之一時也於是群卿庶尹虎臣爪士間里耆艾處鄉而渠
威伏闕而言曰陛下膺圖纂統紹休聖緒昭姓考瑞繼成先志誠宜述宣
鴻德著於後冊端委法座祇受尊名故事體大不可闕也陛下猶為抱冲
讓至于五緒始曰俞哉夫體元則大之謂儀天抱一守柔之謂道道實全
玄應之謂輔德明章通感之謂合符臣等不勝大願謹奉玉冊王寶上尊
號曰崇文廣武儀天尊道寶應章感聖明仁孝皇帝伏惟陛下總清明之
妙用顯希微之至言生成而不宰芳譙而益尊永錫難老垂裕後昆增
九鼎比隆黃軒臣旦等誠懼誠忤頓首頓首謹 咸平五年八月一日宰
臣呂蒙正等上表請加尊號曰崇文廣武應道章德聖明仁孝表五上詔
答不允 景德二年九月十一日宰臣寇準等上表請加尊號曰崇文廣
武應乾尊道聖明仁孝表三上詔答不允 大中祥符元年十二月四日
以東封禮畢受冊特命擇日甫二日百官習儀前一日致齋其陳設如元
會儀知樞密院事王欽若等言陛下受冊尊號百辟就列稱慶臣與三司
使諸司使副已下侍立殿上唯至尊初坐至禮畢再拜並不稱賀遂致感

事何以自安俟上冊禮畢太尉等歸位臣於殿上率侍立內諸司徒副內
臣已下致詞稱賀帝召王旦問其事旦曰然殿上難以舞蹈遂從欽若所
請不令舞蹈大中祥符元年十二月加號崇文廣武儀天尊禮寶應章
感聖明仁孝十文軍臣王旦等拜表請加
尊號曰崇文廣武儀天尊禮寶應章感聖明仁孝至德仁孝表五上詔答
不允五年閏十月十二日宰臣王旦等拜表請加上尊號曰崇文廣武
儀天尊禮寶應章感聖明仁孝皇帝表五上詔答允俟尊冊禮畢
受冊五年閏十月二十四日有司上言舊制皇帝冊寶並以金裝宗廟以
銀裝錢金今緣奉上聖祖徽冊欲以依宗廟冊用銀裝詔聖祖聖祖母寶
冊法物並以金裝皇帝尊號寶冊以銀裝錢金裝十一月十七日中書門
下言奉詔聖祖寶冊俟新宮成日親詣宮奉上臣等與禮官參議欲先擇
日備禮奉上尊號寶冊又請許中外上表稱新上尊號並不允九年八月
二十一日以將上玉皇聖號南郊恭謝群臣復五上表固請詔允天禧
元年正月十一日恭謝禮畢帝御天安殿受冊冊文曰備太尉司徒兼
門下侍郎平章事臣王旦等再拜稽首上言曰臣等聞太上元始道之宗
也應物而強名宮異清明天之體也因時而表德惟重熙之嘉會集三靈

之休應廣悠久法象昭著增隨冊之徽烈繫天人之合符伏惟崇文廣
武儀天尊道寶應章歲聖明仁孝皇帝陛下睿智淵凝聖謨天運恭然而
敷敏文明而柔克恢太平大定之業慎持盈守成之戒孝德本乎善繼時
雍始於敦叙興禮樂以布王澤明易俗成懷輯典章以恢邦教乃時文載
郁萬方在宥百志惟熙海外暢清夷之風寰中歸仁壽之歲向以乾符紛
委坤珍紹至故升中于天而禮俗社報本於地而饗汾睢廣虞巡之威扶
舉漢祠之合各暨德格于上下介福決於遐高既而作靈宮以模太紫為
至神之攸處推尊名以周群狀實前載之未有是以圓靈乃傾高真存降
協夢雲紀覲神汾水啓仙源於太古諭寶歷於無疆而復景毫鳴鸞所神
而濟物睢陽安聖車祖而建都肅承明威昭報繁錫稽併一善成之道崇
主三為大之名徽章極於範圍盛則喻於載籍濟天率土鼓舞稱慶由是
圓首方足不謀而同以為神況茲車清寧之所輔帝緒自遠尚周之莫京
常善是經邦國之大齊盛美統清兆庶之欣戴竊惟稱謂太昭懿鑒於稽
古訓式道群心詔旨下臨深形謙拒至于五請始奉帝命夫克世丕基惟
新受命應天也屬茲協期瞻昭歸厚應真也無翼有初蓄衍惟永祐德也
高視繩契為之稱首上聖也齊明虛受克念則哲欽明也矧以獻歲初吉

奉冊於殊庭次幸協辰升烟於吉土方交舉於盛節宜誕膺於茂典率爾
衆慤俯伏堯闕復霑章五上興行前詔陛下不獲已而從之臣等不勝大
願謹奉玉冊玉寶上尊號曰崇文廣武感天尊道應直佑德上聖欽明仁
孝皇帝伏惟陛下總列辟之令猷紹九皇之至德保佑恭獻錫美千億與
天比崇萬壽無極臣旦等誠懼誠忭頓首頓首謹言 三年七月二十四
日宰臣向敏中等拜表請加上尊號曰體元御極感天尊道應直寶運文
德武功上聖欽明仁孝皇帝表三上詔答允十一月十九日郊祀禮畢二
十五日帝詣玉清昭應宮恭謝遣御天安殿受冊 冊文曰攝太尉中書
侍郎兼吏部尚書平章事臣寇準等再拜稽首上言臣聞涉泰壇肆禋禋
邦國之大事也崇玉稱表茂功帝皇之盛節也惟天祐聖故珍符休命必
務昭答惟人載君故鴻徽無典必從其欣贊我國家奮淳耀之烈業神靈
之系於皇聖祖紹天開經首中古之號詒萬世之法藝祖文考創業垂統
美環盛禮乃受玉名科重熙之在歷本善述以昭孝奉若成憲斯惟至公
伏惟崇文廣武感天尊道應直佑德上聖欽明仁孝皇帝陛下濟明在躬
剛健成德垂榮以司契順斗而布度依用中之大智講長世之善經慎罰
宵衣旰食抑未畢報彰乎克儉肝食勤乎憂省五兵載戢而殊方即叙至

神廣運而洪化淳流保合太和安綏有載二十三載於茲矣曩者有極儲
祉真籙應期登封告成刻號昭姓寢尋汾時大報於坤元推尊敬重並躋
於帝籙聲明輝耀福瑞紛沓既而松威真應飛輶旁戾悟鴻源之清迤承
淵宗之右序乃復履師曲里欽衆妙之本設都睢水表興王之壤卜却吉
土以謝况穹厚爲冊珍館以歸美再聖禮樂之文著矣天人之際交矣方
且凝神於蜺瀆輝照手觀淵達獻是經小心弗道崇建上嗣億寧大本萬
邦斯正重輝克明熾懷虔畢益嚴昭事諫天正之吉日辰陽位之上儀祇
薦馨香肅恭配侑中外臣庶遐邇通一心相與抃舞昌期形容景鑠顯增隆
顯之號以暢鴻明之美陛下淵穆勤讓至于三四雖請者五始曰俞哉夫
得一體元順乾則也極圓御極恢景命也克昌寶運隆聖緒也炳煥之文
昭其德也保定之武成厥功也臣等不勝大願謹奉玉冊玉寶上尊號曰
體元御極感天尊道應真寶運文德武功上聖欽明仁孝皇帝伏惟陛下
奉五天之津研至道之精時來在宥日慎持盈爲列辟之稱首況無疆之
派聲千祿百福錫美莫京臣等誠惶誠恐叩首謹言時向敏中疾
告冊文上以冠準爲首 三年十一月加號體元御極感天尊道應真寶
運文德武功上聖欽明仁孝 冊文 軾臣毛準撰乾興元年二月一日內出

尊孫四

仁宗諱禎
起

御札曰乃者迪以群情屢增願號事違率額勉旬昌言今則載協剛辰肇
 新元歷及此布和之令仲于克已之懷自今中外所上表章其省尊孫二
 日軍臣丁謂等再表請復尊號詔不允四日復請上應天崇道欽明仁孝
 之號詔允之會晏駕不果奉冊先是宰臣議於舊號擇十字或八字內出
 此號蓋屈已從人之至也二月十九日萌于延慶殿年五十五諡曰文
 明章聖元孝嗣號真宗諱顒翰林學士承旨李維模冊大宰臣王曾撰哀
 冊又宰臣馮拯撰天聖二年十一月加謚曰大明武定章聖元孝諡後
 林學士承旨李維模冊又宰臣王旦撰哀慶歷七年十一月加今諡
 翰林學士張方平撰冊大宰臣陳執中撰仁宗諱禎真宗第六子母曰
 章懿皇后李氏大中祥符三年庚戌歲四月十四日生乾興元年詔以其
 日為乾元節初名受益七年三月授左衛上將軍封慶國公八年十二月
 遷特進忠正軍節度使檢校太尉兼侍中封壽春郡王天禧元年二月加
 兼中書令二年二月遷開府儀同三司守太保兼中書令行江寧尹建康
 軍節度使進封昇王八月立為皇太子改今諱乾興元年二月十九日即
 位年十三天聖二年七月十八日宰臣王欽若等拜表請上尊號曰聖文
 睿武仁明孝德皇帝表五上詔答允十一月十三日郊祀禮畢帝御天

安殿受冊 冊文曰攝太尉守司徒兼門下侍郎平章事昭文館大學士
臣王欽若等上言臣等聞大寶昌符吳宮所以昭聖鴻名顯號億兆所以
推尊於鍊有宋肇開炎歷三聖繼統八紘歸化功再造於寰海總冠紫於
往初莫不順考前規率循大卜膺群倫之欣戴受典冊之煥煌經武垂鴻
為萬代法伏惟皇帝陛下性與道秘體全乾剛凝六氣之粹和合五精之
題序春秋鼎成輝光日新爰初受命屢啓藩國佩瑜玉以常從侍東箱之
聽斷察壽街之瞻遊隱必聞詢膳宰之言清溫無爽及夫震闕敷闕宗正
是司居一有之元良繫天下之根本寅奉謨詰洪宣國經內竭力以承順
外協心而敷化茲茲其惟養乾乾荷其永圖乃膺審訓以陟元后於是
酌典憲修維綱默恤士進方直奉文母於長樂整其肅恭接碩臣於延英
納其忠謹淑慎機務憂勞隱微刑以防邪而錫其靡吝賞以導善而杜其
覲親序進群才申嚴百職勸農桑而抑末屏雕纂以崇儉勤小寢之求助
定義倫而建極矧乃行敷天至盛倍時思易月雖遊於蕩幸號是蓋守於
經禮吉蠲茂于宗祐崇建加于寢園傳堯族以斯和合姪宗而維睦系苗
步輦息三面之政遊虎觀雲臺集六儒之講誦導聲訓以歸厚務編齊之
向方繇是表裏協恭歲時大順三邊絕警五稼屢豐卜天正之上元舉國

陽之肆類中外臣庶葉街夷甫咸以為景運襲熙大猷踵武宜享尊極周
光先烈陛下虔恭仰畏載執勞謙百辟抗封至于五上沛然宸恩始降帝
俞夫惟睿作聖所以膺會昌也懿文繼武所以紹洪業也顯仁翼明所以
佑中夏也孝為純德所以形萬方也臣等不勝大願謹奉玉冊玉寶上尊
號曰聖文睿武仁明孝德皇帝伏惟陛下徇黔首之歸往荷蒼靈之眷懷
丕昭盛容膺受多福然後執一以綏俗持盈而守邦崇信忠賢率由典常
濟柔克於高明阜茲民於惠康保神祖二宗之茂緒以永千無疆臣等若
等誠歡誠抃頓首頓首謹言 天聖五年七月二十一日御札今年南郊
文武百寮毋得上表請加尊號翌日輔臣以御札不得上表請加尊號因
上章引咎乞罷免詔答不允八年七月十七日宰臣呂夷簡等上表請加
尊號曰聖文睿武體天欽道仁明孝德表三上詔答不允復降手詔賜輔
臣述謙怒奉天不受加號之意於是遂罷 明道元年十二月十二日宰臣
呂夷簡等拜表請加上尊號曰睿聖文武體天法道仁明孝德皇帝表五
上詔答允二年二月十一日籍田禮畢帝御天安殿受冊 冊文曰攝太
尉門下侍郎兼吏部尚書同平章事昭文館大學士臣呂夷簡等再拜稽
首上言曰臣等聞堯昊之垂景命啓昌圖必有明君哲后大庇於方夏臣

庶之陶至化沐利澤必有鴻名懿號歸美於尊極至公之議庸可避邵蓋
上下交感之理本於自然古今不易之規斯為成憲迄於近世彌炳大猷
夷德初基藝祖興運造邦艱難不憚濡足神宗纂治以聖繼聖功德宏偉
充格天地泊於文考內平外成重熙累洽禮樂大備莫不勉膺徽冊俯仰
靡請超越於前載恒赫於無窮洪惟聖文睿武仁明孝德皇帝陛下奉神
靈之系憑積累之厚德茂廣淵體包濬哲神機英略先物造微旋靖庶邦
維仰群品慈者道之寶乃扇唱而泣辜陰者德之恭故澣衣而菲食寅畏
天命尊聖哲之言則責躬罪已濟災救患善守厥盟遵講修之義則玉帛
交聘邊候不聳惟刑之恤梯筭之法悉除得士者昌薪楨之誅斯洽乾乾
翼翼一紀于茲故得樂鶯之俗東華風而而內肖翹之類被嘉氣以樂生
胡復歲時大順木稼屢稔綿萬我履孟之安比屋饗登臺之樂乃詢與讓
乃訪辰猷講希世之儀舉盛德之事仲春令序土膏脉起將耕于畝之籍
式展三推之制抑末敦本務穡勸分石昌先烈緝隆墜典緣是彤庭文武
之列葉街夷輻之長班白之老鰥黃之衆望中宸而旅拜伏上聞以剡奏
會曰將陳盛禮願進丕名仰稱謂之未隆在賓賓之曷副陛下再形冲抱
深目抑揭封章五上中外一辭矜其懇懇始賜俞允大端拱穆清洞列邪

正虛懷納忠亮之言當朝絕陰膚之譖則睿聖之智彰矣博觀國史深鑒治亂務農去劔戟之用柔遠示干羽之化則文武之業盛矣若乃高明居上陰陽在下陛下恭己南面含氣蒙福神道設教不言而信不曰體天乎希夷之域清淨為宗陛下虛中觀妙執象抱一無為而治不令而行不曰法道乎復又循康粟以救民開篋書而辯謗仁明之至也奉慈宸而盡禮饗太室以致恭孝德之著也臣等不勝大願謹奉玉冊玉寶上尊號曰睿聖文武體天法道仁明孝德皇帝伏惟陛下因率籲之心見推尊之美修誠應物持盈守位保自天之丕祐靈卜世之遐厯既壽而康申錫無疆臣等謹等誠懽懽忭頓首頓首謹言 明道二年二月加號睿聖文武體天法道仁明孝德皇帝 臣呂夷簡等 七月詔省睿聖文武字 七月二十五日詔曰比年以來蝗旱作沴群國交泰日月相仍豈朕德之不明將天時之適爾夙夜循省臣等在于鸞殿大禮之成勉徇群公之請增予以睿聖之號加予以文武之稱內惟菲薄非所堪克其去睿聖文武四字仍據日告于天地宗廟 景祐二年八月十七日軍臣呂夷簡等拜表請加上尊號曰景祐體天法道欽文聰武聖神孝德皇帝表五上詔答允十一月十五日郊祀禮畢帝御大慶殿受冊 冊文曰攝太尉尚書右僕射門下

侍郎同日章事昭文館大學士臣呂夷簡等再拜稽首上言曰臣等聞以
至公御衆必有至公之議歸之以盛德居上者必有盛德之事尊之歸之
不可却其誠尊之無可略其美亦猶雲蒸雨施天地之所合也官勳商賈
律呂之相召也推於至理本乎自然是以輝赫之儀不成而備鴻懿之號
不謀而同眇覲茫昧之初逮于繩契之際司牧所暨稱謂必彰竄莫大之
跡稽審諦之義功由號稱號以德隆攷勲重華教命文武其來尚矣厲可
已乎粵自炎德肇興真人協應傳繼之盛貢出百王莫不憲古御今詒謀
垂裕乘熙洽之會順愛戴之心典冊備物為萬世法恭惟體元法道仁明
孝德皇帝陛下啓千齡之初旦恢億載之遠周天贊慶靈日躋壽域包乾
剛以行健越皇極而建中叶食視朝夕惕保位十四載於茲矣至如執其
精一察諸危機聲身律度垂伯禹之戒惜怛忠利廣有虞之道兼發殷隆
講求希閭則躬執爨薪修耕藉之儀屏絕玩好虔率祠祀則精擇美璞為
裸瓚之器鄙中韓之法非取繁華宗黃老之言務專清淨教雅音而度曲
攝宸藻以成章幸新鍾律恭薦郊廟又若廊則哲之明而納忠去讒擯雅
正之跡坦舍垢之量而舍功忘過無喜愠之色虛心應物屈已從人前疑
後承以庶其在績左嘉右時以達其下情靡示驕矜詎聞滿假嘗謂復一

日之禮歸仁是念有萬方之罪在于可愧間以齋螟為孽禾稼平登抱傾
微名實畏靈譴協氣旋應上瑞丰稔惟德動天其應如響尚執樞冲之旨
預申敷諭之言而中外震懷宮師帟幣五天之典未計於必行率土之濱
遂稽於勤請今屬懿綱載肅治具畢張綿需安寧含生茂遂譔升陽之義
旦展肆類之上儀懷柔百神配侑三聖絲是廣延紳冕之列荒服輿譯之
人麟趾茂親虎旅雄師躬背鯢齒之老黃冠編服之汎食謂美報方畢繁
祉具膺懇陳難集之言願復歸尊之號傾葵向日雖極於輿情鏤玉填金
未昭於丕矩旅情剡奏五上一辭陛下克謹勞謙勉從衆欲天祇適天命
修明憲度而皇猷無外光被四表欽文之謂也講修鄰好歲濟累亂而睿
智獨運明見萬里聰明之謂也廣淵之德時憲以立教知幾之妙惟變而
不測聖神之謂也紀元標慶俞受麗禧臣稱景式是為冠首臣等不勝大
願謹奉玉冊玉寶上尊號曰景祐體天法道欽大聰武聖神孝德皇帝伏
惟陛下回衆心之率籲念神器之攸重知之非艱言思可復安危在取
治亂在任人然後鐔劍戢以去兵垂衣裳而致治萬壽無疆百世永昌聖
子神孫穆穆皇皇永綏祖宗之休命臣夷簡等誠懼誠忝頓首頓首謹言
五年七月二十一日宰臣呂夷簡等拜表請加上尊號曰齊元體天法

道欽文聰武聖神英睿孝德皇帝表五上詔省英睿字餘允所請 景祐
五年七月二十一日宰臣張士遜等上表請加尊號曰景祐體天法道欽
文昭武英睿孝德表五上詔去英睿二字餘如所請郊禮畢受冊是年十
一月十八日改寶元元年以寶元易景祐字

寶元元年十一月十七日郊祀禮畢帝御大慶殿受冊 冊文曰備太尉
門下侍郎兼兵部尚書同平章事昭文館大學士臣張士遜等再拜稽首
上言臣等聞王者受命上繫歲端故謹五始之元以立極天子至尊受命
臣下故聰萬國之號以歸美蓋大據圖錄之正握璣衡之寶必有典冊備
物表功于無窮既以本願誕之自又以納輸戴之衆奉時若古允繇斯準
神宋肇運祖宗重熙統一增洪克輝煥耀善襲治法茲謂至公恭惟景祐
體天法道欽文聰武聖神孝德皇帝陛下乾健離火雷動淵默清明顯昂
天光見乎表濬哲英敏德音應乎遠紹服嘉靖勳精持節愷兵誨和垂寰
惠治乃質故載酌光規覽權綱核名實論隆緒之舊靡不解求昌謨之助
無攸伏隆儒視學探書受道奮辭摘藻星漢昭回提毫拂素龍鸞點翰匪
徒作者之靈寔有化成之益四見郊時中履農甸所報之誠陟配三后並

假二廟尊親之孝展禮均樂聲容以諧簡政詳刑咸賞自得唐缺定著科
令辯章憲度慈官詔第則髦士進推恩卹俊明世祿著慈比周之憲則作
儉諧近端良遠左右之選則闕肅艾延讓直敦族糾愛合小宗於朱卹練
師選將制新書於金匱勤邦絕橫賦之暴取吏得善使之方辭華禹勤教
或速預仍歲康稔唐庚饒衍邊亭晏如物靡庇厲懷生蚩蚩不識烽燧之
警誦弦舞咸比屋知教獻琛擊玉商夷面內屬陽升日至帝饗習吉靈歎
文瑞策舉絲是卿尹群辟藩獄師師泊于百夫之長安荒之南都鄙之蒼
縵賁之旅率籲言而履景樂或願采春秋之一元樂經之英華洪範之思
睿擬議徽懿哀合尊稱陛下高居休然推而弗有諸臣扣關五請始遣恩
報可猶以祇青徽耽略褒飾而揭初愿至哉聖人紓已徇下愜滿敢挹之
二者固已比皇敷輔帝猷不矜不忘自戒折中臣等不服大願謹奉玉冊
玉寶上尊號曰寶元體天法道欽文聽武聖神孝德皇帝伏惟陛下徽重
器之安思守文之難俞對玉名琳恢令聲畏天保民通觀厥成於皇萬年
如日之升本支綿綿福作莫京臣士避等誠懼誠忤頓首頓首謹言唐
定元年二月二十一日改元詔曰鸞徇群請加上徽名因以建年之元冠
于丕稱之首特從損挹且志乾修自今上表尊號勿復稱寶元二字皇

祐二年三月二十一日手詔將來祀明堂禮畢群臣毋得上尊號先是慶
厯元年七月十七日四年十月四日七年三月二十三日皆嘗詔南郊群
臣勿上尊號至是帝又謂輔臣曰遇大禮而每請加上徽號豈稱朕所以
奉神昭孝之意宰臣大庠傳對曰陛下嚴父以配上帝則臣子亦有愛戴
君父之心伏奏至于三四帝固拒之乃降手詔五年七月十六日詔
以民力尚困農望屢旬間有水旱之災加以螟螣之害方圖大報以佇善
祥無假虛稱以重不德其將來南郊文武臣僚毋得請上尊號嘉祐四
年六月七日宰臣富弼等上表請加尊號曰體天法道欽文聰武大仁至
治聖神孝德表五上詔答不允

嘉祐七年七月七日詔曰季秋令月其日辛亥事天事親卜用惟吉凡明
祀之所舉當致力而無懈至於徇虛名以從衆之欲增徽稱以溢朕之美
既非交神之道又非求己之實徒自崇大無益祇畏其將來大饗明堂而
察毋得上尊號

宋會要 尊號五

英宗諱曙濮安懿王第十一子母曰王夫人任氏天聖十年壬申歲正月三日生於宣平坊宅嘉祐八年詔以其曰為壽聖帝景祐二年養於禁中明年授太子左監門率府副率賜名宗實累遷右千牛衛大將軍寶元二年出居睦親宅嘉祐六年十月以右衛大將軍岳州團練使起復遷泰州防禦使知宗正事固辭不拜七年八月立為皇子改今諱遷齊州防禦使封鉅鹿郡公入居皇子位八年三月二十九日即位年三十二英宗治平二年七月二十一日宰臣韓琦等上表請上尊號曰體乾膺歷文武睿孝表五上詔答不允以上國朝會要

治平三年十一月二十五日宰臣韓琦等拜表請上尊號曰體乾膺歷文武聖孝皇帝表五上詔答允四年正月一日具儀衛於大慶殿庭帝不豫攝太尉宰臣韓琦奉玉冊玉寶授闕門使闕門使授內常侍由垂拱殿以進冊文曰攝太尉尚書左僕射兼門下侍郎同平章事昭文館大學士臣韓琦等再拜稽首上言臣等聞天道育萬物而不責其報然飛走之微必時而有薦者以知其本也君德被萬寓而不有其名然臣辟之衆必崇

而有號者以獻其誠也故報雖不責薦而知其本者天必饗名雖不有號而獻其誠者君不遺是以上下之情通而古今不能以易也恭惟皇帝陛下自然之性得堯之仁不聞而式紹文之聖總百行而無不備探六藝而無不達粵在宗師德充而晦令聞莫遏四海係心譬夫大明將升光氣前前發萬目瞻望不可臨最及乎膺受聖託纂隆皇緒信然三祀動謚先法奉養長樂孝惟克諧內嚴宮闈而細大必修外正紀綱而顛墜守舉攬成柄以歸已幹神化而獨運下暨鯨鯢而悉其生至于昆蛟莫不被澤其九族之睦也本先乎知道其百揆之敘也本精乎任人若夫延見通臣咨訪不倦有虞之好問也柳捐淳費用度日約大禹之克儉也緝熙光明而德行以顯周成之保邦也鯨鯢名實而賞罰必信漢宣之國治也并會眾美嗣興太平政自舟車所通日月所照皆奉順聲教無敢弗虔固足以恢四聖之閑休極百王之盛節者矣廼者肇裡吉土始見清廟崇而受福變將逮下下之報上安可無述臣等所以合中外之志叩關屢瀆請上玉稱以形容於萬一而陛下持易之謙執道之契德貫二儀而不自滿功偕八世而無所矜冲然弗居可詔不下自是興情鬱悵更相責誚以謂睿聖之則赫赫如此而不能發揚而增大之是不能飛走知奉之著也今三朝之吉

萬玉來會重譯有貢八音在庭臣等幸於此時冀畢前懸封泰上莫匪
傾竭陛下猶敷諭數四不得已而命之夫道濟群生而不言所利體乾也
躬饗大命而若固有之庸厯也化成天下而輝光日新文也守在四夷而
兵革不試武也日用而百姓不知聖也親寧而萬國以歡孝也臣等不勝
大願謹奉玉冊玉寶上尊號曰體乾應歷文武聖孝皇帝伏惟陛下無前
之蹟本忘其名徇衆之欲勉而是承斯亦踵祖宗之舊而慰千夏之懷
惟持其盈以守其成壽考萬年以安以樂臣等誠惟誠忱首頓首謹
言 冊入太和門樂作進冊寶訖內侍傳制曰朕以歲元肇始寶運會昌
迫以群臣祇膺顯號退省寡昧惕懼增深群臣再拜退復詣閣門拜表稱
賀 治平四年正月八日崩於福寧殿年三十六 謚曰憲文武宣孝廟
號英宗 諡英翰林學士承旨張方平撰冊文宰臣曾公亮撰哀冊文宰臣
韓琦撰 治平四年正月十日 神宗即位未改元 制曰自昔聖王之有天下
也繼世以治世示建統之正尊親之所親為立孝之始朕以菲質述承王
造恭聞爾命祇循大卜稽諸厯古具存典禮皇太后以坤厚之德載函夏
以柔明之道儼皇家祖朝推內助之賢先帝嚴母儀之奉懿獻徽範形於
邦國迨茲冲耿躬獲續承踐祚之初禮重慈舉謹以徽稱仰事賢慈謹上

尊號曰大皇太后其合行冊禮令有司檢詳典以故聞三月四日太常禮
院言太皇太后皇太后皇后合行冊禮伏請依嘉祐八年故事候三年喪
畢施行詔俟至時檢舉以聞 熙寧二年正月十四日命參知政事趙抃
撰冊文并書四月十一日中書省言太皇太后皇太后皇后受冊前一日
例進冊今與習儀同日欲候習儀退然後進冊入內從之二十六日上詣
文德殿跪奉太皇太后玉冊授攝太尉宰臣曾公亮 冊文曰嗣皇帝臣
項謹稽首再拜言曰臣聞昔之善為國者未有不先事親以孝治為風化
充擴於區宇之間生靈之屬罔不悅服遂格於丕乂之盛此尤可景也
洪惟皇宋應寶錄開炎歷五聖重光逾百年於茲而小子獲瞻今緒常懷
厥德之弗稱故夙夜寅畏厲精萬務期措斯世於泰寧之域不累祖宗昌
明之鴻業蓋庶幾於孝道者也顧惟眇躬荷我聖祖母愛育之厚慈訓之
深比者肇陞圓丘而上帝嘉饗海內蒙福亦惟我聖祖母保佑之力祇戴
恩施念殫天下之物無可以將美報之意是用稽參典禮允協群情而求
其劇隆之徽稱以章懿鑑不勝大願謹遣攝太尉尚書左僕射兼門下侍
郎同中書門下平章事集賢殿大學士臣曾公亮攝司徒樞密副使尚書
吏部侍郎臣韓絳奉玉冊金寶上尊號曰太皇太后恭惟太皇太后徽嘉

之質體夫巽順靜正之性稟於坤元進陞中閑翊輔仁帝修陰教以熙內治杜私恩以全外家逮我英考嗣統之始勉從確請參決繁機謙不臨朝垂圖還政此其識慮之遠聲烈之大實出前古而流為萬世之執法惟末小子又欽承撫誨之巨賜宜乎誕受玉冊以符中外之望於殿顯名之並於日月永命之祚於天地茲足以慰夫惓惓至養之心臣頃誠懼誠於頌首頌首而拜謹言金寶授攝司徒樞密副使韓絳禮畢群臣稱賀 二十

宋會要事號六

八日詔太皇太后皇太后皇后受冊排列仗衛依御殿例支賜 治平定議冊甯升大慶殿西階穿殿過出殿後門至內東門今禮院誤云由大慶殿而不穿殿過詔釋其罪

神宗諱項英宗長子母曰宣仁聖烈皇后高氏慶歷八年戊子歲四月十一日生於睦親宅治平四年詔以其日為同人大節是年八月授太子右內率府副率賜名仲鍼累遷右千牛衛上將軍嘉祐八年四月遷安州觀察使封光國公九月遷持進檢校太傅忠武軍節度使同中書門下平章事封淮陽郡王改今諱治平元年六月進封穎王三年十一月立為皇太子四年正月八日即位年十二 神宗熙寧元年七月九日宰臣曾公亮等上表

請加尊號曰奉元憲道文武仁孝表三上詔答不允

熙寧二年四月一日宰臣富弼等復上此尊號又不允四年六月九日宰臣王安石等上表請上尊號曰紹天法古文武仁孝表三上詔答不允七年七月七日宰臣韓絳等上表請上尊號曰紹天憲古文武仁孝表三上詔答不允十年七月十六日宰臣吳充等上表請上尊號曰奉天憲古文武仁孝表三上詔答不允元豐三年七月十三日詔曰朕惟皇以道帝以德王以業各因時制名用配其實何必加崇稱號以自飾哉秦漢以來尊天子曰皇帝其亦至矣朕承祖宗之休宅士民之上凡虛文繁禮悉已革去而近司辟碑猶或時以稱號見請雖出于歸美報上之忠然非朕所以若稽先王之意今後每遇大禮罷禮部表上尊號元豐八年三月五日病於福寧殿年三十八謚曰英文烈武聖孝廟號神宗謚議翰林學士鄧綬甫撰冊文宰臣韓絳撰哀冊文宰臣蔡確撰元豐八年三月七日制曰王者之臨御也稽於古以為天下法奉其親以為天下先靡違兆民協於一德永惟寶命誕集我來群于冲人獲紹洪業安綏四海重熙累朝之靈裁決萬微實賴西朝之聖欽聞遺訓俾正隆名敢忘大章用迪前

烈皇太后僊乾之極體坤之元明哲同符乎姜任恭儉述過於陰馬輔佐
英祖內治流聞擁佑先朝母儀備至迨于暮昧夙荷託情提攜樹備教誨
成就於殿極九州之養昌盡孝域加萬世之名庶承慈範謹上尊號曰太
皇太后四月四日群臣賀尊太皇太后拜表如儀時哲宗即位未改元八

日禮部言尊太皇太后冊請三年喪舉行禮從之元祐二年二月六日

命尚書右僕射呂公著撰冊文中書侍郎呂大防書冊三月五日太皇太

后手詔曰祥禪既終典冊告具而有司遵用章獻明肅皇后故事予當受

冊於文德殿雖皇帝盡孝愛之意務極遵崇而朝廷有損益之文各從宜

稱仰惟章獻明肅皇后輔佐真廟擁佑仁皇茂業豐功宜見隆異顧予涼

薄絕企徽音稽用舊儀實有慚德所有將來受冊可止就崇政殿前此

有司舉章憲故事內出御批云顧予涼薄豈敢上比章獻明肅皇后將來

受冊可止就崇政殿宜敘述此意降詔追學士院草詔進入又降御批云

所進詔本旨意稍涉今是即有昔非可只敘述太皇太后顧德不及章獻

不敢依御文德殿故事宜三省政進入故降是詔後數日執政奏事延和

殿太皇太后諭曰性本好靜昨止解主上冲幼權聽政事蓋非得已況母

后臨朝非國家盛事大德殿天子正朝望女主所當御宰臣呂公著等言

陛下執謙好禮冠映古今加以思慮精深非臣等所及 四月十八日太

皇太后手詔曰有司奏受冊當依典故在從吉之後夫典冊備物以致隆

名國之盛禮也行於和平之日懼不克稱况今旱暵為雲苗稼將稿民則

何罪咎實在予雖側躬永思損膳自戒尚虛無以塞青消變而有司乃於

此時欲以隆名盛禮加我是重予之不德所有將來行受冊禮宜權傳罷

五月十八日太師文彥博等言伏奉詔旨以時雨愆期太皇太后陛下

憂閔元元側身修道躬自貶薄以奉天戒權傳受冊之禮誠心上徹昭既

隨答協氣來臻時雨溥霑內自畿甸外及州郡二麥既登稼有望陛下

勤民克已如此上天降鑒應誠若彼臣等不勝忻幸竊惟尊號冊禮一朝

大典正名定位義不可後譬如萬物之於乾坤人子之於父母豈可須臾

而不稱哉而乃稽留盛禮不暇時上仰無以稱穹昊之眷顧俯無以徇億

兆之愛戴臣等不勝大懼謹太史局選定八月四日舉行儀範崇上徽號

詔不許自是三請乃從之 九月六日發冊寶於大慶殿冊文開紹聖二

年九月加謚曰紹天法古運德建功英文烈武欽仁聖孝 謹議翰林學士

兼判樞密文字軍臣章惇 崇寧三年十一月改謚曰體天顯道帝德王功

英文烈武欽仁聖孝 謹議翰林學士 政

和三年十一月加上今諡

諡議翰林學士張淵明撰冊文太師蔡京撰

宋會要 尊號七

哲宗諱煦神宗第六子母曰欽成皇后宋氏熙寧九年丙辰歲十二月八日生元豐八年詔以其日為興龍節初名傭十年十二月十一日授天平

軍節度使檢校太尉封均國公元豐五年八月三日改元豐軍節度使加開府儀同三司進封延安郡王八年三月二日立為皇太子改諡憲元繼

道世德揚功欽文睿武齊聖昭孝皇帝是月五日即位年十歲元祐元年

十二月六日詔曰朕惟先帝臨御天下十有九年威加四夷澤被萬物功

德可謂博矣然群公卿士每上徽號則拒而不受其謙厚不伐至矣朕以

眇然之身紹承統緒夙興夜寐不敢遑寧今近司稽用典故以為養禮之

除百官當崇上徽稱此豈朕所以銜訓嗣事紹休前人之意哉將來服除

依元豐三年詔書更不上尊號先是中書省檢會故事將來服除百官合

拜表上尊號故有是詔四年三月十八日詔今後每遇大禮依元豐三年

詔書更不上尊號元符三年正月十二日崩於福寧殿年二十五諡曰欽

文睿武昭孝廟號哲宗諡議翰林學士承旨蔡京撰冊文和樞密院事曾

布撰奏冊文元祐三年十一月加上諡曰憲元繼道顯德定

尊師八
徽宗諱佖

功欽文睿武齊聖昭孝

政和三年十一月改今諡

徽宗諱佖神宗第十一子母曰欽慈皇后陳氏元豐五年壬戌歲十

月十日生元符三年詔以其日為天寧節六年正月賜名十月授鎮寧軍

節度使檢校太尉封寧國公八年三月加開府儀同三司進封遂寧郡王

紹聖三年三月改平江鎮江等軍節度使進封端王五年三月加守司空

改詔德彰信等軍節度使元符三年正月十二日即位年十九徽宗崇寧

三年七月九日詔曰朕以寡昧紹承基圖革去虛文每凌先訓歲當郊祀

已戒前期近爾乃言欲加稱號顧德弗賴既非克堪則在元豐已嘗詔罷

亦何勞於辭費徒有見於禮煩誕舉舊章深嘉爾志率時昭考當體朕懷

其三省樞密院陳請大禮年上尊號更不受群臣亦不須上表大觀元年

六月二十六日詔曰朕惟唐虞建德禹湯懋功雖正帝王之名而簡大配

天靡崇虛飾處謙去恭朕甚慕焉粵在季秋大修宗祀輔臣有請願舉尊

稱雖事上之恭載嘉乃志而浮實之美惟聖弗居宜體至懷毋重辭費仍

自茲始勿循舊章布告成工咸諭朕意其三省樞密院陳請大禮年上尊

號更不受群臣亦不須上表今後更不檢舉初三省樞密院以故事陳請

大禮年當率文武百寮拜表請上尊號故有是詔宣和五年七月十九日
太傅楚國公王黼等上表請上尊號曰繼天興道敷文成武睿明凡三上
表詔答不允自是內外群臣皇子郭王楷以下太學諸生耆老等上書以
請者甚衆上皆不從六年七月五日詔內外臣寮今後勿得以上尊號為
請如違以違御筆論以上續國朝會要宣和七年十二月二十三日內降
上尊號曰教主道君太上皇帝

靖康二年二月北狩紹興五年四月二十一日崩年五十四七年六月上

尊諡曰聖文仁德嗣孝廟號徽宗通鑑新學士宋高宗母之奉如改事
休與義旗良附之半臣奉禮撰十二年八月梓宮還臨安十月七日權攝

尊號九

欽宗諱桓

永祐陵在紹興府十一月加上今諡通鑑議直學士院奏梓慶母文字臣奉

欽宗諱桓徽宗長子母曰顯恭皇后王氏元符三年庚辰歲四月

十三日生於坤寧殿靖康元年詔以其日為乾龍節是年七月賜名亶授

檢校太尉山南東道度使封韓國公建中靖國元年六月遷興德軍節度

使開府儀同三司進封京兆郡王崇寧元年二月改賜名烜十一月改今

諱大觀二年正月遷司空武昌軍節度使進封定王政和三年正月加太

尊號十

高宗徽宗

皇帝第九
子起

紹興以下
重復

保五年二月立為皇太子宣和七年十二月除開封牧是月二十三日即位
 年二十六靖康二年四月北狩建炎元年五月遷上尊號曰孝慈淵聖
 皇帝紹興三十一年五月十九日崩年六十一謚曰恭文順德仁孝廟號
 欽宗諡議翰林學士何濟撰冊文知樞密院事葉義問撰高宗徽宗皇帝
 第九子母曰顯仁皇后章氏大觀元年丁亥歲五月二十一日生于宮中
 其日為天申帝八月授定武軍節度使檢校太尉封蜀國公賜名構二年
 正月加鎮海軍節度使開府儀同三司封廣平郡王政和三年正月進檢
 校太保宣和四年三月進拜太保遂安慶源軍節度使封康王靖康元年
 二月遷太傅靜江奉寧軍節度使桂州牧兼鄭州牧三月中改除集慶建
 雄軍節度使亳州牧兼平陽牧十一月遷安國武軍節度使信德牧兼冀
 州牧是月為兵馬大元帥行事並從便宜二年五月一日即位于南京年
 二十一高宗紹興十八年六月二十二日宰執進呈禮部太常寺言書傳
 一千三百餘人造表乞上尊號上謙抑不受因敕有司仍後不得收接札
 道六年十二月一日加上尊號紹興三十二年六月十一日太上皇帝
 內降詔曰朕宅帝位三十有六載荷天之靈宗廟之福邊事戢寧國威並
 振惟祖宗傳序之重兢兢焉惧不克任憂勤萬機弗遑慨然思欲擇去重

自以介壽臧蔽自朕心亟決大計皇太子賢聖仁孝聞於天下周知世故
久係民心其從東宮付以社稷惟天所相非朕敢私皇太子可即皇帝位
朕稱太上皇帝退處德壽宮皇后稱太上皇后應軍國事並聽皇帝處分
朕以澹泊為心願神養志並不樂哉尚賴文武忠良同德合謀永底于治
是日太上皇帝先御紫宸殿有司設仗殿下文武百官班于殿庭起居畢
宰臣陳康伯等升殿奏對畢太上皇帝曰朕在位三十六年久欲閑退卿
等宜輔太子康伯等復奏曰皇太子仁聖天下共知今聞謙遜太過未肯
即御正殿太上皇帝曰朕已再三敦勉之矣康伯等再拜辭太上皇帝還
內群臣移班殿門外聽宣昭畢入班殿庭少頃上自內服履袍內侍扶掖
至御榻側拱手立應奉官以次稱賀內侍固請皇帝就坐上固辭內侍扶
掖至于七八上略就坐復興宰臣百寮稱賀上側立如初宰臣陳康伯等
升殿奏願陛下即御坐以正南面上副太上皇帝傳授之意天顏愀然曰
君父之命出於獨斷此大位懼不敢當尚伏辭避康伯等因再拜賀奏事
畢退上即還內太上皇帝命駕德壽宮上服赭袍玉帶步出祥曦殿門冒
雨扶駕勿肯止太上皇帝麾謝再三且令左右扶掖以還太上皇帝曰此
唐文武太宗吾付託得人斯為憾矣群臣皆稱萬歲百官扈從太上皇帝

至德壽宮退有旨太上皇帝太上皇后合上尊號即詔有司集議以聞

紹興三十二年七月一日詔尚書左僕射陳康伯撰太上皇帝冊文兼禮儀使參知政事汪澈書冊文兼篆書知樞密院事葉義問撰太上皇后冊文同知樞密院事黃祖舜書冊文入內侍省押班徐仲為都大主管同日禮部太常寺言檢准國朝會要尊號冊寶制度太上皇帝冊當用珉玉簡長尺有二寸廣一寸二分厚半寸濶數視文之多寡寶用玉廣四寸九分厚一寸二分填以金盃以紐餘制具國朝會要太上皇后尊號冊寶乞參照紹興十一年奉上慈寧殿冊寶制度修製從之

淳熙十四年十月八日帝崩于德壽殿年八十一謚曰聖神武文憲孝廟
號高宗
王淮撰
議議翰林學士洪邁撰冊文右丞相國公大傅袁州文左丞相

接前

宋會要

尊號

紹興三十二年六月十一日太上皇帝內降詔曰朕宅
帝位三十有六載荷天地之靈宗廟之福遘事救寧國
威益振惟祖宗傳序之重兢兢焉懼不克任憂勤萬機
弗遑暇佚思欲釋去重負以介壽域蔽自朕心亟決大
計皇太子賢聖仁孝聞于天下周知世故久係民心其
從東宮付以社稷惟天所相非朕敢私皇太子可即皇
帝位朕稱太上皇帝退處德壽宮皇后稱太上皇后應
軍國事並聽皇帝處分朕以澹泊為心願神養志豈不
樂哉尚賴文武忠良同德合謀永底于治是日太上皇

帝先御紫宸殿有司設仗殿下文武百官班于殿庭起居畢宰臣陳康伯等升殿奏對畢太上皇帝曰朕在位三十六年久欲閑退卿等宜勉輔太子康伯等復奏曰皇太子仁聖天下共知今聞謙遜太過未肯即御正殿太上皇帝曰朕已再三敦勉之矣康伯等再拜辭太上皇帝還內羣臣移班殿門外聽宣詔畢入班殿庭少頃上自內服履袍內侍扶掖至御榻側拱手立應奉官以次稱賀內侍固請皇帝就坐上固辭內侍扶掖至于七八上畧就坐復興宰臣百寮稱賀上側立如初宰臣陳康伯等升殿奏願陛下即御坐以正南面上副太上皇帝傳授之意天顏愀然曰君父之命出于獨斷此大位

懼不敢當尚伏辭避康伯等因再拜賀奏事畢退上即
還內太上皇帝命駕德壽宮上服赭袍玉帶步出祥曦
殿門冒雨扶駕弗肯止太上皇帝麾謝再三且令左右
扶掖以還因顧上曰此唐文武太宗吾付託得人斯無
憾矣左右皆稱萬歲百官扈從太上皇帝至德壽宮退
有旨太上皇帝太上皇后合上尊號可令有司集議以
聞三十二年宰執侍從臺諫兩省官禮官集議于尚書
省翌日尚書左僕射陳康伯知樞密院事葉義問參知
政事汪澈同知樞密院事黃祖舜翰林學士洪遵尚書
禮部侍郎黃中中書舍人史浩敷文閣待制知臨安府
趙子淵敷文閣待制樞密都承旨徐嘉權尚書戶部侍

郎吳希權尚書禮部侍郎呂廣問權尚書兵部侍郎陳
俊卿權尚書刑部侍郎路彬權尚書工部侍郎許尹權
尚書工部侍郎張闡太常少卿王晉禮部員外郎劉儀
鳳太常丞吳龜年太常博士林栗楊民望太常寺主簿
嚴抗等言臣等叨惟至德之世如容成大度赫胥皆洪
荒杳邈莫得而詳自詩書所載其甚德者堯舜迹其所
以致之之效盖能以天下巡考之于古皆以耄期而倦
勤天下後世猶為美談恭惟太上皇帝撥亂反正身濟
大業中興之功煌煌乎不可掩已方時牧宰國威復振
上之五緯循度下而百穀登行大功崇成退卻不居以
春秋鼎盛之年脫屣萬乘批糠唐虞古今一人而已夫

五帝之壽惟堯最高百王之聖惟堯獨冠今茲高世之
舉視堯有光謂宜以光堯壽聖為號庶幾揚鴻烈而章
緝熙仰副太上皇帝巍巍甚盛之德恭請上太上皇帝
尊號曰光堯壽聖太上皇帝太上皇后尊號曰壽聖太
上皇后詔恭依二十九日詔曰朕聞天子必有所尊莫
大事親之道聖人何加于孝敢伸歸美之誠酌前代之
宏規尊本朝之盛典太徽皇帝聰明淵懿敦敏徇齊積
三紀之勤勞倦萬機之繁劇遂以太寶付之眇躬祈天
莫控于忱衷即日勉承于景命雖極二儀之大無以昭
揖遜之公螭四海之豐無以効旨甘之奉用鋪張于至
德仍訂正于舊章虔上鴻名益恢孝治太上皇帝宜恭

上尊號曰光堯壽聖太上皇帝太上皇后宜恭上尊號
曰壽聖太上皇后仍令禮部太常寺疾速討論禮儀條
具申尚書省取旨副朕所以圖報大恩之意播告中外
咸使聞知七月一日詔尚書左僕射陳康伯撰太上皇
帝冊文兼禮儀使參知政事汪澈書冊文兼篆寶知樞
密院事葉義問撰太上皇后冊文同知樞密院事黃祖
舜書冊文入內侍省押班徐伸為都大主管九日禮
部太常寺言檢准國朝會要尊號冊寶制度太上皇帝
冊當用珉玉簡長尺有二寸廣一寸二分厚半寸簡數
視文之多寡實用玉廣四寸九分厚一寸二分填以金
盤籠鈕餘制具國朝會要太上皇后尊號冊寶乞參照

紹興十一年奉上慈寧殿冊寶制度修製從之八月九日太常寺具奉上冊寶差官窠目詔差官如後攝太傅奉上册寶尚書左僕射陳康伯攝侍中奉太上皇帝寶并讀寶及奉太上皇后寶知樞密院事兼義問攝中書令奉太上皇帝冊并讀冊及奉太上皇后冊參知政事史浩攝侍中詣太上皇帝御坐前承旨宣答及奏禮畢同知樞密院事黃祖舜前導禮儀使并奏禮畢翰林學士承旨洪遵押冊案吏部侍郎二員權吏部侍郎凌景夏權吏部侍郎徐度押寶案禮部侍郎二員禮部侍郎黃中權禮部侍郎呂廣問奏中嚴外辨禮部侍郎二員兵部侍郎周葵知臨安府兼權戶部侍郎趙子瀾殿中

監中書舍人劉珙前導冊寶太常太常少卿王普舉冊
官四員右諫議大夫任古左司員外郎余時言殿中侍
御史張震右司員外郎馬騏舉寶官四員古正言袁_字
監察御史萬暉監察御史周必大監察御史陳良翰押
樂太常卿樞密院檢詳諸房文字林安宅奏解嚴禮部郎
中二員禮部員外郎劉儀鳳起居舍人洪邁太常博士
三員贊引太傅太常丞吳龜年贊引前導禮儀使太常
博士林泉贊引太常卿太常博士楊民望協律郎太常
寺主簿嚴杭大慶殿前導皇帝行禮并德壽宮進中嚴
外辦領閣門事兼各省四方館事鄭藻知閣門事兼客
省四方館事劉允升大慶殿進中嚴并德壽宮前導皇

帝行禮如開門事庶客有四方館事成考忠大慶殿進
解嚴如開門事庶客有四方館事成說同日詔奉上天
上皇后冊寶行禮差德壽宮內侍官奉冊置於坐前張
去為奉寶置於坐前董仲永讀冊陳子常讀寶梁康民
尚宮奏請前導兼奏禮畢張安中十二日御樂院奏奉
上冊寶曰太上皇帝並合服通天冠絳紗袍竊慮行禮
日近製辦不及詔太王皇帝受冊寶日恭請服履袍十
三日以奉上尊號冊寶遣官奏告天地宗廟社稷景靈
宮宮觀諸陵櫛宮同日禮部太常寺言將來大慶殿德
壽宮行禮百官並朝服立班緣祗候庫所管火羅朝服
近朝饗太廟權拆作單羅今尚秋暑乞且令服者禮畢

却行修整所有百僚禁衛等乞至日並免逐處起居值
兩許持雨具導從官免步導從之同日太常少卿王普
言近例主上行禮史官讀冊內侍贊曰高宣御名勿興
竊謂御字不當稱於所尊之前兼每冊必贊幾于煩瀆
今乞前期誠諭讀冊官更不須贊從之十四日奉上太
上皇帝太上皇后尊號冊寶前二日習儀前一日有司
設御幄于大慶殿御屏後之西皇帝未御殿於此易服
設寶冊幄于大慶殿當中南面前一日安設冊寶于此
行禮日從此奉冊寶置殿下位又設權置冊寶幄于殿
門外冊寶出殿門于此橫置設皇帝褥位二一于殿上
冊寶幄之東皇帝出御幄立於此以俟冊寶降階一於

殿下當中面冊皇帝從冊賓降階于此立并拜一於殿下當中南向皇帝以冊賓授太傅訖立于此俟冊賓出殿門又設置冊賓褥位十二四于殿下西階之西東向冊北賓南冊賓初降階置于此四于殿下南向冊東賓西皇帝至殿下面冊褥位立定即置賓冊于此以俟授之大傅四于殿下東階之東西向冊南賓北太傅授冊賓訖置于此大傅侍中中書令吏部禮部侍郎舉冊舉寶官太常卿太常博士各有位于殿之東西階下太常展宮架之樂樂備而不作是日列黃麾儀仗鼓吹禁衛于殿庭內外訖前導官禮儀使閣門官太常博士分立于御幄之左右百官各朝服入就位東西相向立太傅

中書令侍中吏部禮部侍郎舉冊舉寶官太常卿俱詣
殿下西階東向位至少頃皆自西階陞殿立于冊寶幄
之西東向太常博士太常卿立于西階之上東向皇帝
服履袍入御幄易通天冠絳紗袍閣門官禮部侍郎奏
中嚴外辦太常博士引禮儀使奏請皇帝恭行發太上
皇帝太上皇后尊號冊寶之禮前導官導皇帝出御幄殿中
監跪進大主皇帝執大主殿中跪進大主訖詣東階上
西向立以俟禮畢授大主詣殿上冊寶幄前稱位西向
立奉冊官入幄舉太上皇帝冊中書令奉冊興凡舉冊
寶五冊寶皆指授人勿跪吏部侍郎押冊案次舉寶
官奉寶侍中奉寶興禮部侍郎押寶案次舉冊官舉太

上皇后冊吏部侍郎押冊案舉寶官舉寶禮部侍郎押

寶案

凡舉冊寶等皆禮部職掌助舉侍中中書令奉冊

寶降自西階太常博士太常卿前導皇帝步從至殿下

褥位東向置定侍中中書令已下各詣西階下褥位東

向立皇帝至殿下冊褥位立舉冊寶官舉冊寶吏部

禮部侍郎押冊寶案太常博士太常卿導至殿下南向

褥位置定舉冊寶押冊寶官太常博士太常卿皆退詣

東階下西向褥位禮儀使奏請皇帝拜興儀曰再拜贊

者承傳在位官各再拜內應行事執事應奉官不拜德

壽宮並准此舉冊官前舉冊興吏部侍郎押冊案先詣

皇帝褥位前置定中書令前奉冊進行置于案吏部侍

郎中書令退復西向位舉冊官少立太常博士引太傳
詣受冊褥位東南向側身俛伏跪舉冊官跪舉冊皇帝
稽大圭跪捧冊授太傳太傳受冊皇帝執大圭俛伏興
太傳興舉冊官舉冊興太傳奉冊于殿東階下褥位西
向跪置冊于案太傳受冊禮部先舉冊審案詣殿東階下
褥位置定實案同舉冊官退立于冊案之後太傳立于
冊案之側西向次舉賓官舉賓禮部侍郎押實案先詣
皇帝褥位前置定侍中奉寶進行置于案太傳詣受冊
褥位東南側向皇帝以寶授太傳太傳奉寶至于東階
西向褥位如發冊儀次發壽聖太上皇后冊寶皆如上
儀訖太傳已下並退詣殿東階下褥位西向立皇帝詣

殿下當中南向褥位少立舉冊舉寶官前舉冊寶興吏
部禮部侍郎押冊寶案太常博士太常卿前導太傅侍
中中書令後從冊寶出大慶殿正門至殿門外權置幄
內有司捧冊寶置于腰輿太傅以下各易常服初冊寶
出禮儀使奏禮畢皇帝陞自東階至御幄殿中監跪受
大圭皇帝入御幄簾降閣門官禮部郎中奏解嚴皇帝
服履袍還內文武百寮以次退易常服非導從冊寶從
駕臣僚並先赴德壽宮次德壽宮奏上冊寶前期有司
設大小次于德壽宮大門內及殿東廊上設權安冊寶
幄于大門內設皇帝褥位二一于殿上當中北向一于
太上皇帝御坐之東西向設置冊寶褥位四於殿下當

中又設冊寶褥位五四于殿上稍東重行一于殿上當中俱北向行禮官殿上下階有位設宮架之樂如大慶殿之儀大慶殿禮畢禮部率輦官捧擎冊寶進行儀伏鼓吹儀衛等以次援衛鼓吹備而不作太常博士太常卿舉冊舉寶官吏部禮部侍郎步導太傅侍中中書令步從至和寧門外太傅已下皆上馬導從至德壽宮門外步導步從至冊寶幄次權行安設訖太傅已下退易朝服以俟行禮皇帝服履袍乘輦至德壽宮八大次儀仗鼓吹儀衛等分列于宮門内外文武百僚入就位東西相向立太傅已下奉冊寶至殿下褥位置定侍中已下各就位太傅詣本班西向立閤門官禮部郎奏中嚴

外辦皇帝服通天冠絳紗袍出大次殿中監跪進大圭
皇帝執大圭將至小次釋大圭入小次禮儀奏請皇帝
恭行奉上太上皇帝太上皇后尊號冊寶之禮皇帝出
小次執大圭陞自東階至殿上褥位西向立太上皇帝
服履袍即御坐皇帝詣北向褥位立禮儀使奏請拜皇
帝再拜躬奏聖躬萬福又再拜訖皇帝詣西向褥位立
太傅已下橫行北向立再拜太傅不離位奏聖躬萬福
內前導官應奉官並免起居又再拜訖太傅詣殿西階
下東向褥位百官分班東西相向立次舉冊官前舉冊
典吏部侍郎押冊崇先詣御坐前褥位置定少退東向
立太傅舉冊陞殿太常博士太常卿前導中書令後從

至殿上褥位北向跪以冊置于案太常博士太常卿降
階復位立太傅詣殿上前楹間北向立舉冊官奉冊中
書令北向跪讀冊冊文曰皇帝臣春謹稽首再拜言曰
臣聞推成功而不有者必享天下之鴻名嗣大厯于無
疆者盡盡天下之美報永惟神心密運妙用莫測如天
地之大不可以形容日月之明不可以摹寫而仰乾符
之昭荅俯輿情之樂推有可以鋪張揚厲庶幾強名其
萬一者在于臣子曷可已哉是必表盛節建顯號絕金
鏤玉極其尊崇然後為稱恭惟太上皇帝陛下剛健中
正徽柔懿恭孝悌通于神明誠信格于高厚垂衣拱手
于一堂之上緩步闕視于萬古之光中興之功不可概

舉若乃憲天聰明克邁乃訓說命之典學也內修政事
外攘夷狄車攻之復古也綜核名實信賞必罰本始之
制度也摠攬權綱沉幾先物建武之風烈也是以方艱
難之初則明廟謨擴雄斷以撥亂反正而置九鼎于莫
安及底定之後則偃金革興文教以持盈守成而措八
紘于嘉靖至于宵衣旰食憂勤三紀雖法官之親事實
黃屋之非心則又超然遠覽奮然獨斷而以宗廟社稷
付于冲人歷觀上世未有以春秋鼎盛之年當安乎無
事之日脫屣萬乘于雍容揖遜之間而盡善盡美若陛
下者開闢以來一人而已昔者堯之為君光宅天下允
恭克遷壽高于五帝聖冠于百王載籍之傳昭若雲漢

今陛下不以臣為不克負荷使受此王王基方且優游
退處無為之地於萬斯年既壽且聖以今準古視堯為
有光矣末子小子懼德弗類無以答揚丕顯休命用稽
典禮仰薦徽稱臣不勝大願謹奉玉冊玉寶上尊號曰
光堯壽聖太上皇帝欽惟光堯壽聖太上皇帝陛下游
心太古玩意穆清御姑計之計豈年臨建德之樂國十二
百歲陋廣成子之修身萬八千年應天皇氏之紀歷永
膺多福垂裕後昆實我國家無窮之休請訖俛伏興舉
冊官奠冊舉冊興中書令奉冊吏部侍郎押冊案先詣
御坐之東褥位北向置定降階復位中書令進冊置于
案訖中書令舉冊官俱降階復位次太傅降階詣太上

皇帝寶案之後立次舉寶官舉寶禮部侍郎押寶案太
傳奉寶侍中後從陞殿侍中讀寶寶以光堯壽聖太上
皇帝之寶為文讀訖置寶于案皆如上儀俱降階復位
次太傳已下奉太上皇后冊寶詣御座之東北向褥位
置訖降階各歸班立初太上皇后冊寶陞殿侍中陞殿
詣折檻東西向立皇帝詣北向褥位禮儀使奏請拜皇
帝再拜俛伏跪奏皇帝臣脊稽首言光堯壽聖太上皇
帝陛下寶冊告成鴻名肇正與天同壽率土均歡俛伏
興又再拜侍中承太上皇帝旨退西向宣答曰皇帝孝
通天地禮備古今勉受鴻名良深感慰皇帝又再拜退
詣西向褥位太傳已下橫行北向立再拜太傳稍前俛

伏跪奏文武百僚攝太傅尚書左僕射臣陳康伯等稽
首言伏惟光堯壽聖太上皇帝陛下肅臨寶殿誕受丕
稱鴻惟天父之尊普尉帝臣之願俛伏與太傅復位在
位官皆再拜舞蹈又再拜訖侍中詣太上皇帝御坐前
躬承旨退詣折檻前西向宣曰有制太傅已下躬再拜
宣曰倦勤滋久佚老是圖勉受嘉名但增感尉宣訖退
詣折檻東西向立太傅已下皆再拜舞蹈又再拜訖侍
中奏禮畢太上皇帝還宮乾道六年十一月九日詔大
禮慶成光堯壽聖太上皇帝壽聖太上皇太后合加上尊
號可令有司集議以聞既而舉用唐典故詣德壽宮上
表陳請不復集議十四日臣僚上言謹案大唐詔令凡

上太上皇帝尊號係人主率百官上表陳請今宜參用
唐制以稱陛下事親盡敬之意詔恭依上表儀注皇帝
履袍詣德壽宮奉表殿入宮如宮中之儀文武百官班
于殿下再拜訖移班稍東又再拜退二十一日詔尚書
右僕射虞允文書撰太上皇后冊文兼篆寶入內侍省押
事梁克家書撰太上皇后冊文兼篆寶入內侍省押
班趙志忠為主管同日上帥文武百僚詣德壽宮上表
恭請加上光堯壽聖太上皇帝尊號表文曰臣等言伏
為郊祀大禮慶成謹帥羣臣詣德壽宮恭請加上光堯
壽聖太上皇帝尊號者伏以事親如事天宜盡推尊之
義得名必得壽式昭歸美之誠既丕歲於精禋敢敬加

于顯號臣等誠惶誠懼頓首頓首切以逖觀治古無若
帝堯明俊德而於變時雍立蒸民而莫匪爾極雖神化
要道問朝野而不知然濟衆施仁格上下而光被分義
和之職則日月星辰順其順重岳牧之任則華夏蠻貊
罔不從陶成比屋之封坐底垂裳之治教洪敷而不宰
仰後聖以同符恭惟光堯壽聖太上皇帝陛下性本欽
明政全哲惠駿命受九圍之式中興恢三紀之餘冠德
百王方隆謙而退託脫屣萬乘乃觀妙于希夷自遂燕
超就安至養俾涼菲獲於今緒實晨昏祇奉於詒謀念
殫竹帛之書莫效涓埃之報屬此慶成泰時福介慈庭
不勝率土之歡心願鴻名于盛際謂莫神于天而憲之

惟聖謂莫大于道而體之則純是皆廣運之成能庶可
增崇于高致恭請加上尊號曰光堯壽聖憲天體道太
上皇帝伏望俯垂睿照曲徇羣情雖乾坤浩浩之仁形
容莫可而臣之惓惓之請惻惻與伸謹奉表陳請以聞
奉答誥不允 誥曰傳曰事父孝故事天明事母孝
故事地察蓋惟聖人乃能與于此屬間壬午日至郊見
上帝景氣晏溫神光燭壇非天地明察之效歟而乃不
有其美親帥羣臣加鴻名于父母此帝王之高行古今
之盛禮也夫子之愛親既殫誠恪親之于子何事辟遜
然而怡神間燕無累于物其可掠美以自尊乎宜悉茲
懷毋重請也 二十五日上帥文武百僚上光堯壽聖

太上皇帝第二表

表文曰臣竊言近帥羣臣上表恭

請加工尊號曰光堯壽聖憲天體道太上皇帝伏奉答

誥未賜俞允者伏以因吉土而享于郊具獲博臨之既

有天下而尊於父敢懷專饗之私嘗備罄于忱詞何未

回于淵聽臣竊誠懼頃首頃首臣聞天不可度而猶稱

覆燾之仁道不可名而亦述希夷之旨蓋積累衆多之

志或形容萬一之功事既並時名斯賓賓恭惟光堯壽

聖太上皇帝陛下中興復古大德庇民視敝屣于宸中

共仰有虞之聖遺元珠于水際孰明皇帝之心猥以冲

人紹于大寶每親承于訓戒思祇竭于嚴恭比奉國常

存修郊類景霽于假廟之夕星明于升壇之初匪涼德

之致然繫聖謬而底此用披丹悃請益鴻名益上合于
天心亦下符于民願切窺周誥尚守堯舜惟君親之美
未昭豈臣子之心可已伏望下允俞之令安延企之情
如此則帝命天子九圍靡遠昭假德教加于百姓獲盡
愛欽得請是期輸誠采切謹再奉表陳請以聞 奉答
誥允 誥曰再覽來章具乎至意惟雲陽奉玉本躬致
于精裡則宣室受釐尚何嫌于專饗乃侈乾坤之貺用
為父母之光顧方自樂於冲虛茲用力辞于称謂而勞
煩警蹕勤動稽紳必欲加巍巍蕩蕩之名盖將致尊尊
親親之誼實我家之盛典度載籍之前間使綿區形孝
治之風而信史紀聖人之行勉抑執謙之志良深溢美

之慙 六年十二月一日詔曰享帝者聖人為能既深
慙於涼德事親者天子之孝當益播於鴻名參古今甚
盛之規侈家國非常之慶光堯壽聖太上皇帝與天同
大體道之尊壽聖太上皇后如月之明以慈為寶久非
心於黃屋方自得于大庭言念眇冲親膺傳授冕勉屢
周于歲籥寅恭三款于陽陵祖宗遺我以閑休高厚畀
予以景貺匪仰遵于慈訓疇克對于昌期宜極推崇取
懷滿假矧未央為壽適符漢祖之九年而興慶歸尊且
著唐宗之再請用涓穀旦交舉曠儀俯同中外之懽心
並行尊親之榮號慈章繼上俞旨甫頒雖蕩蕩民無能
名豈易測知於聖德然業業日致其孝庶幾殫竭于忱

誠以承有美之休以對無疆之壽光堯壽聖太上皇帝
宜加上尊號曰光堯壽聖憲天體道太上皇帝壽聖太
上皇后宜加上尊號曰壽聖慈明太上皇后其令有司
詳具儀注朕當親帥百官詣德壽宮奉上冊寶告于普
率共此榮懷 二十一日禮部尚書劉章等言紹興三
十二年德壽宮加上尊號行事官朝服赴大慶殿發冊
禮畢易常服騎從赴德壽宮仍易朝服行禮切緣希闊
之典事大體重其導從與行禮事體一同乞並用朝服
從之繼太常寺又申明俟朝服拜殿賀太上皇后訖方
易常服七年正月一日皇帝詣大慶殿行發尊號冊寶
之禮畢詣德壽宮殿上奉上光堯壽聖憲天體道太上

皇帝冊寶冊文曰皇帝臣御名謹稽首再拜言曰臣聞
天不言所利聖人不居其功極高明備光大窮天下之
辨莫能形容也聖人法天天法道道可常名乎天不期
大報必歸之天聖人不期顯號而顯號必加之聖人聖
人之心與天合聖人之道天之道也大報之禮天且弗
違如之何其辭顯號哉恭惟光堯壽聖太上皇帝動與
天同功靜與天合德其動也無疆惟憂亦無疆惟休皇
綱糾紛維而張之世路棘矚砥而直之雷風之所震疊
雨露之所濡沐聖文神武兩盡其極薄海內外教不肅
而成政不嚴而治非與天同功乎其靜也全天之功與
四海九州更始輕徭賦簡刑罰歸馬放牛包干戔而不

用視八紘如一家視萬衆如弊屣熙然而春肅然而秋
動者植者生生化化而莫窺其朕非與天合德乎動而
功靜而德合而言之道也泰定其宇清明其躬邵智去
故退藏于密油油然與造化爲友帝力所加罔之朝野
而不知道之至也巍巍乎有成功蕩蕩乎民無能名自
陶唐氏以來位隨下一人而已越冲人祇承慈訓夙夜不
敢康乃十一月壬午循堯之道類帝裡宗曾雲往來星
象晦明陟降泰壇克成熙事事天有大報矣事親獨無
顯號乎夫極高明者莫如天備廣大者莫如道不誠不
知順帝之則不曰憲天乎無思無爲感而通天下之故
不曰體道乎臣不勝大願謹奉玉冊玉寶上尊號曰光

堯壽聖憲天體道太上皇帝欽惟陛下執神之機御氣
之辯沉潛先物之智以不言者燕佚後天之年為衆父
父沛滂衍漑敷錫我子孫黎民實以光堯壽聖憲天體
道太上皇帝之寶為文八日上宣諭宰執曰前日奉上
冊寶太上聖意甚喜來日朕過宮侍宴邦家非常之慶
漢唐所無虞允文等曰漢唐君臣父子之間懋德多矣
今日堯父舜子曠古所未有豈漢唐可同日而語哉二
月五日中書門下有言修製加上尊號冊寶行禮畢都
大主管所并承受諸司一行被差官吏等並無遺闕欲
依紹興三十二年體例等第推恩詔第一等轉一官礙
止法人依條回改第二等減三年磨勘第三等減二年

唐勅快行親從親事官與轉一資白身人候有名目日
收使皇帝朝紹興三十二年六月十一日詔以十二日
朝見德壽官令有司速具以聞于是禮部太常寺具上
儀注前期有司設大次于德壽宮門內小次于殿東廡
其日皇帝出即御坐從駕臣僚禁衛等起居如常儀皇
帝乘輦將至德壽宮文武百僚詣宮門外迎駕起居前
導官太常卿閣門官太常博士禮直官先入詣大次前
分左右立皇帝入大次文武百僚入班殿庭前導官導
皇帝入小次俟太上皇帝即御座前導官導皇帝升殿
再拜皇帝稍前躬奏聖躬萬福復位再拜訖皇帝詣太
上皇帝御座之東西向立前導官立於殿上百官再拜

舞蹕班首不離位奏聖躬萬福又再拜卷班出前導官
以次退從駕官歸幕次以俟皇帝駕還皇帝入見太上
皇后如官中之儀朔望准此從之自後皇帝詣德壽宮
如行官中之禮即不集百官陪位十二日上詣德壽宮
起居先是上欲以是日率百官朝太上皇帝于德壽殿
以雨百官免入見上就宮中行禮十三日詔朕欲每日
一朝德壽宮以修晨昏之禮昨而奉慈訓謂恐廢萬機
勞煩羣下不蒙賜許禮官宜重定其期如前代朝朔望
甚為踈闊朕不敢取于是禮部太常寺言謹按漢書高
皇帝五日一朝太上皇乞依此故事每五日一次皇帝
詣德壽宮朝見太上皇帝太上皇后並如官中之禮從

之同日詔自今車駕詣德壽宮惟經過官司起居餘並
免時上方欲講屢朝之儀慮百司奔走廢職故是詔凡
車駕詣德壽宮從駕臣僚並逐幕次賜食以後並同十
八日上始御後殿宰臣陳康伯因奏臣等以十六日朝
德壽宮太上皇帝宣諭車駕每至宮必于門外降輦已
再三勉諭既行家人之禮自宜至殿上降輦令臣等奏
稟此意上曰昨太上皇帝有旨令朕不須五日一朝只
朝朔望朕于予道間寢侍膳尤宜勤恪聖訓丁寧朕心
未安卿等宜令有司詳議以聞如官門降輦在臣子于
君父禮所當然朕端不安繼而禮部太常寺言除朔朔
望外乞於歲月初八日并二十二日詣德壽宮起居如

官中之儀從之自後皆遵此制如值雨及盛暑祁寒臨
期承太上特旨方免到宮十月二十二日會慶節百官
稱賀訖上詣德壽宮起居自後同此詳見誕聖節門十
二月十八日禮部言將來正月初八日車駕詣德壽宮
起居緣是日係忌辰乙改用初十日從之自後當詣宮
日或值忌辰及忌前並改用別日至乾道七年二月七
日太上皇帝降旨自後如遇似此日分日並免到宮隆
興元年五月二十一日天中節上詣德壽宮起居上壽
自後同此詳見天中節門二年正月九日詔恭承太上
皇帝聖旨今後遇十五日免到宮既而宰臣湯思退奏
近見指揮今後月望日免到宮上曰再三奏請太上不

許緣與皇后望日到宮相妨耳乾道元年十月十七日
以皇太子受冊畢上詣德壽宮起居稱謝七年三月冊
命皇太子稱謝同此二年十月三月上詣德壽宮進太
上皇帝聖政許見進書門七年七月九日宰執奏對畢
上宣諭曰前日過德壽宮侍燕太上飲酒歡甚宮中熙
熙和而有禮本朝家法前世所不及也已為卿等求得
御書俟請賓來即賜卿等虞允文等頌首謝八月二十
八日宰執奏對畢上宣諭曰朕近日過德壽宮太上顧
養愈勝天顏克悅朕退輒喜不自勝允文奏曰神器之
重得所付託聖懷無事自應如此上然之光宗紹熙
五年七月五日甲子百官以禋祭畢集于重華宮趙汝

卷七十六百六十四

充

愚陳駿余端禮詣梓宮前焚香畢中使宣引詣憲聖慈
烈皇后簾前起居恭奉皇后聖旨皇帝以疾至今未能
執喪御筆自過退閑皇子嘉王可即皇帝位尊皇帝為
太上皇帝

宋會要尊號十一

孝宗淳熙十六年二月二日皇帝吉服御紫宸殿有司設仗殿下文武百僚並常服吉帶班于庭起居畢宰臣同必大等陞殿奏事退皇帝還內百僚移班殿門外內降詔曰朕以菲質循堯之道兢業萬機歷歲弥長賴兩儀九廟之總邇邇不聳年穀順成底于小康爰自宅憂以來勉親聽斷不得日奉先帝之几筵躬行聖母之定省固已慊然于懷況乎春秋變高思釋重負皇太子熾仁孝聰哲久司七壺軍國之務歷試參決宜付大寶撫綏萬邦俾予一人獲遂事親之心永膺天下之養不其美歟皇太子可即皇帝位朕移御重華宮宣詔訖入殿庭立班上自內出至御榻側拱手立應奉官以次稱賀內侍固請就坐上固辭內侍扶掖至于七八上畧就坐復興次宰臣率百僚祱賀上側立礼畢三省樞密院奏事上立聽之班退皇帝命賀重華宮上相繼乘輦宰臣以下扈從如常儀移時上還內有旨仰惟君父專意奉親決策內禪天地大恩無以報稱形容盛德典禮具存而聖意謙抑諭使勿請雖意訓不敢固違然臣子歸尊誼豈容已謹上皇帝號曰至尊壽皇聖帝皇后尊號曰壽成皇后擇日奉表陳請五日礼部太常寺言已降指揮擇日詣重華宮奉表恭請上尊號依礼例合係學

士院修撰表牋述以皇帝率百僚詣重華宮恭請不上尊號之意擇日皇帝率百僚詣重華宮皇帝奉表牋入宮如宮中之儀百僚殿下兩拜移班再拜訖退候奉詔允仍依礼例令學士院降詔擇日宣布從之六日皇帝帥文武百僚詣重華宮起居上表恭請上至尊壽皇聖帝尊號表文曰臣竊言謹帥群臣詣重華宮恭請上至尊壽皇聖帝尊號者伏以聖人得天道之真有不形容之妙臣子尊親之至欲少伸歸報之誠輒籲衆言仰于崇聽竊以洪荒之代尚存盧赫之名揖遜之朝猶著勲華之跡雖日事殊而世遠亦皆寔副而美彰矧在我家具存景鑠恭惟皇帝陛下以英睿之斷整齊乾坤以慈愛之心涵育夷夏積憂勤於九閏恢統緒於十朝重熙累洽之功揜漢唐而不論高世絕俗之行有曾閔之所難方將畢商宗三祀之宅憂奉長樂萬年之至養道遙塵垢之外與造物將止息混元造物將止息願慚眇所嗣守丕圖戴大造而益深懼鴻微之未闡考之經則壽寔先於五福脩之傳則聖寔冠於群倫參往哲之格言合有生之公願恭請上尊號曰至尊壽皇聖帝雖持螯抱管莫窺測於毫分而錢玉泥金莫鋪張於萬一伏望出岳睿照亟發俞音止以修宗社無疆之休下以遂臣民歸尊之志謹奉表陳請以聞上牋恭請上壽成皇后尊號

文曰臣熾言謹帥群臣詣重華宮恭請上壽成皇后尊稱者伏以坤配乾而曰至乃成覆載之功月邇日以為明遂廣照臨之德况等尊于聖父宜並受於顯名酌古成規為今鉅典恭惟皇后殿下性躬仁儉道合靜專當舜紹堯之初著雲嬪之懿行以婦承姑之盛電擊仲之徽音宣陰教於六宮正張儀於萬國付托之重雖祇稟于睿謨擁護之恩寔助成于神斷願惟菲質獲奉慈顏倘無歸美之辭曷侈事親之孝壽祺方永有光五福之壽成德既彰高掩二南之北龜筮協言中外合謀恭請上尊稱曰壽成皇后伏望俯諒忱辭並頒俞旨順歡心於四表享榮奉於萬年編之詩書實為盛事在於臣子不勝至請謹奉牋陳請以聞 未答諾不允諾曰人之至親莫親於父子為天子父尊之至也虛言無寔之名予何取焉孔子曰若聖與仁則吾豈敢華封之祝曰使聖人壽夫聖孔子不居康衢之所以頌其君亦曰壽耳而乃親率百僚願加此號耶尊于父母此孝道之極願何德以堪之已嘗諭意勿復有請 七日上帥文武百僚再詣重華宮起居恭請上至尊壽皇聖帝尊號表文曰臣某言近帥群臣上表恭請上尊稱曰至尊壽皇聖帝伏奉答諾未賜俞允者伏以訃輸微悃請勒鴻名天聽甚高尚閑矜從之吉物情既籌不勝懇切之私理有未安義當再瀆竊

以尊之至者辨宜稱道之美者美自彰道觀古初載在國諜曷嘗不揚景
鑠以崇威德備顛策以昭殊休酌歷代之成規考本朝之大典驗休祥於
天意察愛戴於人心通遐合辭幽顯同願恭惟皇帝陛下誠贊化育孝通
神明欲畢素冠力行於通制釋去重負專心於事親使千載因陋之習遂
洗於一朝而匹夫罕能之行乃見於萬乘舉此大節已冠百王而況化極
於範圍仁漸于動植武功底于保定文治洽于綏懷夫又得其壽則陛下
宜享其休不居其聖而陛下則有其寔合此二美稽于衆言疆施繪畫之
工曷謀臨照妄持淺近之見寧則高深豈謂陛下退託愈堅執謙采損竊
窺訓誥尚靳允俞凌兢失圖踟躕無措伏望沛然改虛監此丹衷使臣子
微臣得少施於毫末則國家盛事可誇耀于簡編若此控陳期于得請謹
再奉表陳請以聞 上牋再恭請上壽成皇后尊號牋文曰臣某言近帥
群臣上牋恭請上尊號曰壽成皇后伏奉至尊壽皇聖帝答誥未賜俞允
者伏以謙雖威德過謙或至於過中父有常尊事父當均于事母方鴻徽
之載行乃挹損而弗居謹竭丹誠荐于崇聽恭惟皇后殿下道隆坤載行
冠間彛輔佐慈皇修明內治以孝奉承于長樂曲盡愉怡以恩頤復助
助成揖遜名辨欲伸於歸美形容未及于毫分豈謂殿下卑以自持卻而

不受使人子尊親之意苟抑遏而弗伸則國家曠代之儀將因循而莫舉
伏望勉從愚請俯慰衆心言順事成不顯一朝之盛天長地久永延萬世
之休謹再奉牋陳請以聞 奉答詰不允詰曰名者實之賓寔大則名顯
號者功之表功成則號隆有其寔固欲辭其名無其功安可享其號況心
存于恭默志在于冲虛溢美之言適增予愧勿勤再請祇益煩勞 十日
上帥文武百僚再請重華宮起居恭請上至尊壽皇聖帝尊號表文曰臣
某言臣帥群臣再恭請上尊號曰至尊壽皇聖帝伏奉答詰未賜俞允者
伏以祇率舊章請崇丕輝荐家慈訓未諒愚誠辭已迫而復陳聽愈高而
難動籲天徒切踟地靡寧臣聞事貴適其中名欲當于寔得其中則事可
久是以聖人不肯違有其寔而名自彰是以聖人不苟避然惟皇帝陛下
豐功偉業卓冠古今處斷神謨開闢宇宙欲承顏長樂之養遂脫筵萬乘
之高壽以見臣子區區善頌之情聖乃總帝王蕩蕩難名之道順陛下之
謙德初無侈大之辭酌本朝之成規又非創見之事豈謂陛下過為挹損
深自退藏守獨善而弗衆心崇小遜而遺大體制度倘失之簡何以昭神
功名號不副其尊何以示天下使臣忠誠莫遂孝治有虧負愧懷慚廢寢
忘食伏望上觀天意下察人心速稽前王近法文祖亟頒溫詔毋守牢辭

則典禮順從侈宏休于載籍神明歡悅贊寶筵於萬年謹再奉表陳請以
聞上牋再恭請上壽成皇后尊號牋文曰臣燉言近帥群臣上牋再恭
請上尊號曰壽成皇后伏奉至尊壽皇聖帝答告未賜俞允者伏以存陳
封奏請勒鴻休愚誠雖切於懇祈慈聽未聞于動寤徊徨無措進退莫安
臣聞有德必有名乃古今之通誼事母猶事父豈臣子之異情恭惟皇后
殿下廓仁愛恭儉之心體靜專柔順之道上之承事長樂極其孝下之保
佑躬盡其恩內之輔助聖皇見于夙夜之警戒外之風化天下著於朝庭
之爰勤景錄鴻微流風懿行雖殫筆舌莫罄形容徒以繼承之始初欲伸
歸報之萬一因已行之盛典固非創為寓善頌之忱辭初無溢美而殿下
執謙深甚固拒弗俞襲中官之舊號則何以表慈闈之尊拒衆心之屢請
則無以慰人子之願神祇歆望中外懷疑伏望察臣迫切之詞諒臣勤奉
之意則坤儀光大永同太極之高孝治興行丕顯我家之誠謹再奉牋陳
請以聞奉答詔允詔曰函封疊上誠請益堅謂行浮於名乃君一執謙
之德而尊歸於父亦我家故事之常萬乘之貴不可以屢勤群言之迫不
可以固拒成聖子事親之孝形四方廣愛之風勉徇至情更慚虛美同
日右丞相周必大等言昨面奉至尊壽皇聖帝聖旨將來慈福宮上皇太

后尊號依舊用壽聖二字乞學士院降詔就此月十一日宣布餘令有司
續行討論詔恭依附慈福宮尊號十一日文武百僚赴文德殿聽宣布恭
上皇太后尊號詔曰侈國家之盛事宜勒鴻徽居天下之極尊必崇丕號
皇太后道配太極母臨三朝粹懿鑠於簡編有大勲于宗社念洪博厚既
全育物之慈恬淡冲虛自享延年之福願惟眇眇祇燕孫謀致榮養于止
宮闈洪休于重慶惟壽因聖蹟孰加舊日之隆名而母以子彰寔出至尊
之本意上以照慈父事親之孝不以副冲人歸美之誠皇太后宜恭上尊
號曰壽聖皇太后餘令有討論以聞附慈福宮尊號同日詔曰朕寅奉燕
謀祇承鴻業天所覆地所載既全付而有歸父之尊母之親豈欲承之敢
後昭國家之盛典溢中外之歡聲皇帝陛下睿如神聰明協帝赤符統
統憂勤馴致於三登黃屋非心授受率循於一道皇后殿下德全柔順性
本靜專壺範有常克迪厚倫之化母慈薦愛助成與之謀聖神器以親傳
宴大庭而偕承頤惟菲質莫報深恩順色承顏方備殫於至養冀英騰茂
宜並上於徽名雖承溫諭之崇謙莫遏群情之歸美訂義遠參於至德裁
儀近法於淳熙日月之明固照臨之難寫乾坤之大庶幾之可言言忱請
疊陳俞音甫拜撰告克從於龜筮勒成有肩爛於瑤琨率百官若帝之初

丕謀非常之禮於萬年受天之祐幸迎滋至之休乎我爰欽告于溥率俾
邦榮之咸賴庶孝治之愈隆皇帝宜恭上尊號曰至尊壽皇聖帝皇后宜
恭上尊號曰壽成皇后其令有司詳具儀注朕當親率群臣詣重華宮奉
上冊寶 四月五日將作監言今來修製奉上尊號玉寶欲乞依例下禮
官討論範樣大小分寸制度所以珉玉冊三副玉寶一鈕金寶二鈕并沿
冊寶法物亦乞下太常寺專差知次第禮直官一名赴文思院指說合用
名件色額樣制以憑製造務合典禮從之 同日太常寺言修製至尊壽
皇聖帝尊號冊寶檢照制度禮例冊用珉玉簡長一尺二寸濶一寸二分
厚五分簡數從丈之多少聯以金繩寶用玉廣四寸九分厚一寸二分填
以金盤龍鈕壽聖皇太后壽成皇后尊號冊寶乞參照淳熙十二年加上
壽聖齊明廣德備福太上皇后尊號冊寶製度修製從之 七月十九日
詔修製奉上壽聖皇太后至尊壽皇聖帝壽成皇后尊號冊寶行禮大都
主管官差通侍大夫保寧軍承宣使入內侍省都知劉慶祖仍詔依都
大主管所為名 八月九日禮部太常寺言壽聖皇太后金寶一鈕乞以
壽聖皇太后寶六字為文至尊壽皇聖帝玉寶一鈕乞以至尊壽皇聖帝
之寶八字為文壽成皇后金寶一鈕乞以壽成皇后之寶六字為文詔恭

依 九月二十一日詔壽聖皇太后至尊壽皇聖帝書撰冊文官禮儀使
並差右丞相留正壽聖皇太后至尊壽皇聖帝篆寶文官并壽成皇后書
撰冊文官並差知樞密院事兼參知政事王蘭壽成皇后篆寶文官差同
知樞密院事葛邲 十一月四日詔恭上壽聖皇太后至尊壽皇聖帝壽
成皇后尊號冊寶用正月一日 二十三日禮部太常寺言將來恭上壽
聖皇太后至尊壽皇聖帝壽成皇后尊號冊寶參照禮例前期集合赴行
禮陪位等官并應奉官並赴大慶殿習儀次習重華宮奉上尊號冊寶儀
奉上尊號冊寶前一日禮儀使率臣於皇城司其餘行礼等官並於麗正
門外侍漏院等處宿衛從之 二十五日禮部太常寺言檢準淳熙儀
令節文諸大慶大禮發運監司提點坑冶鑄錢司同諸州長吏奉賀表所
有將來正月一日奉壽聖皇太后至尊壽皇聖帝壽成皇后尊號冊寶禮
畢係大慶典禮合依上條施行從之 十二月六日詔攝太傅奉上尊號
冊寶差右丞相留正攝侍中奉至尊壽皇聖帝寶并讀寶及奉壽聖太后
寶壽成皇后寶差知樞密院事參政政事王蘭攝中書令奉至尊壽皇聖
帝冊并讀冊及奉壽聖皇太后冊壽成皇后冊差同知樞密院事葛邲侍
中詣至尊壽皇聖帝御前承旨并奏答及奏禮畢差戶部尚書葉翥前

導禮儀仗并奏禮畢禮部尚書兼編押冊案吏部侍郎三員禮部尚書更部侍郎余瑞禮部侍郎李獻

三員給事中胡晉臣中書舍人羅鼎右諫議大夫何滄奏中嚴外辦禮部

侍郎二員禮部侍郎陳際權刑部侍郎吳博古進接奎殿中監國子余

酒並導中書舍人沈煥導冊寶太常卿所作少監直學士院倪思與冊官

六員起居郎諸葛廷瑞秘書省著作郎並權起居舍人莫叔光殿中侍御

史范處義右正言黃倫監察御史計衡林大中舉賓官六員太常少卿丘

崇宗正少卿耿秉秘書監楊萬里大理卿王尚之司農少卿韋瑱中書門

下省檢正諸房公事王四押藥太常卿左司郎中兵部奏解嚴禮部郎中

左司郎中沈誥大理少卿呂公進太常博士三員贊引太傅樞密院檢詳

諸房文字楊經贊引前導禮儀仗將作監兼權吏部郎官蘇山贊引太常

卿考功郎中樓鑰協律郎一員吏部郎中陳揚善大慶殿并重華宮進中

嚴外辦二司知開門事兼客省四方館事兼熙寧權知開門事兼客省四

方館事劉敬大慶殿并重華宮前導二員知開門事兼客省四方館事兼

樞密副都承旨吳瑛權知開門事兼客省四方館事兼統省大慶殿并重

華宮進解嚴開門宣贊舍人點檢開門簿書公事充宣讀令張進之同日

尊號十三
光宗孝宗
起

禮部太常寺言奉上尊號冊寶前三日遣官奏告天地宗廟社稷景靈宮
宮觀諸陵閣宮其應合排辦事件乞並依自來奏告禮例施行從之 九
月御史臺閣門言奉上尊號冊寶依禮例文武百僚陪位緣重華宮殿內
地步窄隘欲乞宰執侍從兩省臺諫橫行以上并應奉官于殿下立班餘
官于殿門外隨宜趨避從之 十二月禮部太常寺言將來奉上尊號冊
寶行禮皇帝致詞賀至尊壽皇聖帝侍中承旨宣答次宰執文武百僚致
詞稱賀至尊壽皇聖帝侍中承旨宣答次宰執文武百僚拜牋賀壽聖
皇太后壽成皇后所有稱賀并宣答詞並乞令學士院修撰其牋乞令禮
部修撰依禮例儀仗導引其用鼓吹合有導引曲其用宮架樂合用樂章
乞從本寺具節次中學士院製撰前期降付本寺教習從之 十七日都
大主管所言奉上壽聖皇太后壽成皇后尊號冊寶行禮奉冊置于座前
甘昇霍汝弼讀冊吳回讀寶張宗尹尚宮奏請前導闌禮承旨宣答王公
昌司言前導靈安仁前導皇帝行禮梁彬老世榮符思永從之 光宗孝
宗皇帝第三子母曰成穆皇后郭氏紹興十七年丁卯歲九月四日生于
藩邸宮中 其曰為重州節 二十年正月賜名惇授右內率府副率三十年
四月授榮州刺史三十二年九月授鎮洮軍節度使開府議同三司建封

士院額檄撰冊文知樞密院事兼參知政事許及之撰
紹熙元年正月一日恭請上壽聖皇太后至尊壽聖皇帝壽成皇后尊后冊寶前二日習儀
前一日有司設御幄於大慶殿御榻後之西皇帝未御殿於此易服設冊
寶幄于大慶殿當中南向設皇帝稱位三一于殿上冊寶幄之東西向皇
帝出御幄立於此以俟冊寶降階一於殿下當中面冊皇帝從冊寶降階
於此立并拜一於殿下當中南向皇帝以冊寶授太傅跪立于此以俟冊
寶出殿門入設以冊寶授太傅稱位一於殿下當中橫陳又設置冊寶稱
位一十二六於殿下南向冊東寶西皇帝至殿下而冊稱位立定即置冊
冊于此以俟授之太傅六於殿下東階之東西向冊南寶北太傅受冊寶
跪置于此太傅侍中中書令吏部禮部侍郎舉冊舉寶官太常卿太常博
士各有位於殿之東西階下太常展宮架之樂是以百官朝服集于大慶
殿門外列黃麾儀仗鼓吹禁衛於殿庭內外訖前導官禮儀使闕門官太
常博士分列于御幄之左右百僚入就殿下位東西相向吏部禮部侍郎
舉冊舉寶官太常卿侍中中書令太傅俱詣殿下西階東向位立少頃皆
自自階陞殿立於冊寶幄之西東向太常博士太常卿立於西階上之西
東向皇帝服靴袍入御幄易通天冠絳紗袍闕門官禮部侍郎奏中嚴外

辨太常博士引禮儀使奏請皇帝恭行奉上壽聖皇太后至尊壽聖皇帝
壽成皇后尊號冊寶之禮前導官導皇帝出御幄殿中監跪進大圭皇帝
執大圭殿中監進大圭跪詣東階上西向少立以俟禮畢殿大圭詣殿上
冊寶幄前稱位西向立舉冊官入幄舉壽聖皇太后冊與中書令奉冊史
部侍郎押冊案舉寶官入幄舉壽聖皇太后寶與侍中奉寶部侍郎押
寶案次舉至尊壽聖皇帝冊寶次舉壽成皇后冊寶皆如上儀太常博士
太常卿前導冊寶進行協律郎舉麾正安之樂作凡舉冊寶并置冊寶於
於案皆禮部職事如未前導官前導皇帝步從侍中中書令奉冊寶降自
西階至殿下當中稱位南向置定偃麾樂止凡舉冊寶皆協律郎跪伏舉麾
興工鼓祝而後作偃麾奏故而後止侍中中書令以下各詣殿東階之東
稱位西向立皇帝至殿下冊稱位立禮儀使奏請皇帝拜興儀曰再拜
贊者承傳在位官皆再拜內應行事執事應奉官不拜重華宮並奉此舉
冊官詣壽聖皇太后冊案之左右東西相向舉冊與史部侍郎押冊案先
詣皇帝稱位前置立定退立于東階下西向中書令詣前來冊進行禮安
之樂作至皇帝稱位前置冊於案中書令退復西向位舉冊官少立太常
博士引太傅詣受冊稱位東南向側身俛伏跪舉冊官跪舉冊皇帝稱大

圭跪奉冊授太傅太傳受冊皇帝執大圭俛伏興太傅興舉官冊舉興太
傳奉冊於殿東階下褥位西向跪置冊于案案止凡大傳受冊實詣禮部
先奉冊實案詣殿東階下褥位西向置定舉冊官退立于冊案之後太傅
立於冊案之側西向舉實官舉實禮部侍郎押實案先詣皇帝褥位前置
定侍中奉實進行置於案太傅詣受實褥位東南側向皇帝以實受太傅
奉實至於東階西向褥位如發冊儀次發至尊壽皇聖帝冊實及壽成皇
后冊實並如壽聖皇太后冊實之儀太傅以下並退詣殿東階下褥位西
向立皇帝詣殿下當中南向褥位少立舉冊官舉實官前舉冊實與吏部
禮部侍郎押冊實按正案之樂作太常博士太常卿前導太傅侍中中書
令後從冊實出太慶殿正門樂止有司奉冊實置於要昇初冊實出禮儀
使奏禮畢皇帝陞自東階將至御恆殿中監跪受大圭皇帝入御恆簾降
閣門官禮部郎中奏解嚴皇帝服靴袍還內文武百僚以次退易常服非
導從冊實從駕臣僚並先赴重華宮次重華宮奏上冊實前期有司設大
小次于重華宮大門內及殿東廊上設權安冊實恆於大門內設皇帝褥
位二一於殿上當中正向一於至尊壽皇聖帝御座之東西向設置冊實
褥位六於殿西階下東向冊北實南又設冊實褥位七六于殿上東重行

一於殿上當中北向行礼官殿上下皆有位設宮架之樂如大慶殿之儀
大慶殿礼畢礼部率鞞官捧鞞冊寶進行儀仗鼓吹禁衛等以次援衛太
常博士太常卿舉冊舉寶官吏部礼部侍郎步尊太傅侍中中書令步從
至和寧門外太傅以下皆上馬導從至重華宮門外步導從至冊寶幄次
權行安設訖太傅以下退易朝服以俟行礼皇帝服靴袍乘輦至重華宮
入大次儀仗鼓吹儀衛等分列於宮門内外文武百僚入就殿下位東西
相向立吏部礼部侍郎舉冊官舉寶官太常博士太常卿侍中中書令太
傅俱詣冊寶幄前位立舉冊官入幄舉壽聖皇太后冊興中書令奉冊吏
部侍郎押冊案舉寶官入幄舉壽聖皇太后寶興侍中奉寶礼部侍郎押
寶案次舉至尊壽皇聖帝冊寶次舉壽成皇后冊寶如上儀以次進行宮
架作正安之樂至殿西階下稱位置定冊北寶南樂止侍中以下各就位
太傅詣本班西向立礼部侍郎奏請中嚴外辦皇帝就次服通天冠絳紗
袍出大次殿中監跪進大圭皇帝執大圭將至小次礼儀使奏請皇帝恭
行奉上壽皇太后至尊壽皇聖帝壽成皇后尊歸冊寶之礼皇帝出小次
執大圭陞自東階至殿上稱位西向立至尊壽皇聖帝自宮服靴袍出宮
架作乾安之樂陞御座樂止皇帝詣北向稱位立礼儀使奏請拜皇帝再

拜躬奏聖躬萬福又再拜訖皇帝詣西向褥位立太傅以下橫行北向立
再拜太傅不離位奏聖躬萬福內行事恩奉官並元起居又再拜訖太傅
詣殿西階下褥位百官本班東西相向立定次舉冊官前舉冊興吏部侍
郎押冊案先詣至尊壽皇聖帝御座前褥位置定少退東向立太傅奉冊
隆殿宮架作聖安之樂太常卿前導中書令後從至殿上褥位北向跪以
冊置於案樂止太常博士太常卿降階復位立太傅詣殿上前楹間北向
立舉冊官舉冊中書令北向跪請冊文曰皇帝臣某謹稽首再拜言臣
聞隆天厚地之恩不可得而報備道全德之妙不可得而名大哉聖人兼
全乎天地之恩究極乎道德之妙出人間世覆育萬物凡厥有生欲效衆
美以報所不可報之恩若稽于古宜宣令聞以名所不可名之妙昔者大
舜有大焉以所得於天者還以覆燾於人以所受於前者還以揖遜于後
無為而治不有其功顯舜徽稱勛華一體由今視昔以舜紹堯千載不約
而同符二典豈容于專美術從衆志仰替丕休恭惟皇帝陛下體濬哲文
明之資新萬寔輝光之德行堯之道與天同功在仁二十有八年上而五
星順軌八風序位拜況于郊發祥隋祉下而年穀順成民生自遂蠲租減
賦惠澤滂流內則修明法度總攬權綱明足以灼見而邪枉不容外則閭

突過防護守信誓仁足以包荒而兵革不試其著見有常者儉也朴素無
華愛惜民力而財用給其躬行不遺者孝也始終一致形為教化而風俗
厚誠通乎天事出乎斷方且舉行曠典表率萬邦為匹夫之所甚難陋諸
儒之所未正脫屣萬乘專意東朝敬慈福以問安即重華而燕處頤神昭
曠觀妙希夷既與夫造物者游孰肯以天下為事全以所覆界之冲人諱
觀睿謨中用家法而臣深虞寡昧莫克奉承欲報天地之恩而恩而可報
欲名道德之妙而妙不可名報不可報而寓其心之微名不可名而忘其
言之淺言念有天下尊歸于父所以推其本原為天子父尊之至也又以
表其極致庶幾形容乎不可報之恩涉三皇之登闕而壽與之俱崇歷五
帝之寥廓而聖與之並驅庶幾窺測乎不可名之妙譬之海嶽納以消涘
延光于將來永比榮于前美臣不勝大願謹奉玉冊玉寶上尊號曰至尊
壽皇聖帝伏惟陛下研幾繫表探頤環中御六氣之和叶三靈之泰式安
清淨致福邦家寔億萬世宗社無疆之休臣某誠歡誠忭稽首再拜謹言
讀訖俛伏興舉冊官奠冊舉冊興中書令奉冊吏部侍郎押冊案先詣御
座之東褥位北向置定降階復位中書令進冊置于案訖中書令舉冊官
降階復位次太傅降階詣至尊壽皇聖帝寶案之後立次舉寶官舉寶禮

部侍郎押寶案太傅奉寶侍中後從陞殿侍中讀寶寶以至尊壽皇聖帝
之寶為文讀訖置寶於案如儀俱降階復位次太傅以下降階奉壽
聖皇太后冊寶壽成皇后冊寶詣御座之東北向褥位置定降階各歸本
班立初壽聖皇太后壽成皇后冊寶陞殿侍中陞殿詣折檻東西向立皇
帝詣北向褥位禮儀仗請拜皇帝再拜俛伏跪奏皇帝臣某稽首言伏惟
至尊壽皇聖帝陛下誕膺寶冊丕錫鴻名天地中休邦家胥慶俛伏興又
再拜侍中承至尊壽皇聖帝旨退西向宣答曰皇帝受欽備至典禮肇新
勉受尊名深慙溢美皇帝又再拜退詣西向褥位太傅以下橫行北向立
再拜太傅稍前俛伏跪奏文武百僚攝太傅右丞相臣留正等稽首言伏
惟至尊壽皇聖帝陛下光臨華殿誕受尊名慶浹三宮歡騰萬國俛伏興
太傅復位在位官皆再拜舞蹈又再拜訖侍中詣至尊壽皇聖帝御座前
承旨退詣折檻前西向宣有制太傅以下再拜宣曰寶冊前陳簪紳並集
勉膺丕錫式副群情宣訖退詣折檻東西立太傅以下皆再拜舞蹈又再
拜訖侍中奏禮畢至尊壽皇聖帝降座宮架作乾安之樂還宮內侍捧壽
聖皇太后至尊壽皇聖帝壽成皇后冊寶入宮皇帝詣宮中行奉上册聖
皇太后壽成皇后冊寶之禮其日先設壽聖皇太后座于慈福殿設壽成

皇后座於重華宮本殿皆南向各設皇帝禋位如重華宮前殿之儀殿上行祀畢舉冊寶內侍舉壽聖皇太后冊寶興舉冊寶安內侍舉案先詣慈福宮壽聖皇太后座前禋位西向置定都大主管官前導冊寶進行宮架作正安之樂皇帝後從舉冊寶內侍置冊寶於案樂止皇帝詣壽聖皇太后座前北向禋位內侍引司言司言引尚宮尚宮引壽聖皇太后出閣宮架作聖安之樂陞座樂止尚宮奏請皇帝再拜躬身奏萬福又再拜訖退詣西向禋位立舉冊內侍舉冊興宮架作聖安之樂舉冊案內侍舉冊案置於壽聖皇太后座前禋位北向置定內侍進冊於案樂止舉冊內侍跪舉冊讀冊內侍跪讀冊冊文曰皇帝臣某謹稽首再拜言臣聞金坤元之德然後可以正天下之母儀備皇極之福然後可以享天下之至養監觀三五以至于今厚德難全福亦罕備若任似享年之見永見子孫非世以相傳慶洽三宮歡均率土我家誠事曠古未聞然則因鴻名登寶冊不一書而垂光于無窮者其可後哉恭惟皇太后殿下含法育物博厚承天樂得賢才贊起中興之治躬行節儉助成王化之基正位中宮二十餘載明明我祖將倦于勤丕丕慶基遂禪于內皆夙夜相成之道為邦家萬世之計方避成功於十亂從燕游於大庭毓德于冲虛順神于澹泊如川方至

景福聯臻如月之常陰功愈盛共為子職至尊日侍於慈顏衍及孫友菲
何嗣登於大寶襲宮闈之重慶會海宇之丕平百穀順成三靈協序大造
固難于摹寫元功必擬於形容惟壽居福先洪範首陳於箕子而聖為道
備思齊寔啓於文王蓋壽三上於徽稱今復一新於大典正東朝之顯跡
因聖父以推尊上合天心下符人望臣不勝大願謹奉玉冊金寶上尊神
曰壽聖皇太后伏惟殿下後天雖老應地無疆業業親庭長致重華之孝
孜孜王業永綏燕翼之謀垂裕後昆卜年千億臣某誠歡誠抃稽首再拜
謹言讀訖舉冊內侍官奠冊并冊案退各復位次舉寶並如上儀齊以壽
聖皇太后齊為文皇帝復詣北向稱位立尚宮奏請拜皇帝再拜俛伏跪
奏皇帝臣某稽首言伏惟壽聖皇太后殿下慶集重闈祥開萬壽欽崇顯
赫良切惟睵俛伏興又再拜內侍承壽聖皇太后旨退西向答曰皇帝肇
講祫容勉膺崇顯具孚誠意徒有愧懷皇帝又再拜退詣西向稱位立內
侍奏禮畢壽聖皇太后降座宮架作坤安之樂入閣樂止皇帝次詣重華
宮壽成皇后行殿奉上冊寶之禮有司舉讀冊寶冊文曰皇帝臣某謹稽
首再拜言臣聞人倫之懿莫若文王王季維父肇啟丕慶大任維母克濟休
德皇矣之所誦數亦既美矣必若思齊推本厥始然後為至也惟我至尊

壽皇聖帝春秋鼎盛功業方茂未倦于勤海內靖謐群生老遂饗于佚樂
乃萬志慕親決策與子孝安宗祐仁覆區寓則亦惟我聖母保佑冲人迄
底于成盡慈親之愛翊輔至尊爰定大計贊嚴君之斷肆茲寡昧纂紹熙
洽德嫔文王而邦家之祉有光於周於皇休哉竊伏思念惟末小子極天
下之養伸人子之心以對上帝以刑四海曾是節溫清備甘旨以為足哉
抑亦衷神人之驪酌古今之制教張景鏐崇揭顯輝庶幾倦倦懇懇之萬
一焉惟乾弗言所利而大哉之元物資以始惟坤以順承天而至哉之元
物資以生作易者皆不得以嘿隱顧惟我家無疆之休既講緝儀舉鉅典
于重華之前殿矣洪惟聖母體順而方直積厚以光大淑善之性得之生
稟而謹儀節以自度徽嘉之行足為世法而觀圖史以自鑒用能惠于上
下肅于內外化流郡國澤被民物若古摯氏為宋壽母頌其純嘏則如月
之弦方進于望贊其備德則如地之載不遺夫物其於彰鴻名侈休稱以
多祐以全具美者詎可獨後臣不勝大願謹奉玉冊金寶上尊號曰壽成
皇后伏惟允答群志誕受丕冊儼尊位于太極紹令聞于德福雖膺二南
之詩不足于歌詠而續長樂之注莫勝於紀述也臣曠誠歡誠抃稽首再
拜謹言寶以壽成皇后之寶為文皇帝致詞稱賀臣曠稽首言伏惟一壽

成皇后崩下葬崇禎禮樂奉朝壽社稷增歡情莫俞內侍承旨宣答
成皇后教旨皇帝親臨成婦儀來崇新拜受欽備至愧喜良深皆如慈福宮
禮皇帝退易靴袍至重華殿東階下閣門官禮部郎中奏解嚴內侍官轉
進宰執率文武百僚詣重華宮殿下稱西拜殿賀壽聖皇太后又移班拜
殿賀壽成皇后如儀訖退儀仗鼓吹儀衛以次退應從駕臣僚俟從駕還
內四日為恭上尊號冊寶禮畢文武百僚詣文德殿拜表稱賀二月
五日詔奉上尊號冊寶禮畢主管諸司所差一行官吏依淳熙十二年例
等第推恩內都大主管官楊皓乞不推恩承父鄭拜義特與階官上轉行
兩官諸司劉用之特與階官上轉行一官餘一官特與帶行遙刺張彥臣
李唐卿特與見令官上轉行兩官贊引使臣齊開訖令轉一官特與依王
彥明例帶行遙郡刺史其餘礙止法人依條回授內白身人候有名目特
作一官資收使皇帝朝 淳熙十六年二月三日禮部御史臺閣門太
常寺言依禮例皇帝合率文武百僚詣重華宮朝見條具儀注前期有司
設大次於重華宮門內小次于殿東廊西向其日俟皇帝出即御座從駕
臣僚起居班次並如閣門儀皇帝降御座乘輦將至重華宮御史臺閣門
報引文武百僚詣宮門外迎駕起居訖如值雨或霪濕權免起居入赴玉

華殿下分東西相向立前導官太常卿閤門官太常博士禮直官先入詣大次前分左右立定俟皇帝詣重華宮大次降輦入次前導官導皇帝入小次簾降御史臺閤門太常寺引文武百僚北向立定俟出宮行門禁衛等迎駕四拜起居管軍知閤門官御帶環衛官當祇應宣贊舍人以下并前導官並駕駕四拜起居訖各歸侍立祇應位俟陞御座小次簾捲前導官導皇帝陞殿東階詣殿上折檻褥位北向奏請拜皇帝再拜訖前導官導皇帝稍前躬奏聖躬萬福訖導皇帝復歸褥位立又奏請拜皇帝再拜訖導皇帝詣御座之東褥位西向立前導官於殿上隨地之宜少立殿下揖文武百僚躬典儀曰再拜贊者承傳曰再拜文武百僚皆再拜訖且躬身班首不離位奏聖躬萬福訖典儀曰再拜贊者承傳曰再拜文武百僚皆再拜訖直身立俟降御座皇帝從入捲班出前導官以次退從駕官歸幕次以俟從駕還內其不係從駕官各赴逐幕次迎駕奏萬福以俟皇帝還內如來儀從之 四月皇帝詣重華宮起居是年二月十七日二十一日三月十八日四月十日閏五月二十七日六月十八日七月十三日十月二十四日十一月十二日十二月十七日紹熙元年正月十日十四日二月十一日三月十六日五月十七日六月二十六日七月二十四日八

附奉祖宗
徽號
滿清高宗

月十一日二十三日二年正月十四日二月二十一日三月二十六日八
月二十三日三年正月九日四月十七日四年三月九日十二月五日同
六日皇帝帥文武百僚詣重華宮奉表踐恭請上尊號七月十日並如
之十三日詔恭承至尊壽皇聖帝聖旨今後車駕詣重華宮起居如遇忌
辰并忌前一日並免到宮 三月十八日詔已降指揮遇一五車駕詣重
華宮起居恭承至尊壽皇聖帝聖旨可依紹興三十二年例每月用旦望
初八日二十二日今後準此 十二月二十三日皇帝詣重華宮奉表恭
請至尊壽皇聖帝聽樂受冊 紹熙元年正月一日皇帝帥文武百僚詣
重華宮行恭上尊號冊寶稱賀禮 三月六日壽成皇后生辰車駕詣重
華宮上壽二年如之八月十七日車駕詣重華宮恭進至尊壽皇聖帝玉
牒日歷 十月十二日車駕重華宮起居進香二年三年亦如之 二十
二日會慶聖節皇帝帥文武百僚詣重華宮上壽二年如之十一月十七
日冬至皇帝帥文武百僚詣重華宮行朝賀禮 三年十二月五日皇帝
詣重華宮恭進至尊壽皇聖帝玉牒聖政會要 四年十一月二十日皇
帝詣慈福宮行奉上尊號冊寶稱賀禮 奉上祖宗徽號 淳熙十四年
十一月三日礼部太常寺言檢會祖宗故事帝后謚號其間一字相連今

奉大行太上皇帝將欲議謚所有徽^宗皇后謚號合依典故改謚以從欲令
禮部太常寺討論條具以聞奉旨恭依令計討論乞於十一月八日尚書
省集議大行太上皇帝謚號曰一就集議既而吏部尚書蕭燧等集議易
懿節皇后謚曰憲節皇后詔恭依議曰祿衣久闕驚駭踰隙之易移慈宸上
宿愴龍髯之忽墜禮無專謚義盡正名恭惟懿節皇后沙麓紀祥河洲協
德天作之合既輔佐於潛闈王假有家用儀刑於內壺翟車從狩駉駉旋
歸方深故飲之求遽起逝川之嘆儼椒塗而正位嚴窀穸以追尊屬升祔
之有期豈易名之敢後行為可則蓋全四善之儀禮以自防繼迪二南之
化肆褒大美式訂徽稱謹按謚法有善可紀曰憲能固所守曰節允言既
同敢詔億世冊文參知政事黃洽撰參知政事留守書寶文參知政事蕭
燧篆謚議中書舍人兼直學士院李燾撰十五年三月四日中書舍人
兼學士院兼修國史李燾奏差臣撰謚議曰臣聞大道之大惟厚載克
承故足以妙萬殊之元皇德之尊惟內治克順故足以恢百世之則慈觀
風化之木風著壺闈之規實茂攸存雖榮不朽亦行論謚既啟於光朝祔
室定名蓋從於貽考蓋我家之鉅典列聖之舊章不可損已恭惟大行太
上皇帝紹開中興身濟大業仁涵義老文輯武熙欽明同堯父之劬嘉靖

邁商宗之列儀刑四海詒燕億年懿節皇后視天有初適日惟信登嬪王
卽淑嫔聞乎河州繼正后儀眾雖愴駭厥既勒丕文而節惠修別祭以
寧神歷歲臻茲流聲邇邁先帝奄遺尊養痛切墮弓爰及柔靈俯登肅廟
粵稽掌故之載參訂易名之辭仗體協而事該義隨而理順於以極顯揚
之制宣雍睦之風芳罔微音憲法斯在迺有佩環之度歲史之儆正其容
也蘋蘩之潔禕褕之飾嚴其礼也漸濯之儉琴瑟之友風夜是戒夙勤是
思厲其行也集是衆善揭之令名易輟為憲以從先帝之盛美不亦允乎
況夫契闊之間險阻之際凜焉虞之以正其在謚典能國所守曰節今乃
舊謚冠之以憲其孰曰不宜請改上懿節皇后尊號曰憲節皇后 四月
九日命丞相王淮攝太傅奉上册寶于廟室冊文曰孝子嗣皇帝臣慎
伏以天地同於生育而地辟乎下以承天為順日月同於照臨而月生於
西以邇日為明載稽定位之初爰及垂象之大惟后配帝猶陰儼陽以類
相從厥則不遠肆謚者行之跡而名者寔之實行者乎寔者雖一定而莫
增謚存乎名者或因時而有改此礼經所謂稱也在許代莫不由定恭惟
懿節皇后姜子嬭芳蔣茅襲虔儉約處已柔明宅心風述有齊風知祀事
之奉惟歌思嬀方抱婦順之昭遭世和平同國福祉願思念憂勤之已至

諒消息盈虛之有時天寔為之事其適通屬重輝於大德旋正位于長秋儀物一新霜露變何仙逝之寢邈而駒隙之莫追雖美艸書行於紹興而時祀已祔于別室是皆權制未正異章比者慈皇上賓礼官褒議謂孝為德至自漢唐蓋已相沿而德乃世修在典謨唯取其盛今則即南郊而祇請紹萬世以信傳奕廟載成清祏斯設悼今追昔酌事從宜薰蕕而言乃不專壹惠之義取憲而易抑以示正名之常式播徽音益刑內治謹遣攝太傅特進左丞相兼提舉編修玉牒監修國史日昃提舉勅令所魯國公食邑一萬五千戶食寔封五千七百戶王淮奉冊寶改上尊諡曰憲節皇后伏願英靈對越於縉纁來思神寧而惟心孚礼行而慈服見依歸有所保惠無疆嗚呼哀哉謹言 紹熙二年八月十四日詔高宗皇帝依典故合加上諡弗令礼部太常寺討論聞奏十九日詔曰門下朕恭惟高宗皇帝受命中興功德隆盛垂精三紀百度畢修仁天智神法堯授舜詒聖謀於宏遠稽神器於鞏安宜極顯揚傳之後世迺繇初諡累年于茲鴻徽之號未獲加上朕承壽皇付托之重夙夜兢兢無以彰祖廟之美備追崇之典歷觀古昔有大德者必得其名鋪張闡緝久而益著矧茲懿鑠登闕炳耀冠乎百王是敢昭衍形容勒茲寶冊祇荐于廟俾增億載之光符四

海之願以仲朕尊奉休烈之志高宗皇帝謚號見今六字宜加上十字為十六字如祖宗故事令宰執侍從兩省臺諫禮官集議仍令禮官詳具典禮以聞已而特進左丞相留正知樞密院事葛郊參知政事並同知樞密院事胡晉臣戶部尚書兼給事中葉裔權禮部尚書李燾吏部侍郎羅點陳駿中書舍人倪思權戶部侍郎丘崇權刑部侍郎馬大同秘書監兼權兵部耿秉太常少卿張叔椿起居郎兼權中書舍人莫叔光起居舍人黃裳侍御史林大中左司諫謝源明右正言胡瑒監察御史郭德麟何異太常丞汪遠宗正丞兼權禮部郎官陳士楚太常博士章穎主簿黃瀚赴尚書省集議加上高宗聖神武文憲孝皇帝徽號曰高宗受命中書全功至德聖神武文昭仁憲孝皇帝詔恭依 九月十六日禮部太常寺言今來加上高宗皇帝徽號依國朝禮例於郊祀大禮前三日發冊寶及奉上行禮于發冊寶前一日宿齋今欲乞於十一月二十三日皇帝宿齋于文德殿宰執宿衛于皇城司其餘行事官于麗正門外待漏院百官宿齋於本司二十四日皇帝服通天冠絳紗袍御大慶殿奉冊寶拜訖次授奉冊寶冊使詣太廟本室奉上行礼從之 二十一日詔左丞相留正撰冊文知樞密院事葛郊書冊文參知政事兼同知樞密院事胡晉臣篆寶 二十

七日禮部太常寺言高宗皇帝徽號寶欲以高宗受命中興全功至德聖
聖神武文昭仁憲孝皇帝之寶為大從之 同日禮部太常寺言今來集
議高宗皇帝徽號訖候撰到議文依禮例奉冊寶使率行事官并文武百
僚詣高宗皇帝本室奏請并奏告諸室合差讀奏請徽號議文官一員詔
差起居郎葉叔光 同日禮部太常寺言奉上高宗皇帝徽號行禮合差
都大主管官一員詔差中侍大夫奉國軍承宣使八內侍有副都知鄧
從訓乃以都大主管所為名 十月二日太常寺言加上高宗皇帝徽號
依禮例發冊寶及陪位官並服朝服奉上冊寶行禮官服祭服陪位官服
朝服從之 同日禮部太常寺言依禮例奉冊寶使持節奉冊寶詣太廟
行禮合用節乞下文思院製造從之 五月宰臣留正等請加上高宗聖
武文憲孝皇帝徽號曰高宗受命中興全功至德聖神武文昭仁憲孝皇
帝議文曰臣聞上聖之道不一端而盡盛美之名不一言而足大哉上聖
之道乎萃乎山嶽無以比其高浩乎江河無以比其博參天地並日月恢
廓炳耀有不可得而擬象者仁者見之謂之仁智者見之謂之智蓋即其
著形於事為之際而因以指名之至於道備美全周決妙用精微廣大無
往而不該要豈一端之所能拘哉惟其不可以一端拘而必求夫鋪張揚

厲之義則尊名而為謚表功以為辨勳徽顯之典飾追崇之禮奮景炎播
芳烈詔萬世垂不朽安得不包舉衍輝極其備至故闡端於前以昭其形
容之體述成於後以致其褒讚之詳使光明雋偉愈久而愈著愈增而愈
隆皇乎卓哉誠帝王之巨麗古今之至公也恭惟高宗皇帝躬睿哲之資
履艱難之運奮聰明英挺之畧廓溥博淵泉之度總萬善之元冠羣倫之
至聲張定茂遠跨乎五三載之所傳粵自光撫丕圖系統接緒植體起什
者定混寓顧豈無所本而然者天啓之既人贊之謀承父兄付屬之指順
遇遐就望之心珍符寶應斷昇殊祥大德神墟參啟休運於是乘時而龍
躍覽輝而鳳翥旋頭所指偕叛珍平小大內外靡不尊崇而愛戴焉昔者
帝堯膺皇天之眷命乃能奄有四海為天下君而皇祖之興所以獲天命
之瑞者視堯有光焉繇是而循靖黎庶建設都邑荆榛偃而弗用潢池肅
警春熙海涵義電仁洽斯足以見萬邦協和之風矣飭身修行虔恭寅畏
蚤夜汲汲莫或怠遑使三光全陰陽調玉燭溫明水旱不害昆蟲草木闡
暉蕃茂斯足以知欽厯象謹人時之驗矣至若立極以示人固性以率下
表之以道德陶之以礼義寬平舒愉生育長養垂髮戴白安土樂業非化
民之慈敷淵謀長策洞契事機駕馭豪勇收還兵柄謹重名器總攬政權

銷患制治表裡清謚非先務之智歟歷觀興君未有明謨睿斷殊尤卓絕
若是其偉者也方且謙溫欽翼持守平泰業盛而不伐德尊而不驕覽損
益之戒而却紛華之務探易簡之理而成清淨之化順物自然無容心焉
非其蕩蕩難名至大而不可及歟故乃度越於百王光榮於六藝廣熙明
而垂奕葉執粹精而鑒太清事事物物條舉綏振寬猛之政和變通之利
盡動靜閑闢包涵摠括無一而不協於理發輝施令大信也制礼作樂威
節也省刑約法廣恩也蒐賢網能至術也班治顯設培植輔翊之具甄灼
彪炳兼施並用同上下於一致混華夷於一家聲流而愈宏威懾而彌遠
象譯通於窮荒烽燧滅於遐徼財賦溢於府庫而斂不加於民戶口殖於
宇縣而人不置於用介冑無暴露之苦而邊圉之備修冠帶有作成之幸
而學校之規立躬臨儒館以崇其業日開講幄以尊其聞芝車耕籍而農
功勸其勤革輅勞軍而士氣增其勇毀玩好之珍而本務無所蠹禁金翠
之飾而儉德無所虧以至郊立立而誠感於三神明堂開而孝刑於萬國
太寢縣百世之祀原廟飭四時之獻而又舉東朝之故寔奉慈闈之歡顏
溫清定省以盡其誠甘珍芳旨以備其養固足以厚人倫廣孝愛通神明
厲風俗垂軌範而詔方來若典籍而被金石凡所施設見於三十六載之

聞累積厚久前代鮮儼焉及乎德既隆矣功既成矣乃懷倦勤之意審受
守之公黃屋非心脫屣高蹈親舉神器屬之明聖天順人協日光物覩宏
纂於億載今歲事於千古受壽尊榮對華祉儲休錫美施及無疆洋洋
乎茂烈其時能擬之哉夫上承乾頤紹有大寶是受命也應期數難再造
帝室是中興也天覆宏溥四表咸賴是全功也廣運克遼超軼古初是至
德也幾沈於先謀詒於後昭之謂也澤在於民利及於遠仁之謂也合聖
神文武憲孝之辨而中衍鴻徽顯揚該備稽之僉言參之令典質之天地
薦之宗廟名賓於寔議盡於心群工列辟孰不欣然而和翕然而丕應乎
請上徽號曰高宗受命中興全功至德聖神武文昭仁憲孝皇帝詔恭依
議文礼部尚書兼直學士院李燾撰 二十八日太常寺言將來奉上高
宗皇帝徽號合用儀仗導引排立昨紹興十二年徽宗皇帝加上徽號冊
寶儀仗尚未足備不曾排設今欲參照淳熙十五年迎奉聖神武文憲孝
皇帝虞主還德壽宮并神主祔廟排設細仗五百人導引奉從之 二十
九日詔左丞相留正為奉冊寶太傅知樞密院葛郊為奉寶讀寶侍中參
知政事兼同知樞密院事胡晉臣為奉冊讀冊中書令戶部尚書葉翥礼
部尚書李燾舉吏部侍郎羅點陳駉舉寶戶部侍郎丘崇進接大圭刑部

侍郎馬大同奏中嚴外辦中書舍人倪御前奏中嚴外辦起居郎莫叔光
禮儀使前導皇帝行禮起居舍人黃裳奏解嚴侍御史林大中御前奏解
嚴太常少卿張叔椿贊引奉冊寶使并奉上行禮太常寺主簿黃灝贊引
前導禮儀司左司諫謝源明充押藥太常卿右正言胡瑒充光祿卿監察
御史郭德麟充奉禮郎太常丞汪達充協律郎監察御史何異充太祝太
常博士章頴充大官令 同日詔閣門官差保康軍承宣使知閣門事兼
客省四方館事兼樞密副都承旨吳懷左武大夫福州觀察使知閣門事
兼客省四方館事兼熙寧前導皇帝行禮武功大夫和州防禦使權知閣
門事兼客省四方館事韓侂胄進中嚴外辦武德郎權知閣門事兼客省
四方館事劉致進解嚴 十一月二十四日皇帝御文德殿命宰臣留正
上高宗皇帝徽號冊寶于太廟冊文曰孝孫嗣皇帝臣謹稽首再拜言臣
聞一氣肇判蓋高者天也天為郡文之祖故極其形容者以氣而言謂之
昊以仁而言謂之昊至于正色則蒼蒼而不知其極惟天為大則之者堯
也堯為五帝之盛故極其推尊者言其德曰聰明曰欽明仁曰如天智曰
如神及其成功則蕩蕩而民無能名噫使天可知其極則獲物也淺矣堯
可得而名於光宅天下也幾希此天之所以為天堯之所以為堯也奮乎

百世之上百世之下與天同功于堯有光者惟我皇祖俯仰其無所愧乎
恭惟高祖聖神武文憲孝皇帝勇智錫於天剛健新其德四七際以應運
二百載而中天往者艱難之初貽我信順之功識紀靖康之難神開顯慶
之祥一馬渡江江漢於焉底定六龍轉海海波晏然不驚故能上當天心
再造區夏修車備器如宣王之復會東都息馬投戈如光武之系隆我漢
講求自治之策遂同一視之仁外之罷教坊內之省嬪御委明珠於巨壑
焚翠飾於通衢反馴象於安南却羨金於川決威德之事亘古罕聞太平
之期及身親見於是藩飾治具修明政經款園丘嚴宗祀興太學求遺書
耕籍田正經界凡稽古礼文之事與因時損益之宜煥然為之一新卓乎
不可及矣既安已治其倦于勤願黃屋以非心恭重華之協帝行堯之
道薦舜于天觀謳歌猗公之歸享壽富康寧之福功成不處道大難名彼
論創守之難者不知中興王業之尤難稱揖遜之盛者不知為天下得人
之為盛今將形容功德之大者祇益繪畫天地之愧云臣夙荷詔謀觀承
慈訓文王之社施孫子宜惟家法之相傳孝宣之功光祖宗率自臣工之
歸美揚厲無前之跡對越在天之靈乃因卜郊恭上徽冊謹遣特進左丞
相兼提舉編修玉牒監修國史日歷提舉編類聖政清源郡開國公食邑

七千五百戶食寔封二千四百戶留正奉玉冊玉寶加上徽號曰高宗受
命中興全功至德聖神武文昭仁憲孝皇帝仰惟明明我祖永永萬年配
天其休與宋無極謹言 十二月二日奉上高宗皇帝徽號冊寶禮畢率
執率文武百僚詣大德殿重華宮拜表稱賀 三年正月二十八日詔加
上高宗皇帝徽號冊寶禮畢依紹興十二年奉上徽宗皇帝徽號體例推
恩第一等轉一官第二等減三年磨勘第三等減二年磨勘第四等犒設
一次內都大主管鄧從訓主管諸司李唐卿毛居寔承受王德謙於見今
官上轉行進郎依舊寄資 五年六月十二日禮部太常寺言大行至尊
壽皇聖帝尊謚及廟號乞令有司依典禮集議請于南郊詔恭依 十八
日三省言檢會祖宗故事帝后謚號其間一字相連昨淳熙十四年大行
太上皇帝初上高宗皇帝謚號懿節皇后即從憲字今奉大行至尊壽皇
聖帝將欲議謚所有安穆皇后安恭皇后謚號合依典故改謚欲令禮部
太常寺討論條具以聞詔恭依 紹熙五年十月十一日禮部太常寺言
已降指揮安穆皇后安恭皇后改謚冊寶若俟將來大行至尊壽皇聖帝
神主祔廟畢行奉主上之禮祔日合迎奉安穆皇后安恭皇后神主同時升
祔廟室乞於奉主大行至尊壽皇聖帝謚冊寶前命太傅奉安穆皇后安

恭皇后改謚冊寶先告太廟及告于大行至尊壽皇聖帝靈座至奉上大
行至尊壽皇聖帝謚冊寶日先奉大行至尊壽皇聖帝謚冊寶于重華殿
行奉上禮畢次奉安穆皇后安恭皇后改謚冊寶于本室行礼從之 十
八日恭書樞密院事京鎰上孝宗哲文神武成孝皇帝謚議議曰臣聞帝
王之出治暨功茂烈生則著見於天下而其流傳於後世者則待節惠之
名要皆取其盛者而傳之文王一怒而天下非無武也武王告武成而作
洪範非無文也取其盛者傳之則備道全美可以一言定也甚哉存之大
也虞舜之大武王之達自漢歷唐無不謚帝為孝本朝累聖相承皆用舊
典若夫集孝道之大成則未有如大行之盛者也恭惟大行至尊壽皇聖
帝純懿祖之武重光堯之華以天縱之能日新之德臨御天下二十有八
載巍巍煌煌不可備述若形容天地繪畫日月則不容無辭方在初潛龍
德尚隱學聚問辨師教不煩日就月將君德昭著度羣勞謙共為子職日
趨朝謁威儀雖肅雖莫窺其涯溪而中外屬心天人協應光堯內祥高視
唐虞嗣位以來勵精庶政召收故老尊禮元臣臨朝若神待物如春崇節
儉以革奢汰之風振紀綱以起偷墮之習事無小而不紊人無微而不記
機務雖繁酬酢無壅立法定制動為後則以科舉為未盡則立待補之法

以蒐遺才以武舉為末域則優入仕之級以收智勇年勞並用以裁濫賞而不致於累遷銓闈加嚴以抑任子而又為之限節改秩必使之作邑謂舉以親民而使之治民御史必取之賢宰謂受人之榮而後可以察人以周行速化必使試郡而後為郎以延閣清華必俟有功而後除職監司守將必延見而臨遣癯老昏繆之人不符而隱藏姦賊之吏必窮治而斥逐清介廉潔之士則從而拔用朝士闕官乃除遂無待次之淹要郡留闕選才遂無輕授之冗黜職吏之世賞進軍功於流內長慮卻顧守之至堅故雖日不暇給而四方靡然向化矣于時疆場未寧戎車方駕激厲將士嚴備邊陲張皇六師明見萬里中原起來蘇之望殊鄰多歸附之民撫而有之還以為用天威慨振戎虜畏警雖犁庭掃閭未快初志而信使復通減幣殺禮至今無烟火之警苟非雄斷遠畧何以臻此臨政既久治道愈明物來能名事至輒斷精神之運上察下端於天地之間智慮所關六通四闢於帝王之德行公道以銷党偏之蔽推平心而絕喜怒之私間有水旱之災應天以寔而礼文尤備州縣之奏恐其不速蠲復之數恐其不多傾因倒廩以濟其急賞勤罰墮以勵其餘民不知其有災歲亦隨以登孰幸太學幸祕省廷策貢士布文教以振士風御鞍馬親弓矢中軍法立武事

以張國威內外小大之臣無不烈之屏以待黜陟山川險要之地無不指
諸掌以立防閑治具畢張化風已成方且玩意希夷而無道之過游心寂
寞而無佞佛之迹作敬天之圖兢惧愈深闕延和之殿諏訪愈切躬講請
之勤設遺補之官其於保治有始有卒至於脫屣萬乘燕居重華授受之
際尤為雍容嗚呼身退而道弥高尊極而用弥儉是宜萬有千歲永處德
康而厭代登遐歸于帝鄉此群臣萬姓所以攀跚擗踊泣盡而繼之以血
也逮日有期恭定尊謚請之南郊以詔萬世謹按謚法曰能官賢才曰哲
帝德廣運曰大應實無方曰神保大定功曰武持盈守滿曰成慈惠愛親
曰孝述夫知人而善任使文武各有其用非所謂能官賢才乎修德以來
遠人天文以洽四國非所謂帝德廣運乎酬酢以周萬机圖回以盡衆智
非應變無方乎妙器畧而不用極聰明而不殺非保大定功乎守基圖之
廣大延國祚於綿遠非持盈守滿乎若夫孝道之盛非惟臣子所不能稱
贊雖考之謚法求之六家語其甚盛者慈惠愛親而已是則未足以彰大
行之孝也報本反始而奉郊禋尊祖敬宗而事廟饗惟高宗為天下而得
人太后盡母道以愛子而大行天賦至性不可解於心備四海九州之養
謹五日一朝之儀委曲周盡猶恐不及兩宮九閔終無間言固已風動四

方震服夷虜高宗屬疾則衣不解帶躬自嘗藥及棄天下則勺水不入于口倚廬有過於哀卻漢文之短喪陋晉武之無斷身服苴麻禮盡苦塊行有匹夫之所難哭則哀動於左右虜使來弔止許朝于喪次顏色之戚哭泣之哀虜使退而嘆曰皇帝聖孝乃如此或進諭解之言則流涕被面曰大恩難報群臣感泣莫敢仰視易月之制既終因山之役既畢孺慕無已追遠弗勝遂舉大寶以昇聖子不曰倦勤不曰求遠惟曰不得日奉先帝之几筵躬行聖母之定省又曰俾予一人獲遂事親之心永膺天下之養於是御素服於乘輿尊几筵於內殿退處聖室以終三年之喪哀疚不忘齋潔自若欽事慈福溫清無違嗚呼茲豈非集孝道之大成又豈慈惠愛親之能盡也大行至尊壽皇聖帝宜天錫之曰哲文神武成孝皇帝廟號孝宗二十三日給事中兼直學士院兼寔錄院同修撰樓鑄上成穆皇后成恭皇后議議曰臣聞帝王之興皆有天命夫婦大倫尤非偶然曰天作之合曰天立厥配正始之道王化之基於是乎在焉矧汾陽大家多為合族唐室憲宗則有懿安之盛皇朝貞廟則有章穆之賢姓系相承是生聖女虔鍾威閑定婉壽皇生不及褱衣之榮歿而膺寶冊之禮久安別廟將奉太宮宜改尊稱以從帝謚恭惟安穆皇后柔明懿淑慈順溫恭垂

儼王藩克盡婦道設祭孤於門左屢占熊夢之祥帶弓錡於棋前每啓燕
祠之瑞云何不淑遽奄九原迨烈祖之御天眷元妃而追冊欲歌流行傷
不見于令姿正辨長秋遂疏恩於幽室固已嚴庶嘗之奉崇節惠之名綽
慶祚于三朝介洪休於萬世重華厥代方服大喪吉霽因山行當升祔念
今日遺弓之痛既切于神孫愴昔時故劍之求用承於先志爰因安穆之
懿式遵成孝之規謹考謚法婦德均一曰成德化肅雍曰穆安穆皇后竊
窕好逑有闕雉之美用心專一有鴈鵲之德非婦德均一乎孝欽以奉舅
姑和平以儀閨門非德化肅雍乎改上謚號曰成穆皇后臣竊惟至尊壽
皇聖帝臨御之初仰奉高皇首隆孝治正家刑國百度具舉而中闕久虛
陰教斯闕乃奉親命乃諏卜吉考正古制開建長秋安恭皇后淑範懿德
冠于後宮君子好逑遂正乎內坤承乾而時行月邈日以為明禕禴盛服
助成九廟之奉櫛櫨具礼欽承兩宮之養母儀既尊后德有輝而曾未數
歲祔繼椒掖方隆大練之節終符素宗之祥求賢審官未展周南之志感
今懷昔空形宋文之策固已極褒崇之典議安恭之謚祭于別廟迨今二
十有八年矣壽皇上賓萬國起舞弓之慕孝孫盡礼七月庀因山之役有
司奏請定謚南郊二后在天皆應改號以從成孝之名謹考之謚典曰夙

夜警戒曰成謙而好礼曰恭安恭皇后共翼館之職以替親耕之勤謹雖
鳴之戒以勉相成之道禁切外家不忤裏謁茲不曰夙夜警戒乎躬節儉
之德服齋潔之衣卻貢獻之珍麗遵國史之箴規茲不曰謙而好礼乎改
上謚號曰成恭皇后 二十九日命右丞相趙汝愚攝太傅奉上孝宗哲
文神武成孝皇帝謚冊寶于廟室冊文曰孝孫嗣皇帝臣某道之大者擬
議之所不能加尊之極者形容之所不能盡然天地之德非可俄度而總
其大曰生帝王之美非可易言而極其至惟孝誠以萬全之本孝為之先
理無不該治所從出建人文而立極包衆育以用中巍巍煌煌充滿天地
生闡丕憲沒垂閔休振古無倫不可尚已恭惟大行至尊壽皇聖帝以天
縱不世出之資輔高明大有為之志神武甚類於藝祖至仁克叶於高宗
在位二十八年紀綱法度慶賞刑威文物典章源流品式煥乎三辰之明
藹乎韶濩之音截然風霆之震驚沛然雨露之滂沱雖精神之運微妙難
測而出治之迹較然可紀方在冲幼岐嶷徇齊儼如神人已係群望就傳
玉卽睿質日躋沉潜聖經反復舊史發為言訓有老師宿儒之所不及洎
膺付託光御厯服當宁太息風揮日舒菟延峻明昭發猷念勤勞夙夜以
恢康濟久大之圖明厲奮決以起偷墮苟安之習智出庶物不流於滿假

思周萬机固病於費脛規為建置常欲凌厲漢唐而紹休祖宗故推對越之誠首輯敬天之圖允惻怛之之念存頌卿民之詔總章園丘之迭舉而報本之義盡儒館辟雍之親臨而古文之化展重惜名器也雖宮闈之恩澤屢減損而不卹務公賞刑也雖勲戚之抵冒必詰責而無赦貢稱羨餘則卻之法奏祥瑞則刪之復六察之彈糾不止於檢簿書之稽違清三省之煩苛貴在乎明朝廷之體要課儒生以金穀慎空言之無補角進士以弧矢慮戎備之或忘申飭聞人毋預軍政體貌大臣常延使坐嚴更迭之法以練才寔躬臨遣之煩以達壅蔽權任所寄誕謾敗事者必誦誓御之臣請託為姦者必戮孜孜汲汲日不遑暇群奔走率職而庶事秩然舉矣至于躬服儉素研精典學聲色靡曼未嘗留意成湯之弗通也使日休暇閑坐書筵孔子之時習也反安南之象則旅焚之不蓄觀御苑之麥則無逸之先知乾文參乎典謨宸畫麗乎河漢儲宮人侍每迪以剛健安康下降必訓以溫柔旁采崔寔之達權深嘉陸贄之忠蓋言動以為法則身聲以為律度厥惟始初遭虜匪茹赫然震怒戾厲武節念版圖之未歸痛陵寢之弗祀大講岐陽之蒐蒐中有扈之伐而敵蒙木啟雄圖終鬱雖宿恥之猶在願大誼之已明此則有關於後來將續聖志而成之也歷考自昔

粵帝與王雖謹於初鮮不終怠而大行臨御既久日新又日新每深苞桑
之戒居軫朽索之惧尊賢勵德晚而弥篤洋洋風聲軼乎疆外用能太和
熏塞方內底寧肖翹跂行罔不咸遂神明未衰王化方洽迺舉神器以授
聖子揖遜之盛光於有虞方且獨超希夷為衆父父玩其清淨福我邦家
而生民無祿昊天不弔奄棄大麓歟乘白雲率土崩心際天雨泣未予小
子追念烈祖之訓覽在疚罔知攸濟公卿士誼經訂礼以謂因山匪遠
升祔有期當崇徽祔庸詔罔極夫惟懿鑠豈易管窺豈是孝思寔高載籍
承顏之敬縣閔而益共致養之隆極九州而未已和氣愉色根本自然纖
介不形淳萬天至速執喪紀古制是遵漢文弗思而輕變晉武雖行而未
盡仁殫義備始自聖明固已挽百代之澆風示一王之丕式矣夫舜之獨
祔大武王周公之獨祔建豈其他聖賢皆不然蓋即其特盛者而名之也
粵詔諫行稽謀于天鏤之玉簡薦之清廟於以揚厲景烈宣明至公貴斯
幽而無慚亘今古而如在謹遣攝太傅光祿大夫右丞相提舉編修玉牒
提舉實錄院提舉編修國朝會要天水郡開國公食邑六千五百戶食寔
封二戸戶趙汝愚奉玉冊玉寶上尊謚曰哲文神武成孝皇帝廟號孝宗
伏惟威靈在天膺受容典於萬斯年永嘒厥後嗚呼哀哉謹言冊文右丞

相趙汝愚撰知樞密院事兼參知政事陳瓘書實文參知政事余端礼篆

同日命右丞相趙汝愚攝太傅奉上成穆皇后改謚冊寶于廟室冊文
曰孝孫嗣皇帝臣某伏以謚有名有法名以礼飾變而從宜法以義制合
而取重乃更歸祇叶一非敢清告于有神恭惟安穆皇后兆祥汾水和裕
淑均惠問宜敷選聘惟允有煒燁則靡踰中矩左右怡懌用媚于皇姑越
初烈祖在藩服克小大祇業誕顯播孝周迪簡高宗用決大策惟后勵相
厥功多烏虜風夜驚慶尚惟有周姜任較茲勤績式猶弗若矧茂毓明聖
保佑劬瘁睿質周日躋迄紹天總統厥緒以繼遠垂無疆休亦惟我祖后
德烏虜被禕翟儀坤宮母萬方傳子暨孫輯福時億是祿是宜而命不融
咸弗克躬有皇祖盡哀追命錫藻著踐祚始肆聖父在御思報罔極班爵
元舅如母在矧惟冲人曾弗及事其敢曰功德本始代父嚴報于今茲屬
時皇祖將建陵廟郡工以國舊典來詔曰降祔陟配惟先帝后時舉惟嗣
孝孫作冊鳴虜尊欽哉眇質其曷勝惟地承天月受魄自東方罔不從厥所
配后謚繫之帝歷漢至今鮮改其曷敢不法象詠采以中贊于幽靈謹遣
太傅光祿大夫右丞相提舉編修玉牒提舉寶錄院提舉編修國朝會要
天水郡開國公食邑六千五百戶食寔封二千戶趙汝愚奉冊寶上尊謚

曰成穆皇后伏惟敬受景鑠章社行澤幸綏有邦亦俾在後之伺世揚前人光勿替謹言冊大石丞相趙汝愚撰知樞密院事兼參知政事陳瓘書

實大參知政事余竊礼蒙同日命石丞相趙汝愚攝太傅奉上成恭皇后

改謚冊寶于廟室冊文曰孝孫嗣皇帝臣某伏以坤承乎天四德之名匪

異后統于帝壹惠之典當同益廟有從享之文礼無專謚之法詎之經訓

其後順德常之道歟漢光烈之於光武唐文德之於文皇洎我本朝益隆

彞訓昭憲之輝仰叶於安陵三后之稱悉符於章聖所以婉德齊美永嚴

宗祔皇皇乎飾終遠之大瑞不可踰已恭惟安安皇后躬閑和之則備姚

姬之儀早鍾曾沙之祥風契倪天之異粵自初載來相宗藩潛龍天飛

進儼宸極輔翊宵旰濟登休明肅環珮以自持援國史以為鑒煩憫著于

萬章柔順彤乎采荇懷文揆藻嫺沙靚深四教孔昭六宮承式撫綏諸御

均貫魚之寵也檢柅近親防雖龍之汰也無險諛之心志乎賢也有警戒

之道憂乎慢也至若齊明夙夜祇存丞嘗職謹絲采教先種稜保佑聖子

母慈之幸昭供養東朝坤道之弥美仁孝順治曩以明始於宮闈逮于天

下豈惟內助寔基王化雖四妃之翊警二娥之隆媯不足過也苦獻未究

淑命不融彤史徒輝濯衣久闕惟乾道之禩方祖載之辰固已考寔于容

專疏
寧宗皇帝第二
子起

臺獨名於太室矣乃今烈祖祔丕展上儀命于同穹錫謚成考登配之邦
宜繫于尊以成易安厥有前憲謹遣攝太傅光祿大夫右丞相提舉編修
玉牒提舉寔錄院提舉編修國朝會要天水郡開國公食邑六千五百戶
食實封二千戶趙汝愚奉冊寶上尊謚曰成恭皇后伏惟哲靈如在敬受
忱誠於斯萬年永照清祐謹冊文古丞相趙汝愚撰知樞密院事兼參知
政事休休書寶大參知政事余端礼篆

寧宗光宗皇帝第二子母曰慈

懿皇后李氏乾道四年戊子歲十月十八日夜分生于恭王府其曰為瑞
慶節先是三年十二月立春日慈懿皇后嘗夢一大日墜于庭以手奉之
已而有娠反生祥光遶室五年正月賜名擴授右千牛衛大將軍淳熙五
年十月授明州觀察使封英國公十二年三月授安慶軍節度使進封平
陽郡王十六年三月拜少保武寧軍節度使進封嘉王紹熙五年五月孝
宗皇帝違豫上請於光宗躬往省侍日以為常孝宗病日臻上涕泣而出
左右驚問上言與淚俱孝誠篤至見者無不敬嘆六月九日戊戌夜漏未
盡數刻重華宮提舉關礼等四人詣寧執私第告孝宗皇帝大漸厥明左
丞相留正知樞密院趙汝愚參知政事陳騤同知樞密院事余端礼赴後
殿起居傳奏請過宮光宗以疾不出憲聖慈烈皇后御批壽皇已升遐正

等赴重華宮聽宣遺詔舉哀十三日壬寅孝宗皇帝梓宮大斂畢正汝愚
駭端礼赴几筵殿燒香就具劄子奏憲聖慈烈皇后追赴簾前奏今日成服
事中使傳旨問欲如何汝愚欲請簾前奏端礼謂正等自有唐肅宗朝群
臣發哀太極殿故事宜援此附奏乞憲聖慈烈皇后降旨仍請憲聖慈烈
皇后代行奠礼於是慈福宮提點王公昌祚附奏傳奉憲聖慈烈皇后聖
旨皇帝以疾聽就內中成服憲聖慈烈皇后代行奠礼如宮中之儀宰執
率百官就重殿成服正等同奉聖旨具奏光宗得旨依乃率百官成服進
進名奉慰憲聖慈烈皇后成肅皇后光宗皇慈懿皇后初孝宗聖體違豫
光宗以疾間於過宮中外莫知人心疑慮十八日丁未正汝愚駭端礼劄
子奏臣等伏見近日中外人情不安臣等朝夕思所以為鎮壓之計莫先
於重國本竊見皇子嘉王仁孝夙成學問日進宜早正儲位以安人心建
萬世無窮之基臣等不勝惓惓又小貼子臣等今早求對本欲面奏未蒙
宣引謹用繳奏伏乞出自睿斷施行二十四日癸丑奉光宗御批甚好二
十五日甲寅正汝愚駭端礼擬指揮進入欲依已得指揮立皇子嘉王為
皇太子乞御筆批依付學士院降詔施行是晚奉光宗御批歷事歲久念
欲退閑正等繼此屢請奏事光宗以疾不得見七月一日庚申重華宮朝

臨畢丞相留正仆地傷足三日壬戌正出國門四日癸亥張宗尹開禮等
傳奉憲聖慈烈皇后聖旨來早於梓宮前垂簾引執政是日上謁告不赴
朝臨汝憑移簡宮僚彭龜年問王躬無他來日禋祭重事王不可不出五
日甲子百官以禋祭畢集于重華宮汝憑驂端禮詣梓宮前焚香畢中使
宣引詣憲聖慈烈皇后簾前起居同奏事恭奉憲聖慈烈皇后聖旨皇帝
以疾至今未能執喪御筆自欲退闕皇子嘉王可即皇帝位尊皇帝為太
上皇后皇后為太上皇后亦恭奉光宗皇帝詔曰朕承烈世之洪圖受壽
皇之內禪撫有四海于今六年夫何菲涼屢愆和豫遽罹禍變弥極哀摧
喪紀自行於宮中而禮文難示於天下矧國事之重久已倦勤荷祖后
之慈曲加矜體皇子嘉王仁孝之德中外所推居有小心未嘗違禮嗣膺
大寶茲謂得人朕退安燕順遂釋重負何止徇宅憂之志抑將綿傳祚之
休皇子嘉王可即皇帝位朕移御泰安宮播告遠邇咸使聞知尚賴忠良
共思翼贊故茲詔示想宜知悉憲聖慈烈皇后聖旨令上入重華殿後汝
憑驂端禮於几筵殿傳宣開禮張宗尹扶掖上入簾憲聖慈烈皇后面諭
再三上俯伏涕泣懇辭不已開禮張宗尹共掖上至殿廡素幄傳憲聖慈烈皇后
聖旨令汝憑驂端禮更切勸請汝憑驂端禮具以宗社大計奏請上避避愈堅汝憑驂

施尊名于以迓萬年之福有至德而廣要道于以致四海之刑諒聞播告
之修共協榮懷之慶

接前

慶元元年十月七日禮部太常寺言奉詔朕自承大統稽之典禮壽聖隆
慈備福太皇太后壽成皇太后太上皇帝太上皇后合上尊號令前期集
議以聞乞用此月十三日宰執侍從臺諫兩省官於尚書省集議從之於
是右丞相余端禮等言恭依集議加上壽聖隆慈備福太皇太后尊號曰
壽聖隆慈備福光佑太皇太后壽成皇太后尊號曰壽成惠慈皇太后太
上皇帝尊號曰聖安壽仁太上皇帝太上皇后尊號曰壽仁太上皇后詔
令學士院用十一月十七日降詔十一月五日宰臣余端禮奏太上皇帝
尊號聖安壽仁四字上曰書有安字乃堯之德又有安康之意此已盡善
無毫髮可疑矣上又曰昨日聞太上不肯入暖室以用單羅帳天氣正嚴
凝夜間霜露下時寒氣尤甚朕聞之驚愕寢食不安上憂形于色端禮奏
曰陛下聖孝如此至誠足以感動太上皇為天子父以天下養可謂尊榮
却未能自享此樂只是心氣未寧不知可密遣人安排夾帳得否上曰集
中門戶太上親自扃鑰如何修內司人入得端禮奏曰宮嬪中恐有可用
人聖旨宣諭排得否上曰亦無緣得人去深恐易得感冒醫人又不得診
視只是供藥必不對病朕朝夕憂懼端禮等奏曰願陛下少寬聖慮但此

念常不忘太上心君纔清明即無他矣 二年八月二十六日禮部太常寺言檢準淳熙儀制令節文諸大慶大禮發運監司提點坑冶鑄錢司同諸州長吏奉表賀將來十月三日奉上壽聖隆慈備福光佑太皇太后壽成惠慈皇太后聖安壽仁太上皇帝壽仁太上皇后尊號冊寶禮畢係太慶典禮乞條施行從之 九月十九日詔奉上壽聖隆慈備福光佑太皇太后壽成惠慈皇太后聖安壽仁太上皇帝壽仁太上皇后尊號冊寶太傅石丞相京鏐侍中請寶并奉寶知樞密院事鄭僑中書令奉冊并讀冊參知政事謝深甫侍中承旨宣答及奏禮畢參知政事何澹前導禮儀使并奏禮畢奏書樞密院事葉翥押冊案吏部侍郎四員兵部尚書張叔樸翰林學士傅伯壽權吏部尚書許及之吏部侍郎錢象祖押寶案禮部侍郎四員吏部侍郎楊輔石誅議大夫劉德秀中書舍人謝原明國子司業兼中書舍人高文虎奏中嚴外辦禮部侍郎二員權戶部侍郎張抑起居郎兼權刑部侍郎張孝伯殿中監起居舍人胡紘前導冊寶太常卿祕書監胡瑒舉冊官八月太常卿沈訢司農少卿兼中書門下省檢正諸房公事陳祀殿中侍御史姚愈大理少卿周璘張濤監祭御史張伯瑛呂集左司郎官鄭公翥舉寶官八月右司員外郎衛湜樞密院檢詳諸房大字張

青鎮尚左郎官張奎考功郎中黃唐右曹郎中趙彥祐金部郎中趙師炳
倉部郎中王齊與度支部官趙彥勳押樂太常卿刑部員外郎朱朝泰解

嚴禮部郎中二員刑部員外郎陳研戶部員外郎楊文昂太常博士三員
工部員外郎馬贊著作郎兼禮部郎官顏棫宗正丞兼侍左郎官劉誠之

協律郎太常丞張震大慶殿并壽康宮前導皇帝行禮知閤門事謝淵吳
瑛進中嚴權知閤門事樞密副都承旨戴鼎進外辦權知閤門事燕令

雍進解嚴及壽康宮進外辦權知閤門事趙嗣祖進解嚴權知閤門事韓
旼曾十月三日奉上壽聖隆慈備福无佑太皇太后壽成忠慈皇太后

聖安壽仁太上皇帝壽仁太上皇后尊號冊寶前二日習儀前一日有司
設御幄於大慶殿御幄後之西東向隨地之宜設冊寶幄大慶殿當中南

向設皇帝褥位三一於大慶殿上冊寶幄之東西向一於殿下當中而冊
殿下當中南向又設以冊寶授太傅褥位一於殿下當中橫鋪太當設宮

架之樂於大慶殿庭協律郎位於宮架西北東向押樂太常卿位於宮架
之北北向設文武百僚次於大慶殿門外又設文武百僚次於慈福宮壽

康宮之内外設太傅受冊寶褥位於大慶殿下發冊寶褥位之前東南側
向又設置冊寶褥位一十六內八於殿下南向冊東寶西八於殿下東階

之東西向冊南寶北又設太傅位於殿下西階之西東向侍中中書令位於太傅之後東向北上吏部禮部侍郎位於侍中中書令之南稍東向北上舉冊舉寶官位於其後重行東向設太常卿太常博士位又於其後又設太傅位於殿下東階之東西向侍中中書令位於太傅之後西向南上吏部侍郎位四一於壽聖隆慈備福光佑太皇太后冊寶之後一於壽成惠慈皇太后冊寶之後一於聖安壽仁太上皇帝冊寶之後一於壽仁太上皇后冊寶之後並西向又設舉冊官位八二於壽隆慈備福光佑太皇太后冊案之後二於聖安壽仁太上皇帝冊案之後二於壽仁太上皇帝冊案之後又設禮部侍郎位四一於壽聖隆慈備福光佑太皇太后寶案之後一於壽仁太上皇后太后寶案之後一於聖安壽仁太上皇帝寶案之後一於壽隆慈備福光佑太皇太后寶案之後二於聖安壽仁太上皇后寶案之後二於壽成惠慈皇太后寶案之後二於聖安壽仁太上皇帝寶案之後二於壽仁太上皇后寶案之後俱重行西向又設舉寶官位八二於壽聖隆慈備福光佑太皇太后寶案之後二於壽成惠慈皇太后寶案之後二於聖安壽仁太上皇帝寶案之後二於壽仁太上皇后寶案之後又設太常卿太常博士位又於其後設文武百僚位於宮架之北東西相向又設大次於壽康宮大門之內設小次於殿南廊上北向設權安冊寶幄次於壽福宮壽康宮大門

之內及和寧門外各隨地之宜又設聖安壽仁太上皇帝御座於康康殿上當中西向設皇帝褥位二一於殿上當中東向一於聖安壽仁太上皇帝御座之南北向太常設宮架之樂於慈福殿門之外北向隨地之宜協律郎位于宮架西北東向押樂太常卿位於宮架之北北向又設宮架之樂於壽康殿門之內外東向隨地之宜協律郎位於宮架北東南向押樂太常卿位於宮架之東東向設置冊寶褥位四於慈福殿上隨地之宜又設褥位四於壽康殿北階下南向冊東寶西以東為上又設冊寶褥位五四於殿上稍東南向重行一於殿上當中東向設太傅舉冊寶位於壽康殿上前楹間又設詩冊寶位於冊寶西當中東向又設吏部禮部侍郎位二於殿上在北稍西南向又設太傅位於殿下北階之北南向侍中中書令位於太傅之後南向東上吏部禮部侍郎位於殿下北階之北各於冊寶案之後南向舉冊寶官位俱重行南向太常卿太常博士入於其後設文武百僚位于殿下宮架之東南北相向儀仗鼓吹列於大慶殿門外禁衛等列於殿庭至夜權退文武百僚集於大慶殿門列幕次各服朝服儀仗鼓吹列於殿門外禁衛等列于殿庭樂正帥工人以次入闕門太常寺分引前導官禮儀司閤門官太常博士并禮直官分立於御帳前之左右

押樂太常協律郎入就位文武百僚入就殿下東西相向立定管軍御帶
等窄衣執骨朵大慶殿東朵殿侍立都大主管官往東照管吏部禮部侍
郎舉冊舉寶官大常卿侍中中書令太傅俱詣殿下西階之西褥位東向
立少頃侍中中書令吏部禮部侍郎陞殿西階詣冊寶幄之西重行東向
立舉冊舉寶官升殿西階於吏部禮部侍郎之後東向立太常卿升殿詣
西階上之西東向立皇帝自內服靴袍入御幄易通天冠絳紗袍闔門官
禮部侍郎奏請中嚴少頃又奏外辦太常博士引禮儀使當幄前俛伏跪
禮儀使臣葉耆奏請皇帝恭行奉上壽聖隆慈備福光祐太皇太后壽成
惠慈皇太后聖安壽仁太上皇帝壽仁太上皇后尊號發冊寶之禮奏訖
俛伏興還位前導官前導皇帝出御幄殿中監跪進大圭禮儀使奏請皇
帝執大圭殿中監進大圭詣東階上西向少立以俟禮畢受大圭前導官
前導皇帝詣殿上冊寶幄前褥位西向立舉冊官入幄跪舉壽聖隆慈備
福光祐太皇太后冊興中書令舉壽聖隆慈備福光祐太皇太后冊吏部
侍郎押冊葉耆舉寶官入幄跪舉壽聖隆慈備福光祐太皇太后寶興侍中
舉壽聖隆慈備福光祐太皇太后寶禮部侍郎押寶位舉冊官入幄跪舉
壽成惠慈皇太后冊興吏部侍郎押冊葉耆舉寶官入幄跪舉壽成惠慈皇

太后寶興禮部侍郎押寶案舉冊官八帷跪舉聖安壽仁太上皇帝冊興
吏部侍郎押冊案舉寶官八帷跪舉聖安壽仁太上皇、玉興禮部侍郎
押寶案舉冊官八帷跪舉壽仁太上皇后冊興吏部侍郎押冊案舉寶官
八帷跪舉壽仁太上皇后寶興禮部侍郎押寶案太常卿前導冊寶進行
協律郎跪俛伏舉麾興工鼓祝正安之樂作凡舉冊寶并置冊寶于案
禮部職掌助舉前導官前導皇帝步從侍中書令奉冊寶降自西階至殿
下當中褥位南向置定僊麾專致樂止凡樂皆協律郎跪俛伏舉麾興工
鼓祝而後作僊麾專致而後止侍中中書令吏部禮部侍郎舉冊舉寶官
退詣殿東階之東褥位西向立太常卿俱詣殿東階之東褥位西向立前
導官前導皇帝至殿下冊褥位立禮儀使奏請拜皇帝再拜在位官皆
再拜訖應行事執事應奉官不拜壽康宮並準此舉冊官詣壽聖隆慈備
福光佑太皇太后冊案之左右東西相向跪舉壽聖隆慈備福光佑太皇
太后冊興吏部侍郎押冊案先詣皇帝褥位前置定吏部侍郎退立於東
階下西向中書令詣壽聖隆慈備福光佑太皇太后冊位之北南向舉冊
進行作禮安之樂至皇帝褥位前南向皆跪置於于案中書令典退詣殿
東階下西向立舉冊官興立太常博士引大傅詣受冊褥位東南向側身

悅伏跪舉冊官跪舉冊札儀使奏請皇帝跪捧冊授太傅受冊又奏請皇帝悅伏興太傅興舉冊官舉冊興太傅奉冊於殿東階下詣壽聖隆慈備福光佑太皇太后冊褥位西向跪置冊於案樂止凡太傅受冊皆禮部先舉冊寶案詣殿東階下褥位西向置定舉冊官興退立於冊案之後太傅興立於冊案之側西向立舉寶官詣壽聖隆慈備福光佑太皇太后寶案之左右東西相向跪舉壽聖隆慈備福光佑太皇太后寶興禮部侍郎押寶案先詣皇帝褥位前置定禮部侍郎退立於東階下西向侍中詣壽聖隆慈備福光佑太皇太后寶位之北南向奉寶進行作禮安之樂至皇帝褥位前南向皆跪置寶於案侍中興退詣殿東階下西向立舉寶官興立太常博士引太傅詣受寶褥位東南向側身悅伏跪舉寶官跪舉寶又奏請皇帝跪捧寶授太傅太傅受寶又奏請皇帝悅伏興太傅興舉寶官舉寶興太傅奉寶於殿東階下詣壽聖隆慈備福光佑太皇太后寶褥位西向跪置寶於案樂止舉官官興退立於寶案之後太傅興立於寶案之側西向立舉冊舉寶官舉壽成惠慈皇太后冊寶并聖安壽仁太上皇帝冊寶壽仁太上皇后冊寶壽仁太上皇后冊寶吏部禮部侍郎押冊寶案侍中中書令奉上壽成惠慈皇太后冊寶聖安壽仁太上皇帝冊寶壽仁太上皇后冊寶

皇帝捧壽成慈皇太后冊寶聖安壽仁太上皇帝冊寶壽仁太上皇后冊寶授太傅並如壽聖隆慈備福光佑太皇太后冊寶之儀太傅以下並退詣殿東階下稱位西向立前導官前導皇帝詣殿下當中南向稱位立舉冊官舉寶官詣冊寶位俱跪舉冊寶興吏部禮部侍郎押冊寶案太常卿前導冊寶由宮架東進行正安之樂太傅侍中中書令後從冊寶出大慶殿正門樂止次輦官捧擎冊寶於殿門外捧冊寶置於腰昇初冊寶出大葉者奏禮畢伏興復位前導官前導皇帝升自東階將至御幄禮儀使奏請皇帝釋大圭殿中監跪受大圭訖皇帝入御幄閣門官禮部郎中奏解嚴皇帝服靴袍還內如來儀文武臣僚以次退內令導從冊寶官并從駕臣僚並俟導從冊寶并從駕其不該導從駕官並先出和寧門赴慈福宮俟慈福宮壽慈宮恭行加上尊號冊寶畢皇帝自慈福宮服靴袍乘輦至壽康宮大次降輦入幄儀仗鼓吹儀衛等分列於壽康宮門之內外樂正帥工人以次入大武百僚就次各服朝服前導官禮儀使閣門官太常博士禮直官分立於大次前之左右押樂太常卿協律郎入就位文武百僚入就殿下南北相向立定吏部禮部侍郎舉冊官舉寶官大常博士太常

卿侍中中書令太傅俱詣冊寶幄次前隨地之宜立定舉冊官入幄跪舉
聖安壽仁太上皇帝冊興中書令奉冊吏部侍郎押冊崇奉寶官入幄跪
舉聖安壽仁太上皇帝寶興侍中奉寶禮部侍郎押寶崇奉寶官入幄跪
舉壽仁太上皇后冊興吏部侍郎押冊崇奉寶官入幄跪舉壽仁太上皇
后寶興禮部侍郎押寶崇奉禮部侍郎押冊崇奉寶官入幄跪舉壽仁太上皇
門作正安之樂太傅後從至殿北階下褥位置定冊東寶西樂止侍中以
下各就位定太傅詣本班北向立定皇帝就大次服通天冠絳紗袍闕門
官禮部侍郎奏請中嚴少頃又奏外辦前導官前導皇帝出大次至壽康
殿門殿中監跪進大圭禮儀使奏請皇帝執大圭將至小次禮儀奏請釋
大圭殿中監跪受大圭入小次太常博士引禮儀使當次前倪伏跪禮儀
使臣葉耆奏請皇帝恭行奉上聖安壽仁太上皇帝壽仁太上皇后尊號
冊寶之禮倪伏興還侍立前導官前導皇帝出小次殿中監跪進大圭禮
儀使奏請皇帝執大圭前導官前導皇帝升自南階至殿上褥位北向立
聖安壽仁太上皇帝服靴袍出宮作乾安之樂禁衛諸班親從等自贊常
起居聖安壽仁太上皇帝升御座樂止前導皇帝詣褥位東向立禮儀使
奏請皇帝再拜奏聖躬萬福禮儀使又奏請皇帝再拜訖前導皇帝詣聖

安壽仁太上皇帝御座之南褥位北向立太傅以下橫行東向立定太傅
以下可再拜四行事應奉官並免起居班首不離位奏聖躬萬福訖再拜
太傅詣殿北階下褥位南向立次分班南北相向立定舉冊官詣聖安壽
仁太上皇帝冊案位前跪舉冊興吏部侍郎押冊案升北階奉冊有行礼
等官升降皆自此時先詣聖安壽仁太上皇帝御座前褥位東向置定吏
部侍郎少退稍北南向立太常博士引太傅奉冊升作聖安之樂中書令
從升太常卿前導冊升殿至殿上褥位東向跪以冊置於案樂止太傅以
下興太常卿降階復位立太傅詣殿上前楹間東向立舉冊官跪舉冊中
書令進當冊案之西東向跪讀冊冊文曰皇帝臣擴謹稽首再拜言曰臣
聞乾為天為若為父惟天為大不可強名昔者作易以乾為首推尊乎天
稱贊茲顯元功妙用斯不容掩大哉聖人與天為徒應人間世為天下君
退藏於密為天子父聖人之不可名天之不可名也仁人事親如其事天
蓋即推尊乎天者以盡推尊之寔稱贊乎天者以極稱贊之美則揚鴻休
建顯輝庶幾乎形容萬分一其敢不自竭恭惟太上皇帝出入神聖與天
同德成順致利與天同功兼聽廣覽隆寬盡下與天同量君乃用賢去佞
洞照群情則日月其明也省刑薄賦滲濟幽生則雨露其澤也誕敷詔旨

教布寬大奮發威斷斥逐姦回則風雷其瑞令也聖學緝熙上監成憲宸
翰昭回下飾萬物則雲漢其文章也方膺駿命纂鴻圖聖作明述守一道
之傳問要侍膳奉兩宮之歡臨朝願治宵衣旰食圖回庶政憂勤六載致
冲和之少爽遂靜退而高蹈適以神器畀于非躬若稽往謨歷選群辟堯
授舜於既老之後舜授禹於倦勤之餘未有以春秋之鼎盛當規摹之日
親而脫屣超然曾無櫻拂既以揖遜受之於前復以揖遜傳之於後全懿
鑠於三朝掩高躅於千古皇乎盛哉臣以寡昧親承付託極天下養不足
以為報惟是載揚緼典仰贊徽猷名所難名庸見輝美所以詔當世而傳
無窮也夫治臻乎熙洽之盛而成功不居德克乎光輝之大而允恭克遜
非聖而益聖乎由仁義而行而無行之之迹盡人物之性而得性之之妙
非安所當安乎壽居五福之一仁為五常之先優游所以長受命安樂所
致延年不曰壽乎外而能愛以結人心內而能靜以循天理不曰仁乎臣
不勝大願謹奉玉冊玉寶上尊號曰聖安壽仁太上皇帝欽惟陛下游心
塵外玩意寰中高乎太極而先天弗違閱乎衆甫而後天難老膺受多福
燕及後人以永億載萬年之休讀訖俛伏興舉冊官貢冊舉冊興中書令
奉冊吏部侍郎押冊某先詣聖安壽仁太上皇帝御座之南褥位東向置

定吏部侍郎降階復位立中書令進冊於聖安壽仁太上皇帝御座之南
稱位置冊於案訖中書令舉冊官各興俱降階復位立太傅降階詣聖安
壽仁太上皇帝寶案之後立舉寶官跪舉寶興禮部侍郎押寶案先詣聖
安壽仁太上皇帝御座前稱位東向置定禮部侍郎退稍北南向立太常
博士引太傅奉寶升作聖安之樂侍中從升太常卿前導寶升殿至殿上
稱位東向跪以寶置於案樂止太傅以下興太常卿降階復位定太傅詣
殿上前楹間東向立舉寶官跪舉寶侍中進當寶案之西東向跪請寶官
以聖安壽仁太上皇帝之寶為文請訖俛伏興舉寶官舉寶興侍中奉寶
禮部侍郎押寶案先詣聖安壽仁太上皇帝御座之南稱位東向置定禮
部侍郎降階復位立侍中進寶於聖安壽仁太上皇帝御座之南稱位置
寶於案訖侍中舉寶官各興俱降階復位立太傅降階詣壽仁太上皇后
冊寶之後立舉冊舉寶官跪舉壽仁太上皇后冊寶興中書令侍中奉冊
寶吏部禮部侍郎押冊寶案先詣聖安壽仁太上皇帝御座之南稱位東
向置定太常博士引太傅從冊寶升殿作聖安之樂太常卿前導冊寶升
殿詣聖安壽仁太上皇帝御座之南稱位東向跪置冊寶於案訖樂止中
書令侍中舉冊舉寶官與太傅侍中中書令以下俱降階各歸班立初壽

仁太上皇后再賓升殿侍中升殿北階詣折檻稍南北向立太常博士引
禮儀使閤門官前導皇帝詣聖安壽仁太上皇帝御座前褥位東向奏請
皇帝再拜俛伏跪奏皇帝臣擴稽首言伏惟聖安壽仁太上皇帝陛下寶
圖授禮玉冊揚休仰介壽祺共章榮慶俛伏興又奏請皇帝再拜訖侍中
參知政事何澹詣聖安壽仁太上皇帝御座前躬承旨退於皇帝褥位前
北向宣答曰皇帝道駕事親志勤歸美黃登尊顯深諒欽誠侍中退詣折
檻稍南北向立又奏請皇帝詣聖安壽仁太上皇帝御座之南褥位北向
立太傅以下橫行東向立太傅以下皆再拜訖太傅稍前東向俛伏跪大
武百僚並躬身太傅奏攝太傅右丞相臣京鏗等稽首言恭惟聖安壽仁
太上皇帝陛下介壽慈宸歸尊寶冊三宮同慶萬國齊歡奏訖俛伏興文
武百僚直身立太傅復位太傅以下皆再拜舞蹈再拜訖侍中參知政事
何澹詣聖安壽仁太上皇帝御座前躬承旨退詣折檻前北向宣曰有制
太傅以下再拜躬身宣曰琨瑤鏤瑞簪鐸來儀有輝慶解尤加美報宣訖
退詣折檻南北向立太傅以下皆再拜舞蹈又再拜訖侍中詣聖安壽仁
太上皇帝御座前俛伏跪侍中臣何澹奏禮畢伏興退復位聖安壽仁太
上皇帝還宮作乾安之樂樂止內侍官捧聖安壽仁太上皇帝冊寶入宮

次皇帝詣宮中奉上壽仁太上皇后冊寶其日先設壽仁太上皇后座於本殿南向設皇帝褥位如壽康殿上之儀殿上行礼畢內侍捧壽仁太上皇后冊寶興舉冊寶案內侍舉壽仁太上皇后冊寶案先詣壽仁太上皇后座前稍南在東褥位西向置定都大主管官前導冊寶進行作正安之樂內侍前導皇帝後從冊寶入宮舉冊寶內侍置冊寶於本殿冊寶案樂止興都大主管官退內侍前導皇帝詣壽仁太上皇后座前褥位北向立內侍引司言司言引尚宮尚宮引壽仁太上皇后出閤作坤安之樂升座樂止皇帝再拜奏萬福又再拜退詣壽仁太上皇后座之東褥位西向立舉冊內侍跪舉冊內侍跪舉冊興作聖安之樂次舉冊案內侍舉冊案置於壽仁太上皇后座前褥位北向置定內侍進冊於案樂止舉冊內侍興少立次讀冊內侍北向立舉冊內侍跪舉冊讀冊內侍跪讀冊文曰皇帝臣擬謹稽首再拜言曰臣聞萬物所資以生者坤也坤有生萬物之功故盡萬物而不足以報必極其德之至者而名言之含洪光大柔而剛靜而方順而正皆坤德也以言其持載則悠久而無疆以言其愛育則長養而無外茲其德之至者乎惟我宋再受天命堯舜與禹道高揖遜美任與如功懋贊襄昆虫草木罔不嘉賴德參坤元固已無間至若蚤叶吉於洛

陽繼呈祥於甲觀正長秋之尊位配前殿之多儀則我文母寔兼有焉答
鴻恩建大輝以顯揚生生不窮之盛美在予冲人曷敢不極其至哉恭惟
太上皇后殿下瑞應塗山秀鍾沙麓升自敷閑上媲聖父居處肅毅舉動
齊莊時在龍潛躬履帝武首毓陋所丕承天休必誠必親親視教載逮我
慈尊受禪烈祖警戒勵雞鳴之操憂勤懷卷耳之思不矜禴翟之華親服
練繒之制陰教明而六宮風動母儀備而彤管日新太上起倦勤之心從
容參與子之議遂令寡昧獲紹丕圖夫難名者生育之恩莫酬者授受之
助天啟聖善成始成終慈篤義隆豈何以報雖曰備九州之榮養謹一月
之四朝儼極未央聯輝丹禁寢門密通安問旁午愛慕之意已孚而歸美
之誠未盡也載諏穀旦懋藏緡儀率籲群情並隆徽稱齊大明而久照坐
少廣以延年非悠久無疆之壽乎寶老氏之慈而慈幼極母懷之愛而愛
物非長養無外之仁乎壽以仁得仁以壽彰壽高而仁益隆仁隆而壽益
固天人相因至理可必臣不勝大願謹奉玉冊金寶上尊號曰壽仁太上
皇后伏惟殿下對亨嘉之會輯純懿之趾調虞慈宸觴玉卮於萬年詒燕
後昆無瓜瓞於百世繼自今賓賓之名大書特壽而未已皇乎休哉讀
訖舉冊內侍奠冊舉冊并冊案退各復位讀冊內侍俛伏興退復位次舉

寶請寶內侍舉寶案請寶等作樂止並如上儀訖寶以壽仁太上皇后之
寶為文退前導皇帝詣壽仁太上皇后座前稱位北向立尚宮奏請拜皇
帝再拜俛伏跪奏皇帝臣謹稽首言伏惟壽仁太上皇后殿下同膺壽祉
齊貢輝榮緡典誕登歡情胥浹伏興又奏請拜皇帝再拜躬身內侍詣
壽仁太上皇后座前躬身承壽仁太上皇后旨退西向答曰皇帝輯華輝
冊報美親闈備萬愛欽唯增融懌又奏請拜皇帝再拜訖退詣壽仁太上
皇后座之東稱位西向立內侍詣壽仁太上皇后座前俛伏跪奏禮畢俛
伏興壽仁太上皇后降座作坤安之樂八閤樂止皇帝退易靴袍以俟出
宮還內初皇帝於宮中行奉上壽仁太皇太后尊號冊寶禮畢於壽康殿
南階下開門官禮部郎中奏解嚴內侍轉進率執率文武百僚就朝服詣
壽康殿下拜牋賀壽仁太上皇后如拜表之儀訖退儀仗鼓吹儀衛以次
退訖應從駕臣僚免奏萬福俟從駕還內習儀行礼日各不視事百司休
務六日文武百僚詣文德殿拜表稱賀十二月一日詔聖安壽仁太上皇
帝加上尊號冊寶禮畢其合該推恩人並特與轉一官資令從衆官先次
開具職位姓名申尚書省十三日詔已降指揮修製奉上尊號冊寶了畢
內都大主管官王德謙合該轉兩官可將一官於見今官轉行一官依條

回授 皇帝朝

紹熙五年七月七日詔令礼部御史臺閤門太常寺條

具朝見泰安宮礼儀以聞於是礼部太常寺議定依礼例用一五日車駕

詣泰安宮朝見起居如宮中之礼即不集百官陪位立班是日從駕官回

作歇泊假從之 二十一日皇帝率文武百僚詣文德殿奉表賡祝賀太

上皇帝太上皇后 慶元元年正月五日車駕詣慈福宮壽慈宮壽康宮

起居恭承太皇太后聖旨自今後止過旦望初八日二十二日過宮 二

月二十一日宰執進呈次趙汝愚等奏來日車駕過當宮萬一雨作亦須

一出上曰已是每月省了兩次何可不出 九月七日重明節上詣壽康

宮起居時以孝宗服制免上壽二十三日太上皇后生辰上詣壽康宮起

居 三年六月二十一日太皇太后聖旨今後車駕止須旦望過宮既而

宰臣京鏐等奏過宮一月四次已為定制陛下聖德日新豈容於孝宗終制

之後遽減省過宮日分恐外間便有妄議上曰本是四日今減兩日莫若

且存舊制鏐等奏若存舊制一月之間或出或不出卻在陛下於是即時

批出奉太皇太后聖旨每過旦望日過宮朕深恩之礼不可闕奏知太皇

太后仍舊制 十月三日皇帝率文武百僚詣慈福宮壽慈宮壽康宮行

恭上尊號冊寶禮 四年十二月十二日宰執進呈次京鏐等奏至節

後來到壽康乞十五日定過向去元日是正旦禮數耳上曰然是日雖壽
仁有吉免亦煩過去五年正月二十九日詔恭承皇太后聖旨今後車
駕詣慈福宮几筵前燒香壽慈宮壽康宮起居如遇忌辰并忌前衣服不
便並免到宮六年二月二十三日皇帝詣壽康宮恭進聖安壽仁太上
皇帝玉牒聖政日厯會要慶元二年十一月一日詔奉大行聖安壽仁
太上皇帝詣冊寶攝太傅右丞相謝深甫奉詣冊寶知樞密院事兼知
政事何澹詣寶攝侍中簽書樞密院事陳自強詣詣冊攝中書令禮部尚
書張釜舉冊禮部侍郎陳宗名太常少卿俞豈舉賢軍器監直權禮部郎
官王炎太常博士陸峻同日起居舍人兼權中書舍人兼權直學士院
邵文炳上光宗薨仁聖哲慈孝皇帝詣議議曰臣聞至大而不可名者天
至威而不容述者聖聖人之道實原於天而功德之盛與天同大堯舜相
繼勛華並祿逮文命之祇承昭神禹之授受心傳微妙精一執中廣運而
神誠難儀測而帝舜兩中命於惟賢孔子三致志於無聞於是禹之為大
古今同辭流永楊休相為先後亦猶欽明大思溫恭濟哲隨事以著推類
以言合衆美而歸全猶可得而髣髴也繫我神宗同符帝王太祖肇基太
宗踐祚傳緒十葉災國中興觀乎大哉時乃天道法堯蹈舜跨商軼周穆

三聖之傳揭二典之範鋪張丕績視禹益光則固有在乎今日也恭惟大
行聖安壽仁太上皇帝躬上聖之實際重熙之運粵自朱邸升儲青宮雖
鳴問寢而子道克全龍潛進修而君德滋懋淵泉溥博以時出聰明聖智
而能知剖明訟牘已得於尹正之始諳知物情披見於參決之初中外思
慕而屬心聖父臨朝而嘉嘆天人協應內禮增華欽奉熙謀潤色鴻業嚴
兩宮之尊奉益供進之常儀述壽皇已行之規則於必遵以見繼承之定
念祖宗已成之運自有深意以塞更張之源先器識而務典實則鑒取士
之家法貴久任而重歡易則循命守之聖謨尊老臣以悅重華揚寶冊以
慶慈惠業業孜孜守以一道也畏天變之上形而感動於六事之陳欲人
心之無怨而察聽於土木之役戒言瑞物而思豐登之樂業厲精治道而
卻歌頌之宣功不貴奇珍而杜遠方之求不殖貨利而務節用之本行所
無事則以心不私而能公道運無迹則審器日用而不露休務之假益減
治事之日益增則克勤于邦會計始于宮掖恩澤損於椒房則克儉于家
疊疊穆穆進以無疆也建大中而消朋黨好正直而尚公予以任賢使能
為致治之要以更出迭入為用人之法語近臣以遏絕僥倖飭監司以發
隨姦臧清介純寔則列置禁塗博洽純正則輔導王府講筵取經學該通

之老館閣儲儀論平正之人擇邊帥于大臣詳議之餘得嚴嚴于參稽公
論之素訪舊弼以來說論權御史以獎直言訪問而致諧懇之不行虛懷
而使所陳之得盡探封事之議以伸四方敢言之氣講景命之書而寤近
習移人之非論寬恤之可行即行而不當具文謂懋賞之當與即與而不
可不信予以謹黎獻之時與而嘉言之罔伏也念戶口雖衆而民生寔艱
審窖藏之非地而民憂無蓄雨暘形于憂喜水旱欲以寔聞賑卹牧養必
責以盡心勸課農桑必儆以無擾嚴郡邑名舍寔取之禁廣諸道預備先
具之儲經總之繁多綱運之折開科罰對減之色目欲買畸零之取贏獨
減代輸一於從予立法惡其太重疑刑務從厥中情犯之適輕則開其自
新流徙之抵遠則示以不殺春夏之祭俾非重事而勿拘威暑慮囚俾必
前期而及遠覽囹圄空虛之奏則喜形於獎諭聞肌體或傷之罪則言寓
于哀矜予以見政在于養民而刑期於不犯也以義武寓兵之法為近古
以兩淮藩籬之本為在民軍政欲修指統副貳分治之為非守禦有地視
重屯列戍增損之當異將臣屢戒於掎克歸正常務於撫存招生部以結
蕃戎勦神勇以收子弟柔遠能通教文德也郡臣進對商畧大事率言簡
而理得諸儒講論反覆折衷皆心會而意明傳聞失寔知非王霸之圖細

故從事議非大體之務臨照百官而深辨邪正明見萬理而典盡事情由思而睿惟幾康也臨御六載之間規撫百王之上九功之所以著庶績之所以凝端由學聚問辨成萬寔輝光之新日就月將大緝熙光明之盛重離之繼昭而薄海咸仰天鑒之下濟而品物流形何千萬年俾昌而熾而乃履乾之正體道之宗玩意希夷脫屣高蹈肆舉神器而親愛聖子侔功大極而順燕壽康為天子父以極其尊享天下養以致其樂歲受內朝之稱慶日願寢門之問安歡欣穆愉慈愛備至遽聞兇導揚之命俄起乘雲上賓之遊茲皇帝所以興哀無時孝思罔極擗踊追慕悼心悲摧愴吳天之不辰痛賜馭之莫返而三靈改色臣庶攀號泣盡而繼之以血也禹陵獻卜會稽是瞻因山有期羨封風戒參酌古今攷訂六家將飭攸司勒崇丕冊庶幾有以冠徽猷而詔萬世謹按謚法聖能法天曰憲施仁服義曰仁通達先知曰聖能官賢才曰哲視民如子曰慈繼志述事曰孝述夫至公無私以應物自強不息以進德非聖能法天乎齊衆而均于一視博愛而事得其宜非施仁服義乎極深研幾而融照萬微窮理盡性而超卓獨見非通達先知乎明于知人而務取所長量材授任而各得其用非能官賢才乎惻怛欽卹而軫懷如傷撫綏和柔而燕及遠邇非視民如子乎

授受一轍而允執厥中孝理天下而率由舊章非繼志述事乎萬善具備
全德丕顯固已被四表而宅天下至海隅而及萬邦宣昭洪輝揚厲景鏘
疑非愚臣之所及而天下之所得私若昔成武天子之謚則請之南郊况
我憲皇堯舜之道既原于天彝倫之疇復界于帝為綱為紀成允成功赫
奕煒煌配天無極中以節惠於昭至公對在天之靈無俯仰之愧大行聖
安壽仁大上皇帝尊謚宜以天命錫之曰憲仁聖哲慈孝皇帝廟號光宗

十四日命特進右丞相謝深甫攝太傅奉上光宗壽仁聖哲慈孝皇
帝謚號冊寶于廟室冊文曰孝子嗣皇帝臣擴臣聞堯舜之道禹傳之而
揖遜之餘同乎三聖堯舜之治禹繼之而垂拱之盛同乎三朝以言其德
則冠百王以言其功則被萬世立極垂統憂深慮遠迺以神器親授與子
是以表行實寔因名為謚生則以禹稱之沒則以禹葬之歷數千載莫之
與京惟我烈考無間然矣恭惟大行太上皇帝宣明明英睿之姿厲慈愛
圖罔之志為聲為律而輔以稽古為綱為紀而本以守謙毓德振宮推戴
已久繼明離照謳歌皆歸精一軌中妙於心傳歷數在躬得於面命禹之
懋德丕績終涉元后也簡樂之尹正而深識民情議事之參決而洞達國
體踐祚之初天德清明邦令之發疎動群聽惠澤之霈滲庶生戎百官

之貪濁而嚴糾劾戒長吏之更易而重久任蠲三輔預買丁庸之賦損四
川鹽酒折估之額輕徭役謹刑罰禹之德惟善政政在養民也條列五事
守孝宗所尚之規申飭三省尊孝宗已行之法即祇承于帝也廣豐年之
平糶以厚儲積行歉歲之賑貸以救流徙即思溺由已也旁開求言之路
日引輪對之班詔執政勅臣之論事諭宰輔侍從之入奏即聞善言則拜
也荐舉賢俊命于近列斥逐驕倖奮自成斷即稱善人不善人遠也減休
務之假增治事之日驚怠忽察偷惰克勤于邦者也恩澤裁損不私於極
塗會計節省必始于宮掖克儉于家者也勸講經籍發明百篇之義游戲
翰墨備具八法之體洛書之錫也承三宮之勸極四海之養歟郊丘饗宗
廟致孝之道也若乃焦勞思治致爽冲和爰念退閑遜于大位褰裳高蹈
順神澹泊與天為徒宜享康寧永躋上壽遽乘白雲返于帝鄉嗟夫臨御
六年之間垂簾億載之遠有典有則貽厥子孫道在敬承罔敢失墜載惟
一家父子之親傳三聖明之相繼體堯蹈舜壹似乎禹今也弓劍之藏復
歸禹兄原始要終若合符節嗚呼豈偶然哉臣以涼德嫫嫫然在疚即遠有
期攀躋英及敢紀鴻名國報罔極然巍巍之治莫可擬議非渾渾之書豈
能形容管窺蠡測姑述見聞是用稽謀于衆請命于天憲垂百代之後仁

居五常之先惟曆作聖惟明作哲首以實以為慈冠百行而為孝範輯衆
美具揚丕鑠至於德之著者光于上下功之顯者光于祖宗若帝與王莫
能兩盡由今準古厥光大矣謹遣攝太傅特進右丞相提舉編修國朝會
要提舉編修勅令岐國公國食邑八千六百戶食寔封三千二百戶謝深
甫舉玉冊玉寶上尊號曰憲仁聖哲慈孝皇帝廟號光宗伏惟皇矣威靈
克配天於萬斯年以願越我國家謹言

嘉定三年七月七日詔

光宗皇帝係典故合加

上議歸令礼部太常寺討論聞奏 十七日詔曰礼將舉於南郊報敢忘

於先帝惟豐功盛烈既亘古以獨隆則顯號尊名宜與天而同大恭惟光
宗憲仁聖哲慈孝皇帝道高往聖德被生民惟一惟精授受仰同於堯舜
克勤克儉儀刑本自於家邦仁風播乎八紘利澤周乎四海雖大美固難
于摹寫然徽猷宜極於形容願予眇躬嗣有丕祚向焉越綿而行事礼文
遂致于濶疎今也燔柴之有期典故盡先於講究上考紹熙之制近用慶
元之規揚偉績而鋪宏休務增光於既往發英聲而騰茂寔異垂耀於無
窮光宗皇帝謚號見今六字宜加十字為十六字如祖宗故事令宰執侍
從臺諫兩省官礼官集議仍令礼官詳具典禮以聞既而特進右丞相陳

自強知樞密院事兼知政事許及之參知政事袁說友簽書樞密院費士寅吏部侍郎兼權吏部尚書張伯坡戶部侍郎李大性中書舍人王容顏械權吏部侍郎曹暉權戶部侍郎王遵權兵部侍郎宇文紹節權刑部侍郎李景和權工部侍郎李寅仲太常少卿陸峻起居郎兼給事中蕭遠起居舍人兼直學士院莫子純侍御史張澤禮部郎官陳峴右正言楊炳監察御史林行可商飛卿太常丞章燮太常博士葉時太常寺主簿王庭芝集議加上光宗憲仁聖哲慈孝皇帝徽號曰光宗循道憲仁明功茂德溫文順武聖哲慈孝皇帝詔恭依 八月五日詔右丞相陳自強奉冊寶攝太傅知樞密院事兼參知政事許及之撰冊文參知政事費士寅書冊文冊知樞密院事張孝伯篆寶 同日禮部太常寺言今來集議光宗皇帝徽號候選到議文依礼例奉冊寶太傅率行事官并文武百僚詣光宗皇帝本室奏請并奏告諸室合差請奏請徽號議文官一員詔以起居郎兼給事中蕭遠充 同日攝太傅右丞相陳自強等上光宗循道憲仁明功茂德溫文順武聖哲慈孝皇帝徽號議曰臣聞上天之德廣大精微有不容測識之理而高明剛健之稱經得而名者以其迹也遠古之初混沌幽昧有不可形容之事而災農義異之號史得而紀者以其寔也聖帝明

王天德地業造道之妙該美之全同符乎三王錄功乎五帝擬議者無所
容其喙鋪張者無所措其詞然而馨烈播乎一時令聞垂乎萬代礼官博
士考古而訂議聖子神孫勒崇而垂鴻宗廟有待而後尊功德賴之而益
顯詎非美因述著名以寔彰固典禮之所不容缺而臣子之所當盡心者
幾別夫謳歌歸于吾子揖遜踵乎重華付託得人始終無間宜乎贊茂昭
孝明發興懷思所以勵洪輝中景鑠被之金石炳諸典謨於昭前聞先在
今日上哉愛乎五三六經載籍之傳不可加已恭惟光宗皇帝聰明本乎
天縱睿哲得于生知齊聖而廣淵溫恭而而允塞粵在蚤歲泊于初潛莊
重夙成言笑不妄內外稟畏官府肅然種稻田以審知民情親儒生以商
略前史祁寒隆暑講講有常聖經賢傳咨訪靡懈洪惟孝廟灼知天心淑
自宸衷靡因群議過重光華閑之歲親諭輔臣謂他時親御戎輅以撫六
師監國之任蚤定惟先則所以察之者熟而屬之者厚矣遂開青宮肇慶
儲嗣元良以正羽翼以成日輪星輝彪炳明潤社稷長遠本原在斯迺尹
京邑以首諸夏開議堂以翊萬機明謹庶獄而圉空之效彰剡灼群疑而
乾健之剛著迺受內禮臨慶基發德音敷曠澤風飛而雷厲天施而地生
下明詔以求直言愈故老以咨大政整齊綱紀勅臣工刑政修明規模

宏遠遐觀方冊伊昔帝王慈莫大乎陶唐孝莫崇乎虞舜亞斯之世鮮克
兼之惟帝嗣位深念拜本廣求民瘼減近甸之重斂損江右之急征蘇藏
飫飢施舍已貴民人樂業四里晏安愛民之至視堯無間焉溫清承顏怡
愉養志疊三宮之冊躬五日之朝四世團樂一心恭順聲明輝耀文物煥
事親之薦視舜有光焉懿哉樂手被漢文節儉示減租之仁唐宗父子修
典慶之朝比茲福矣若乃隆寬盡下褒直勸忠百辟周行諫官御史連疏
文章抵觸忌諱敵已以下聽受猶難而親降色詞玉音嘉獎不啻不敢舍
怒其量洪矣屏儉遠壬放佞黜邪掖庭宮寺聲勢隆赫稍有專恣遽逐隨
之而抑遠權倖尊禮廟堂不使大臣怨乎不以其斷明矣躬御革輅閱武
近郊技擢偏裨戒飭將帥繕器除戎築城固壘武備修矣詔舉賢良親策
多士召對逆列逆宿玉堂光寵儒紳齊祝宸翰文治舉矣宮闈之間服御
朴素衣不文繡飾無金珠聲色屏遠女謁不興非恭儉之化乎褒德錄賢
念功懷舊覽觀盟府煙閣圖形追獎直臣太常錫謚非忠厚之治乎湛恩
龐洪膏澤沕濡符瑞紹至年穀屢豐內之則奉觴稱壽父祖子孫恩意惟
洽上之則郊天祭地上下神祇景貺駢臻近之則家給人足刑法以清遠
之則弓櫜矢箠邊鄙不聳禮備樂具治定功成方且脫屣萬幾寧裳神武

親禮宸翰賜之大臣有疾弗豫自欲退閑乃命嗣皇授以大寶方大庭之
順燕俄荆鼎之趣成乘雲上賓攀髯靡及感靈有赫英烈如存福祿滂洋
燕及孫子巍巍乎皇皇哉越契踰繩按經眇古功德茂域不能盡宣其時
能宣之哉夫華協于帝恭已無為循道也恢洪祖業閎色增光明功也及
汲為學業業致孝茂德也小心翼翼光被四表溫文之謂也保大定功遵
養時晦順武之謂也合憲仁聖折惡孝之端是宜管闕茲淵參舉憲憲章
奮日月之絕末災以展采錯事存之郊廟以章光宗之洪業休德用永永
億萬世請上徽號曰光宗循道憲仁明功茂德溫文順武聖哲慈孝皇帝
六日詔加上光宗皇帝徽號都大主管官差宣正大夫寧遠軍承旨使
入內內侍省副都知盧安仁仍以都大主管官所為名 同日礼部太常寺
言光宗皇帝徽號齊欲以光宗循道憲仁明功茂德溫文順武聖哲慈孝
皇帝之寶為文詔恭依 同日礼部太常寺言今來加上光宗皇帝徽號
依礼例郊祀大礼前三日發冊寶及奉上行礼於後冊寶前一曰皇帝宿
齋于文德殿宰執宿衛於皇城司其餘行事官于麗正門外待漏院百官
宿齋於本司至日皇帝服通天冠絳紗袍御大慶殿奉冊寶授奉冊寶太
傅詣太廟本室奉上行礼從之 同日礼部太常寺言依礼例奉冊寶使

持節奉冊寶詣太廟行禮合用節乞下文思院製造從之 七日禮部太常寺言加上光宗皇帝徽號依禮例發冊寶及陪位官並服朝服奉上冊寶行禮官服祭服陪位官服朝服從之 九日禮部太常寺言昨奉上孝宗皇帝徽號以冊寶告廟更不改題神主將來奉上光宗皇帝徽號乞依禮例施行從之 九月十九日禮部太常寺言奉上光宗皇帝徽號合用儀仗導引排立欲照淳熙十五年迎奉聖神武文憲孝皇帝虞主遷德壽宮并神主祔廟排設細仗五百人導引應奉從之 二十四日詔將來奉上光宗皇帝徽號奉冊寶攝太傅石丞相陳自強奉寶請寶侍中知樞密院事兼參知政事許及之奉冊讀冊中書令參知政事費士寅舉冊兵部尚書錢象祖吏部尚書張伯瑄舉寶吏部侍郎湯頌戶部侍郎李大性進接大主史部侍郎曾昭奏中嚴外辦禮部侍郎宇文紹節御前奏中嚴外辦戶部侍郎王遵禮儀使前導皇帝行禮同知樞密院事張孝伯奏解嚴刑部侍郎李景和御前奉解嚴中書舍人顏敏贊引奉冊寶太傅并奉上禮行工部侍郎并太常寺卿李賓仲贊引前導禮儀使起居郎並給事中蕭道押樂太常卿右諫議大夫張洋光祿卿侍御史陸峻奉禮部右正言楊炳協律郎監察御史林行可太祝並舉御史高飛卿太官令秘書監並

禮中書舍人李大興大慶殿務母賓前導皇帝行礼知閤門事蘇師旦李
安禮進中嚴并外辦牌知閤門事鄭蓋進解嚴牌知閤門事張時修 十
一月八日命右丞相陳自强攝太傅奉上光宗循道憲仁明功茂德溫文
順武聖哲慈孝皇帝徽號母賓于廟室冊文曰孝子嗣皇帝臣擴聞古者帝
王德參天地天地不可以繪畫帝王孰得而形容然太極既分天地設位
而大哉乾至哉坤為可稱語其德則剛健中正直方光大非一言之可名
鴻荒以降帝王有述而大哉堯君哉舜為可紀語其德則聰明大思濬哲
大明非一辭之能盡繫我祖宗之具美遠追堯舜而同符家法繼承皇綱
接統藝祖顧命而不私於與子高宗內禪而獨斷於傳賢孝宗從與子而
存於天諸郎特惟賢而不以長豈功大業與古匹休顯舜禹名於斯為盛
恭惟光宗憲仁聖哲慈孝皇帝受舜之荐若禹之傳擬而議之不可尚已
逮夫岐嶷之姿天日之表神靈而徇齊師保之訓禮樂之教溫文而恭敬
學緝熙而日就德罔覺而日新尹正京邑則軫民情之利病閔農事之艱
難如正觀決庶務于承華之時參決議堂則定國論之是非判人材之邪
正如天禧見輔臣於資善之日以君臣父子之懿為謳歌獄訟之歸奉五
日之朝則誠孝不替於日三際一時之盛則歷數式綿于時萬中天之運

啟而新會元之歷興地之圖覽而慨建隆之勲謹內修嚴外治則固形勢
以為本根開衆正卻群僞則革偏黨以護元氣守臣上殿丁寧訓諭以愛
民為本使臣臨遣委曲戒飾以察吏為先哀矜庶獄省刑薄斂而好生之
德下洽于民心不貴異物務農重穀而豐年之報上符于天意故得五緯
不忒三光以平澤南洽而無波濤之驚咸北暢而絕煙火之警猶且專頌
善之職以崇國本增宵監之養以固宗藩隆始初具品式懲苟且於一時
明憲度哀寬卹示章程於萬世終日乾乾而尚慮治道之未至小心翼翼
而惟恐親意之或違積茲憂勤深自抑畏屬孝祖棄天下之養方慈父服
宮中之喪遽非黃屋之心乃以鴻圖而授雖宏遠之舉未完而甚盛之德
蔑加欲盡形容祇同繪畫臣猥以財貲獲承慶基惟祖父之是循每羹牆
之必見一意適祇於詒燕十年粗底於和平對越在天之靈再展郊丘之
敬謹遣特進右丞相提舉國史院提舉實錄院提舉編修國朝會要提舉
編修玉牒提舉編修勅令清源郡開國公食邑六千三百戶食實封二千
四百戶陳自強奉玉寶玉冊加上徽號曰光宗猶道憲仁明功茂德溫文
順武聖哲慈孝皇帝仰惟於赫皇考啟佑後人光于祖宗永有區夏謹言
冊文知樞密院事兼參知政事許及之撰參知政事費士寅書齊大同知

臣等院事張孝伯家慶元三年七月十二日詔孝宗皇帝合加上謚姑令
禮部太常寺疾速討論聞奏 二十六日詔曰禮莫重於始郊孝莫嚴於
尊祖雖神功聖德曾無地以寄言然茂實徽名肆因天而請謚屬紫壇之
聲祀宜清祀之勳崇恭惟孝宗哲大神武成孝皇帝躬上哲之志紹中興
之運望如雲而就如日華既重堯勤子邦而儉于家道爰授禹九域謚滿
於帝澤八荒震驚於皇威蕩蕩巍巍高於前古承承繼繼光啟於後人
朕遠撫有唐之彞近襲紹熙之矩將以體太上追思之重合天下稱頌之
公願累千百言苟究形容之美然彌億萬載庸增曷爽之休欽崇行即於
壁丘刊玉恭先於寶冊貽孫謀以燕翼誕昭有永之傳揚鴻烈而鮮熙丕
顯無窮之歸孝宗皇帝謚號見今六字宜加上十字為十六字如祖宗故
事今半執侍從臺諫兩省禮官集議仍令禮官詳具典禮以聞已而右丞
相京鏜參知政事兼知樞密院事謝深甫參知政事何澹簽書樞密院事
葉翥吏部尚書兼侍讀兼給事中兼修玉牒許及之兵部尚書兼侍講劉
德秀刑部尚書兼侍讀李沐工部尚書錢象祖戶部侍郎兼詳定勅令官
張抑禮部侍郎兼侍讀兼實錄院同修撰兼吏部侍郎楊輔中書舍人兼
侍講謝源明中書舍人兼國子祭酒兼直學士院實錄院同修撰高文虎

右諫議大夫兼侍講姚愈權吏部侍郎兼侍讀兼實錄院同修撰黃由權
戶部侍郎陳杞權兵部侍郎王灝權刑部侍郎張孝伯權工部侍郎兼實
錄院同修撰胡絃太常少卿何異起居郎兼實錄院檢討官張貴謨起居
舍人兼實錄院檢討官衛涇殿中侍御史兼侍講張奎右正言劉三傑監
察御史沈繼祖湯碩太常丞兼戶部郎官張震太常博士汪義和著作佐
郎兼實錄院檢討官兼皇弟吳興郡王府教授兼權禮部郎官兼翰林權
直陳宗名太常寺主簿張岩赴尚書省集議加上孝宗哲文神武成孝皇
帝徽號曰孝宗紹統同道冠德昭功哲文神武明聖成孝皇帝詔恭依
八月九日詔加上孝宗皇帝徽號將來群臣詣太廟本室奏請并發冊寶
及奉上行禮都大主管官以內侍省都知甘易充 二十七日禮部太常
寺言加上孝宗皇帝徽號依禮例於郊祀大禮前三日發冊寶及奉上行
禮合於發冊寶前一日宿齋乞於十一月一日皇帝宿齋于文德殿率執
宿衛于皇城司其餘行事官於顯正門外待漏院百官宿齋於本司十一
月二日皇帝服通天冠絳紗袍御大慶殿奉冊寶拜訖次授奉冊寶太傅
詣太廟本室奉上行禮俟太廟奉上禮畢是日內有差充太廟前二日朝
獻景靈宮行事執事官赴景靈宮省領立班訖次文武百官並赴大慶

殿以俟立班奏請皇帝致齋餘依大禮已定儀注施行從之 九月十四日禮部太常寺言今東集議孝宗皇帝徽號訖候撰到議文依禮例奉冊寶太傳率行事官并文武百僚詣孝宗皇帝本室奏請并奏告諸室合差請徽號議文官詔差起居郎張貴謨 二十一日中書舍人兼國子祭酒兼直學士院兼實錄院同修撰高文虎上孝宗紹統同道冠德昭功哲文神武明聖成孝皇帝徽號議曰臣聞備道全美者上聖之成能有德必名者盛帝之高致道造乎妙德臻乎隆極天地之際蟠同日月之常久崇深闢奧莫探其原廣大精微靡殫其蘊然而史釐皇王之叙典垂勛華之稱者詎非美以事昭名以象示歟然則舊景災禍鴻鏹振芳烈彰緝熙黼藻形容鋪張揚厲寫之琬琰而有補被之金石而無窮茲揭謚尊名表功勒碑所緣作也况乎續堯之緒廣文之聲父子一時基業萬世思所以宣華闡祕騰茂楊翹使光明顯休沕涵曼羨彌測而弘遠益傳而益新繼于簡編炳然潤色屬我皇上敷育大猷苞舉至公率籲衆志言麗而天人合謀飭而上下孚皇乎休哉神聖之類符古今之懿範也恭惟孝宗皇帝欽明而文思濟哲而溫恭剛健充于日新智勇全乎天錫識昭範圍而不以察行該倫制而不自矜巍巍乎蕩蕩乎固已配五帝冠三王開闢以來未

之聞也粵稽藝祖肇造皇家傳位于昆弟私其子仁流義行慶發祥鍾啟佑後人詒孫燕翼挺生睿質與祖同符洪惟高宗灼見天命中廢宸斷不建帝儲蚤禮慶基光系大統天地社稷罔不憚寧華夏山川罔不依戴災國赫奕寶系延洪而歸尊慈闈業業致孝屬精治道兢兢靡違功業所就之言執乎漢祖付託得人之善邁乎唐宗鉅宋之休其盛矣乎伊昔書契斷自典謨德始乎明孝崇乎大者特虔舜耳維祖御極奉親盡道繼志而述事遵制而揚功朕舜益隆焉畏天有訓敬天有國水旱攸聞憂懼儆戒而乾坤清謐躋象登輝陰陽序訓年穀豐美非察天之寶歟承顏順志侍善問安寶冊荐登慶觴屢舉而勇於退處永言孝思典章禮儀冠絕隆古非事親之篤歟磨厲人才親加臨遣歷治中外蒐舉事庸而卽步郡縣登縣蹟武優轉級職特有勲非亮功之命歟深詔使軺中飭守令損租減稅發廩貸民而表廉律職去苛禁暴戶增地闢逖悅遠來非厚生之效歟適觀天謀深念邦本其明謨遠畧英度悅机銳於有為勤于自治皇威之所震疊聖慮之所圖回籠絡群材鞭策斯世如恐不及者悼三川之遐阻痛中原之殫腥霧掃颶清犁庭掃亢帝意固有在矣醜虜畏恒使介順恭平國書之儀殺歲幣之目功烈盛大祚祐畢安於戲偉哉聖既濟於高明

學既興於終始而謙虛退託益廣訪詢免弛勤勞復詳論繹非訓典不道
惟藝略是親聞御延和而日近臣鄰宿直玉堂而夜咨儒雅校文輯史考
傳詰經每躬斷之至繁亦研覃而不懈故述作之制則製贊以美孝德之
盛作賦以開造化之工歌詩以發恢規之確述論以飭用人之道旨義渾
靈表裏六經筆法之妙則明堂以嚴宗祀之恭經閣以崇奎章之奉賜書
以懋進士之訓詩篇以侈臣工之榮鉤珥照回超冠八法皇堂恢于漸被
人文著乎化成至若御館弗親聲色弗御聽朝日昃覽書宵分其勤至矣
服有瀚濯飾無金翠庭絕橫賜府流美繕其儉彰矣旌別文武洞料事樂
權與兵謀周知險阨其明遠矣任用臺諫獎厲忠規遏斥僞浮屏絕私覲
其斷精矣若乃臨策貢士命舉賢良東觀閱書西雍講禮足以宣其文甄
拔將校砥練師屯細柳按軍射殿閱士足以電其武園丘展禋合宮配祀
太室獻祿原廟荐新足以廣其誠祇承文母日事東朝親奉旨甘躬致定
省足以殫其愛至于萬親睦族尚仁也念舊重老尚義也被禮協樂尚儀
也蒐文崇藝尚教也臨御滋久聽治益精人間區分事皆隨決精神所運
群臣莫望于清光念慮所關至計迫存於恢復是以任用之際每期于事
功訓飭之嚴必經於邊備政歸綜核下亡具文躋世于晏雍措國於康乂

二十八年之間規摹之登閔樞机之周家紀綱制度肅其叙聲明文物昭其華足以增光祖宗垂業億嗣及乎治既成矣効既豐矣終堅奉親之志立決與子之圖順燕大安虞侍長樂親舉神器授之重明天錫昌祺神効康祉尊榮曼壽福祿燕寧方當玩志希夷游心冲漠侍瑶池之樂賦靜齋之安而垂雲莫留終天罔及賴威靈之如在登仁澤之方深侈于繼承自我烈祖倚輿赫哉勲德淵茂不能盡宣後有作者弗可及已夫系唐續堯本支百世是紹統也下武繼文父作子述是同道也以舜禮禹始終至孝是冠德也武宣信威天聲輝赫是昭功也光被四表照臨百官明之謂也道育萬物聰冠群倫聖之謂也合哲文神武成孝之號蓋訓大美繪飾景光參稽與謀揆兮憲典膺之天地薦之廟宮垂之千萬祀用章孝廟之休烈洪業與宋無極請上徽號曰孝宗紹統同道冠德昭哲文神武明聖成孝皇帝 二十八日礼部太常寺言奉上孝宗皇帝徽號合用仗儀導引排立其儀仗乞令兵部差撥及用鼓吹乞下殿前步軍司差撥雜樂人充從之 十月三日詔十一月二日奉上孝宗皇帝徽號奉冊寶太傳右丞相京鏗奉寶讀寶侍中參知政事兼知樞密院事謝深甫奉冊讀冊中書令參知政事何澹舉冊吏部尚書兼給事中許及之尚書劉德

秀舉寶刑部尚書李沐權兵部尚書錢象祖進接大奎殿中監戶部侍郎
張抑奏中嚴外辦禮部侍郎楊輔御前奏中嚴外辦吏部侍郎謝源明禮
儀使前導皇帝發樞密院事兼省奉解嚴權戶部侍郎陳杞御前奏解嚴
吏部侍郎黃由替引奉冊寶太傅并奉上行禮起居郎張青謨贊引前導
禮儀使太常少卿何異押樂太常卿右諫議大夫姚愈光祿卿殿中侍御
史張全奉禮部右正言劉三傑協律郎權工部侍郎胡鉉太祝監察御史
沈繼祖太官令中書舍人高文虎五日禮部太常寺言昨奉上高宗皇
帝徽號以冊寶告廟更不改題神主將來奉上孝宗皇帝徽號乞依禮例
施行一今來奉上孝宗皇帝徽號冊寶禮畢乞俟郊祀大祀畢擇日率執
率文武百僚詣文德殿次詣壽康宮拜表稱賀並從之十一月二日命
右丞相京鏜攝太傅奉上孝宗紹統同道冠德昭功哲文神武明聖成孝
皇帝徽號冊寶于廟室冊文曰孝孫嗣皇帝臣擴臣聞堯舜為五帝之盛
舜之繼堯則愈盛而不可及故經傳所稱必極其至德曰大德功曰大功
孝曰大孝智曰大智論其樂則曰盡善而又盡美無非殫稱述之詞極形
容之意以發揚其甚盛之美萬世之下巍巍煌煌猶想見其如天之無不
情如地之無不載者豈無自哉惟宋中興聖作明達揖遜授受如舜繼堯

故承堯之運循堯之道重堯之華稽古盛際若合符節然則建顯跡施尊名揚厲昭揭以詔無窮者宜推崇無上不一而足也恭惟孝宗哲文神武成孝皇帝聖旨本於天縱精一得於心傳粵自君德之潛風繫人心之望逮觀承神器之重迺光紹正統之隆謳歌來歸信順協助仰父子之相授視唐虞而有光清明之初率循是務憂勤念慮宵旰圖回開數路以蒐攬人材虛一心以延納忠說者費節用而率下以儉輕刑蠲賦而撫民以仁振舉紀綱愛惜名器賞罰必行春生秋殺辨令必信雷厲風飛長轡遠馭期於規恢明謨雄斷見於奮發屬戎虜之犯順命王師而徂征指日奏功聞風慕義持巢穴復境土志雖未遂殺礼文滅金幣咸則已伸于今邊陲茂聞烽警至于款郊丘饗宗祐幸館學閱將士御華光而親講請初廷和而勤咨詢文事武備並舉交修時和歲豐重熙累洽方且作敬天之圖見見祇敬之弗怠哀卹民之書示寬卹於無窮居安思危長慮卻顧是以二十八載致治之盛掩乎五三六經載籍之傳若乃道盡事親誠存致孝備四海九州之養謹五日一朝之儀常若靡皇久而益敬當思陵之厭代居黜廬而執喪甫畢橋山旋安清廟遂以天下畀于上皇奉几筵如平日之誠服苴麻三年之制鄣文漢文倡易月之失陋晉武感除服之非斷以力

行自我作古謹終追遠處北宮而靡寧送往事居奉東朝而弥謹雖務哀情之過抑國慈抱之寬此聖人之德無以加自開闢以來未之有也臣惕惟菲質敏紹丕基燕翼孫謀嘗承訓飭潤色祖業敢後顯揚第惟乾坤之難名亦豈繪畫之能盡敬因蒼壁礼天之始肅陳白玉鏤牒之文謹遣金紫光祿大夫右丞相提舉編修玉牒提舉寶錄院提舉編修國朝會要提舉編修勅令豫章郡開國公食邑六千一百戶食實封二千戶京鐘奉玉冊玉寶加上徽號曰孝宗紹統同道冠德昭功哲文神武明聖成孝皇帝仰惟皇矣烈祖顧于我家中錫無疆克昌厥後謹言冊大參知政事兼知樞密院事趙鼎甫撰參知政事何澹書寶文簽書樞密院事葉翥篆同日詔大行太皇太后母儀四朝所有謚號字數令侍從兩省臺諫及礼官先次集議以聞十二月九日宰執進呈大行太皇太后改謚憲聖慈烈上曰聞文烈乃昊乞買謚京鐘等奏本朝宣仁高太皇謚聖烈今以此二字拆開同日吏部言已降指揮集議大行太皇太后謚號并一就集議欽宗皇后朱氏謚號於十一月二十七日集監察御史以上官及礼官赴尚書省集議畢上大行太皇太后謚曰憲聖慈烈皇后欽宗皇后追謚曰仁懷皇后詔恭依奉上祖宗徽號庚元四年正月三日著作佐郎兼

翰林權直兼權禮部郎官陳宗召上仁懷皇后謚議謚曰臣聞儼尊婉極者宮壺之令猷紀行垂休者邦家之盛典繇周而始易名之法既傳豈漢以來崇徽之踴斯窺矧恭儀體乎順靜懿德履乎艱難往躅雖遙遺芳可述倘非擬之禮制告之廟宮表之以尊祿揚之以丕冊其何以昭淑則而詔無窮哉恭惟欽尊皇后稟粹明之資全莊栗之行饒龍之夢兆乎初生見畫之光華乎衆睹蓋曾妙之積瑞而倪天之休符也若昔欽成克佐神祖逮事聖烈是生哲宗母德但隆慶源增衍比及政和之盛有嚴儲貳之升即后族之流輝選閨儀而作合屬承大統始正中闡懋明內治之功協贊邦圖之重致警戒之道以求靖乎多虞服瀚濯之衣以率先於諸御外家居第靖勿繕修戚聞憂恩獨深裁抑有言必及於大計軫慮不忘乎生民至發掖庭之舊藏以厲將士之死力况甲觀風聞於履武而青宮終任於撫軍皆淵猷慈聞之所鍾信隱德陰功之已厚適陪巡狩備極虔勤通能順消息盈虛之宜達幽明死生之變應權星而東漢隨魘魄以西沈彤管空留玉衣何適望蒼梧之野莫返於陟方遵緡隅之山諒麗於同壤駒陰迅其如驚駭馭遊乎蓋遐蓋已超迹于太虛棲神於遂及矣皇帝紹延鴻之丕祚緬在昔之芳規載惟永猷之靈久飭太宮之饗清祐猶虛於昭

配卹章永備於追崇通命群臣參稽古誼誕敷節惠用安神遊眎唐室之
睿貞徽音遠邁偕我家之憲聖升祔維時名實既符情文斯稱謹按議法
恭寬敏惠曰仁克己復禮曰仁德禮不易曰懷執義揚善曰懷惟欽宗皇
后具全懿鏐允協前經宜恭承祖宗之命上尊號曰仁懷皇后 同日若
作佐郎兼翰林權直兼權禮部郎官陳宗召上憲聖慈烈皇后謚議曰
臣聞周家肇造施造子孫思齊嗣徽詒謀燕翼于時以來胥宇自潁及岐
寔惟大姜艱難經始然而閔母儀於四世擁聖禮於三朝則莫之聞也漢
室重興系隆基統性仁躬儉既振災于時征伐將兵徙洧旋洛寔惟光
烈勤勞叶圖然而侈尊養於九齡行鄉榮於七冊則莫之見也惟天眷顧
宋德惟宋廷續天休端瑞坤元於赫景運立憲垂則再造有家東惠著慈
丕佑累聖功茂德威不能盡宣巍巍乎煌煌乎弗可及已繫欲篤追遠之
志煥貴崇之彞則謚以彰功名以賓寔誠邦家之景鏐古今之豈規允屬
明時發揚大美天人協契成在茲歟恭惟太行太皇太后淑哲而聰文儉
恭而仁聖德足以配乾之運明足以儼日之常言動雍容肅然法度咸容
端穆蔚有禮儀昔者神羊告符絳輝貫室灼知帝意垂羨皇圖蓋自高宗
規恢復古則啟贊謨斷同又艱難航海之初扈兵失軌后操戎服射中數

人悉就臬擒事克康濟外虞迄靖內政畢修祇奉慈寧日精宸膳藥皆親
餌帶鮮釋衣言婉計周進賢是勸誠明慮遠贊獎惟先順澤大庭全享受
壽亦專孝宗禮膺寶祚風勤保養特著恩仁助決高皇親傳神器天日之
表德訓所形黃屋非心並安至養甘旨必奉慈虞必躬芙蓉幸游大安侍
宴四登瑤冊歲介五卮退處重華宮供長樂事親之萬遂昔所無至于上
皇祇承界付參定文命先授神孫實事層闡叠隆踴躍則則有慈福之稱
逮聖上通駿翼謨飾御簾帷備勤擁立曾孫有慶天下以寧時則有光佑
之輝若乃大練瀚服斥翠賤璣葛覃之儉也選采嬪嬙登御掖闈蘭雖之
風也開寤淵衷援据前古難鳴之戒也聞勞臣下甄別勸勤卷耳之義也
而又研繹詩雅基化二南璿闥邃深榜以賢志成誦通鑑陳戒后家婉戚
勸趨厲以學行其思遠矣游心藻墨耽樂典文寶畫銀鈎儼美堯翰凝神
滄漠咀味道貞鳳篆龍編日度仙籍其志崇矣故輔治南內凡二十年婦
順宣明陰教教也承祀宗廟潔共粢盛助萬求才政銷私謁而內治彰優
游東朝三十有五年天貺叢棘人心騷贊養有聖子祥有重孫慶衍祥流
禮明物盛而全福備方當絲萬年之歷來五日之儀行地無疆聖宗罔極
遽興厭世不返乘風漢殿深沉迴閣含飴之樂池杏渺空傳飛鶴之迎然

而禹用廣儲豫裁陵役卻藥輟進務全護醫若德與仁亦至矣乎仰聖上之懷思期恩慈之報稱中禁舉為蕃之制外庭從易月之宜延詔司存飭豈卹典煥垂簾而質謚即因山而園陵有以見維則之純謹終之厚矣竊觀世有后德莫如聖朝若章獻明肅則擁祐仁皇同決幾政若慈聖光獻則援立英宗傳序神廟若宣仁聖烈則決策忝陵臨朝九載若欽聖獻肅則預立哲后宅勤市惟若昭慈聖獻則基命中興載定宗社至于贊堯禋舜以武繼文戮力一心垂簾四世時維太后視前增輝輯樞飭終之經摩闢易名之義宜鋪張而揚厲俾碩大而光明謹按謚法聖能法天曰憲通達先知曰聖視民如子曰慈安民有功曰烈夫叶扶炎正共致太平苞匭于戈黼黻禮樂非憲之大歟蚤贊翼禮中衍孫謀允玩冲虛躬享康祉非聖之至歟備嘗艱險覃成至功涵澤深長躋民仁壽非慈之威歟基圖有永宗廟再安肅擁重闕本枝百世非烈之偉歟嗚呼道大者莫容管窺德隆者尤難藻繪伊欲合典墳而齊久被金石以宣聲庸建塗山之勳戎昭媯石之造俯欽明命恭獻斐辭闡繹輝文受成廟佑于以昌億祀之慶于以媚在天之靈大行太皇太后請謚曰憲聖慈烈皇后二月六日詔奉上孝宗皇帝徽號冊冊寶禮畢依紹熙二年奉上徽號體例等第推恩第一

等特轉一官內都大主管甘昌特與見今官上轉行承受官李大議特與
帶行選刺 八日命右丞相京鏜攝太傅奉上憲聖慈烈皇后諡號冊寶
于廟室冊文曰孝曾孫嗣皇帝臣擴臣聞生而得名既極天下之美況而
定謚宜起礼典之常况垂範於層闈爰勒崇於永世恭惟大行太皇太后
延陵閭喬秦仲起家善積餘慶祥當女貴神羊年紀待康之夢紅光昭聖
之符惟我高皇艱難締建靡行不從有事必咨果應視天之求以期興王
之業柔順麗乎中正逸樂念乎憂勤脫簪珥而納箴規躬綯練而倡純儉
事姑盡孝故能得其歡心逮下以仁故能均其恩意勤容有度而中珩璫
之節出言有章而藹彤文之載海藏翰墨則妙奪蘭亭之蹟玩味經史則
尤精通鑑之書湯沐請還於縣官私謁不行於宮掖厲外家以講學母使
得戚里之名榜使坐為賢志以自見輔佐之義清淨守老聃之訓監戒存
列女之圖豈徒周室之姜任寔乃女中之堯舜二王建邸當壁未分逮帝
心之儆勤忝聖德而內禋外罕聞於大議中獨贊於神謨旋優極於北宮
以怡神於少廣思陵厭代孝廟執喪將移御於重華復助成於與子從宮
所决固已著塗山翼夏之績倉卒而斷抑又有女媧立極之功項烈祖之
上賓屬聖父之遺豫志安社稷策定簾幃高懷曲徇於慈尊神器猗傳於

少質懇辭雖切擁佑采堅恩與天隆孝方日致身享曾孫之養位居太母
之元寶茂而聲愈宏仁高而壽益永將修陽復之慶忽與節宣之宜視夜
旦以為常卻藥餌而希御覽旌來導鶴馭難留痛切三宮悲慙萬宇載惟
終始獨備哀慙正長秋之位則歲決再旬受長樂之朝則數周三紀母儀
坐閱於四世聖筭宏開於九帙兩需如天之慶澤七登鏤玉之弥文披載
籍則靡聞考皇家而親見信乎備全人之全福極天下之至美矣顧大德
雖泯於不言而遺烈具存於公議參稽故寔度越曩章易名聯五后之芳
因山視長陵之制彰一時之保護揭千載之儀型謹遣金紫光祿大夫右
丞相提舉編修玉牒提舉實錄院提舉編修國朝會要提舉編修勅令豫
章郡開國公食邑七千一百戶食實封二千四百戶京鎰奉冊寶上尊諡
曰憲聖慈烈皇后伏惟儼若明靈膺茲盛禮齊放勛在天之駕扶災宋無
疆之統謹言冊大發書樞密院事葉耒撰奉知政事何澹書寶文恭知此
事兼知樞密院事謝深甫撰 四月十日命右丞相京鎰攝太傅奉仁
懷皇后謚冊寶于廟堂冊文曰哀嬖曾孫嗣皇帝臣擴伏以礼有易名而
表行者欲極其義以推称礼有遺變而缺文者必待其時而後舉昔在欽
宗皇后適丁靖康之難遂曠長秋之居從狩朔庭諱問隔絕願眇躬之嗣

統奉宗廟而有嚴肅瞻祖室之靈尚虛帝后之祔每親禋祫肅然疚懷念
歲月之屢遷悼典彝之未講今以太皇厭代億福治喪議發礼官允協衆
志因時追奉其敢或違然以事之既遠則定制必酌其宜名之未彰則祿
美必賓其實于稽節惠之法以盡形容之辭恭惟欽宗皇后淑哲挺生風
有神異懿範備具得之天資迹貴闕之慶源出欽成之后族被服礼法於
闕門之內增益聞見於國史之間是宜聘為元妃作合欽廟逮正椒塗之
位載新玉冊之儀躬自節儉取則葛覃志在憂勤允符卷耳動可形於風
化嗣益稔於徽音方將極輔佐之勞盡相成之道而乃履運中否屬時靡
寧事不顧於私門則家廟力辭而弗建恩遇裁於戚里故親屬先抑而居
卑至于捐宮帑繒帛之儲為軍士衣被之賜義共國家之難意國社稷之
安豈謂鑒輿播遷罹車隨遠當周室中興之日漢蒼梧或返之期邈不得
門言之何忍前考睿真之故事具有唐朝之金舊章依倣而行情文惟稱
嗚呼彤管之輝僅得紀述於儼極之初厥衣是陳徒能討論於悼往之制
既有司之訂礼將清祐之升神爰念當時扶持國步之孔艱修明陰教之
甚備垂發祥於甲觀終絕望於大寧天道茫茫莫可推測苟不興思以述
前述揆德以詔無窮則一代之典不幾于有遺闕歟於是博咨紳士受命

前宗殛其名言庶得髣髴以告幄座以寓哀情謹遣太傅金紫光祿大夫
右丞相提舉編修玉牒提舉寶錄院提舉編修國朝會要提舉編修勅令
豫章郡開國公食邑七千一百戶食寔封二千四百戶京鎰奉冊寶上尊
號曰仁懷皇后伏惟明靈在天永膺廟饗光賁史牒於萬斯年謹言冊大
簽書樞密院事葉翥撰參知政事何澹書寶人參知政事兼知樞密院事
謝深甫兼

六年七月二十日起居舍人兼權中書舍人兼權直學士院

郡文炳上慈懿皇后謚議議曰臣聞皇天監誕萬邦將祚有德以永熙運
名生淑哲齊聖並明化始于宮闈而治形于海宇慶閔于當世而聲施於
方來伏思三代之興獨塗山娥姁太姜任姁載在簡冊稱祿威休豈非為
天所相德行純備者其生也有數歟於皇我宋世有哲王率以正身齊家
守為成憲故天立厥配昭武后範助隆帝業冠軼前古至若作合初載則
誕開世嫡以條天下之本正位長秋則明章內治以成天下之風燕居慈
闈則克儼極尊以享天下之養嬪則之禮備母道之教彰美具善并成極
其會是又弗可及者已繫欲侈徽音於既往播馨烈於無窮則崇節惠之
公建殊常之號協謀衆志受成太宮用當乎靈心用傳乎古義不可闕也
恭惟大行壽仁太上皇后端莊而順靜溫裕而慧明先太師楚王實事

高宗 孝宗皇帝馳驅百戰時虎臣戴滿戎昭填撫疆場為國戡難而有不專殺之仁為君盡忠而有不求報之義儲慶委祉是生淑姿以洪厥家以瑞我宋奉神明之祚誕聖哲之君巍巍乎其兼三代之懿也尊尊夢因之祥亦光照室視天之表異人告符毓粹闔門振芳胃緒不煩姆保之訓而無違德不待環珮之響而無情容天畀厥休寶鍾涓涓我太上皇帝潛曜朱邸陰儀適升正諸少陽元妃受冊時則行昭服瀚誠助主宅稱詩率礼法度相成以脩于婦之道惠問孚於帝室景貺迓於穹蒼甲觀開祥中固景命遠六龍在御天德出寧垂意太平積精政事時則作配皇極齊體紫宸深惟王風寶繇正始致夙宵之警戒參念慮之幾微惟德澤是培植節儉之迪功宏于厚載而不見其迹礼昭於善物而不知其勞亦將以嗣曾壺之令猷成河洲之美化孝宗皇帝嘗臨未央觀其瘁勤形於言動載嘉后職喜溢天語內助之盛益可知矣于時革禁掖之靡飾損椒塗之服御新女史之法誠崇婦官陰教宮室不求於雕麗鐘鼓不聞於宴私潔豐潔威躬脉條濯所以嚴九廟之祀者罔弗備敬共定省親調滑甘所以贊兩宮之奉者罔弗虔戒踰闕之言則肅清閨闈而險詔不萌守惡盈之訓則檢裁外家而毫髮無假禕榆有肅遵礼節也箴圖布列勤鑒觀也種

桂猷種劬農務也爾館親蠶勸女功也履綦胥而躬煩辱之事當平世而
厲憂勤之思壹政穆宣德教宅達用能輔成太上之興理以紹孝宗之垂
休逮神器之傳將畀聖子從容贊決如成夫計保佑啟迪助閑詒謀內禪
定於宮中而四方晏如靈長之業益固且安者繫母訓是賴太上纂裳高
臨端處大庭起心道微儲恩於真一之境皇帝欽承付託尊崇盡礼嚴四
海丕奉飭五日之親朝祚玉卮鏤寶牒寔同壽母均極怡愉榮懷所覃際
天薄海固已慶不可逢之嘉會矣而慈殿之邃密拱帝宸承順顏色以適
起居在視寒煖以奉饗膳調娛清閒之燕綏安中外之情益無所不盡其
至藥章籍籍玩繹精專琳宇梵宮賜予周匝所以容徽陰佑導迎華祉上
介慈皇曼壽之福下副聖子寧親之懷龍樓間安母贊父教祖宗法度必
戒遵承華夷撫寧動植遂茂陰功隱德所被洪矣至於服賤纖麗之巧而
好樂乎綈紵器斥瑰奇之玩而盥濯乎陶瓦宇下而加厚祿窮而興剛威起
之教不施於臣妾衣食之惠每逮於鰥嫠若斯之倫何可殫數歷觀古今
之記訪考妃后之事未有殊尤絕迹可加於茲也是宜膺福善之報施樂
撫運之熙明坐少廣以凝神與太極而同體含飴載懌受嘏亡疆夫何上
天降凶慈壺結稔感災敲之沴愆冲雷之和皇帝孝根于心憂形於色義

諸暨而瘵疾禱群望以求哀藥必親嘗衣不解帶而柔微遽訣冥數莫回
聽取何之痛甚白雲之遠客衣雖在忱驚丹旄之飛駒景易移龍輅久殯
將肅攢塗之啟以須祖載之期披紳既陳池荒欲舉有嚴仙寢遂畢美封
此兆姓所以悼心三靈為之變色有司繇是稽若舊典勒崇丕冊懿哉鏤
庫獎有以炳淑靈而昭全德也謹按朕民如子曰慈溫柔聖善曰懿乃若
母儀兩朝撫育函夏哀矜惻隱軫懷如傷博施為心實儉為德厚澤所被
合於坤元不曰懿乎挺生聖嗣訓教恩勤燕翼是禪計慮深遠衆美備具
一誠始終仰增前輝俯垂後範不曰懿乎惟歸謚之建尚矣皇后之謚則
請于宗廟矧德衷之淵奧仁德之龐鴻皆非愚臣所能勝識樂述大行定
稽民言惟神靈之所願歟幽明之所合契用昭示千萬世永為不朽之祿
以振耀于丕鑠大行壽仁太上皇后尊謚宜以祖宗之命錫之曰懿懿皇
后 八月八日禮部太常寺言八月十三日迎奉大行太上皇后謚冊寶
告廟訖太傅以下從冊寶徑赴太行太上皇后几筵殿上于靈座從之
十三日命特進右丞相謝深甫攝太傅奉上懿懿皇后謚冊寶于廟宣冊
文曰孝子嗣皇帝臣擴臣聞難名者坤元之至德莫報者母育之深恩既
卒終養之誠宜極追崇之禮始稽謀於群考繼請命于大宮予以易名斯

為美報恭惟大行太上皇后維華毓秀指李呈祥生而異表之倪天夜有神光之照室早從勲閣擇配濬源馨香奉蘋藻之羞進止中珩璜之節乃開承之日夢乃饌前星之輝絕險誠而不忘乎憂勤服瀟灑而自安於恭儉丕統既傳于聖父柔儀肇建於長秋修內治而無情容抑外家而有常制崇本躬先蠶之祀親身鑒列女之圖以大姒而興周人仰嗣徽之烈若奎山之翼夏獨參與子之謀雍容享至尊之祿佚樂同大安之奉時綰經而膳素日弄孫以含飴調娛兩宮歡洽一意上承太極曲盡小心膏藥餌以忘疲散金錢而植福迄臻平泰加霽黎丞偕老萬年壽玉卮之祿慶常朝五日欣綵服之間安屬當夏清之辰俄感災敵之沴克罹邦蒙辱我慈闈理莫詰于高穹數不登于下壽未央與悼廣寓纏悲況在眇冲風依聖善痛仙遊之已邈竭端以何追惟宿實于一言則流芳於千古昔三賢聞之老氏無越於慈而聖德見于文王必兼乎懿合此二行勒諸堅珉上馬昭揭於母懷下以章明于婦順謹特特進右丞相提舉實錄院提舉編修國朝會要提舉編修勅令中國公食邑七千六百戶食寔封二千八百戶謝深甫奉玉冊金寶上尊謚曰德懿皇后伏惟英靈如在容物方新永振休垂裕後嗣俾我有宋世世無疆謹言母太極宮院事並參知政事何澄

撰書寶文書樞密院事陳自強家二十七日禮部太常寺言大行聖安壽仁太上皇帝尊號冊寶見在壽康宮乞依典禮將來神主祔廟日將尊號冊寶陳於仗內迎奉赴太廟於冊寶殿奉安從之十月五日詔大行太上皇帝廟號集議率即臣請議于南郊攝太傅右丞相謝深甫請議議權吏部侍郎兼給事中費士寅舉議尚左郎官閻丘泳軍器少監兼權考功禮部郎官王炎奉禮部太常少卿俞豐太祝太常博士陸峻大官令太常寺主簿王涇同日詔大行聖安壽仁太上皇帝尊號冊寶詣壽康殿行奉上之禮都大主管官依例就差主管喪事官充嘉定十七年閏八月三日崩于福寧殿年五十七詔曰朕承十二聖之丕基歷三十一年之久允賴天地之佑祖宗之靈海內人安年穀豐衍北方故壤浸復版圖中原遺黎咸懷內附而朕夙夜祇懼不敢荒寧宵衣旰食朝感寒疾迄今大漸不得負宸以見群臣皇子與舊神受英奇天鍾壽哲春容朝謁休問日彰授以宗祧天人允叶可於極前即皇帝位然嗣君風居外紀未熟萬机皇后左右朕躬歷年滋久秉心公正務在進賢任似之稱聞于天下可尊為皇太后權同聽政應軍國事務並聽皇太后處分必能祇荷寵休奉若承憲佐中興之運副率土之心更賴左右宗工文武列辟輔其不逮惟懷

永國皇帝成服三日聽政喪紀以日易月群臣共為寬釋勿過推傷百官
入臨並隨帝之宜諸道州府長吏以下三日釋服在京禁音樂百日在外
一月無禁祠祀嫁娶沿邊不用舉哀內外諸運並令支賜並聽皇太后皇
帝處分於戲念有生之必死如晝夜相代之常惟付託之得人乃宗社無
窮之計咨爾有衆體予至懷故茲遺詔想宜知悉寶慶元年三月十二日
葬永茂陵在紹興府會稽縣謚曰仁文哲武恭孝廟號寧宗謚禮部侍
郎兼直學士院程必撰謚冊文參知政事宣贊撰哀冊文右丞相史弥遠
撰三年九月加謚曰法天備道純德茂功仁文哲武聖睿恭孝謚
議翰林學士知制誥程必撰冊文參知政事兼同知樞密院事宣贊撰